

**NATIONAL ASSEMBLY OF
SEYCHELLES**

Tuesday 6th August 2024

The Assembly met at 9 am

National Anthem

Moment of Reflection

Mr Speaker in the Chair

MR SPEAKER

Bonzour tou Manm Onorab; bonzour nou bann zofisyé ki pe asiste nou, bonzour nou piblik e en bonzour spesyal pour nou bann viziter dan galeri, ki en group etidyan Lekol Baie Lazare. Fotespere zot ava apresye partisipasyon dan nou rankont bomaten - byenveni. E Onorab Adelaide in demann mwan laparol pour dir zot en bonzour.

HON FRANCOIS ADELAIDE

Mersi Mr Speaker. Bonzour Mr Speaker. Bonzour tou mon bann koleg Onorab, bonzour tou *staff* Sekretarya Lasanble e tou dimoun a lekout, espesyalman mon bann zelev anler dan galeri bann etidyan Primer Baie Lazare avek zot ansenyan ki pe akonpany zot.

Mon dir zot *welcome* e fer sir zot swiv byen sa sesyon Lasanble, gete mannyer nou deroule aköz mon aprann poudir demen zot annan en eleksyon kot zot.

So sa i ava en avangou ki mannyer eleksyon i deroule e petet pli tar mon konnen i annan ki pou ranplas mwan parey zot in dir mwan, zot anvi ranplas mwan. So ekout tou bann keksoz byen, swiv byen prosedir; *espérons* ki nou a war zot a laprosenn fwa pour antre dan Lasanble Nasyonal. Mersi Mr Speaker.

(APPLAUSE)

MR SPEAKER

Mersi Onorab. Nou a fer prezantasyon dokiman. Mon ava donn laparol Madanm Clerk.

MADAM CLERK

Mersi Mr Speaker. Bonzour Mr Speaker, bonzour tou bann Manm, tou bann *staff* Lasanble, nou bann zanfan ki dan galeri e tou dimoun ki a lekout. Bann papye ki pe ganny prezante bomaten i-

- S.I. 48 of
2024 *Employment
(Coronavirus Special
Leave) (Temporary*

- Measure) Regulation, 2020 (Repeal) Regulations, 2024*
- S.I. 49 of 2024 *International Trade Zone (Declaration of Zone) (No. 7) Notice, 2024*
 - S.I. 50 of 2024 *International Trade Zone (Declaration of Zone) (No. 8) Notice, 2024*
 - S.I. 51 of 2024 *International Trade Zone (Declaration of Zone) (Revocation) (No. 5) Notice, 2024*
 - S.I. 52 of 2024 *Stamp Duty (Exemption) (Amendment) Order, 2024*
 - S.I. 53 of 2024 *International Bank for Reconstruction and Development Loan Agreement Debt (No.2) Order, 2024*
 - S.I. 54 of 2024 *International Bank for Reconstruction and Development Loan Agreement Debt (No.3) Order, 2024.* Mersi Mr Speaker.

MR SPEAKER

Mersi Madanm Clerk. Bon, Nou a pare pou konmans biznes lo nou *Order Paper* avek *Private Notice Question*. Madanm

raporter ava apel Minis e delegasyon.

Bonzour Minis, pour Lasante Madanm Peggy Vidot, bonzour Dokter Bernard Valentin Sekreter Prensipal pour Lasante, Dokter Jude Gedeon *Public Health Commissioner*, e Dr Sanjeev Pugazhendhi *Principal Policy Analyst* dan sa Minister.

Byenveni zot tou pou partisipasyon dan *Private Notice Question*. Onorab Sebastien Pillay, ou a poz ou *Private Notice Question*.

HON SEBASTIEN PILLAY

Bonzour Mr Speaker. Bonzour tou bann etidyan lekol Baie Lazare ki dan galeri avek zot ansenyan; bonzour tou koleg Onorab e bonzour Minis, avek ou delegasyon dan Lasanble Nasyonal e en bonzour spesyal tou Lepep Seselwa ki pe swiv Lasanble.

Mon kestyon i en kestyon ki pe preokip bokou dimoun ozordi Mr Speaker, e mon kestyon i lir koumsa;

Eski Minis pou Lasante i kapab dir nou, si en letid in ganny fer pou etabli lakoz prensipal logmantasyon dan to mortalite? Mersi Mr Speaker.

MR SPEAKER

Mersi Onorab. Minis, ou repons?

MINISTER PEGGY VIDOT

Mersi Mr Speaker. Mr Speaker, *Leader* Lopoziyon, *Leader* zafer Gouvernman, Manm Lasanble Nasyonal, bann etidyan ki dan galeri, telespektater, bonzour.

Minister Lasante, i kontinyelman etidye bann statistik vital ki enkli statistik lo lanmor, pour li kapab fer desizyon apropriye lo kestyon lasante pei.

Nou partaz bann sif ek grafik nou bann analiz lo tandans avek tou nou bann partener dan Sesel, osi byen ki aletranze. Parmi bann letid ek analiz ki nou fer i osi annan konparezon nou bann statistik nasyonal, avek statistik bann pei dan nou rezyon.

Bann lezot pei ki annan popilasyon en pe parey nou; bann lezot pei ki zot nivo devlopman i en pe parey pou nou, bann lezot pei ki menm pli avanse avek zot devlopman dan zot sistenm lasante.

E sa i ed nou pour nou kapab annan en *benchmark as to kote* nou ete.

Mr Speaker, larepons i koumsa ; en letid en rapor ti fer e pibliye lo nou sitweb an Mars 2024. Sa rapor i en *vital statistic report* pour 2023. I ti ganny

prepare par nou *Unit* Statistik dan Minister Lasante.

Onorab *Leader* Lopoziyon, mon pa konnen si ou'n fer en pti resers lo nou sitweb pou war sa rapor, me dan sa rapor i rapor ofisyel Minister Lasante i lo sa size. Annefe i annan plizyer lanaliz ki'n enkli statistik lo to mortalite dan nou rapor.

Mr Speaker, si ou permet mwan, mon ava remet avek ou en kopi sa rapor ki donn detay lo sa size plizyer lezot lenformasyon ki ankor konsern lasante.

En statistik enportan ki nou fer lanaliz lo la e ki nou etidye, se to mortalite brit. Sa ki ann Angle nou apel *crude death rate*. To mortalite brit i la kantite lanmor ki annan dan en lannen par rapor avek popilasyon pour sa lannen spesifik.

I ganny eksprimen an term la kantite lanmor pour mil zabitan dan nou popilasyon. Annefe Mr Speaker, kontrerman avek sa kestyon par Onorab, *Leader* Lopoziyon in annan ki in dir ki i annan en logmantasyon dan to mortalite, sa rapor i dir nou ki sa pa le ka.

Mon a profite mon a donn bann fe lo sa rapor, lo sa size to mortalite. Sa rapor si nou regard li lo paz 6 dan sa latab 3,

i montre klerman ki to moralite Sesel in redwir an 2023 par rapor avek to mortalite an 2021 avek 2022 kan *COVID* ti pe ravaz pei avek lemonn antye.

In sorti 9.3 lanmor, Onorab par mil latet zabitan, pour li vin 7.3 an 2023. Rapor i osi montre ki sif to mortalite brit pou lannen 2023 i menm pli ba ki nivo an 2019 avan *COVID* kan sa to ti 8.1.

Mr Speaker, nou bezwen dir ki dan letan normal bann lakoz lanmor prensipal isi Sesel se bann maladi kardiyovaskiler, kanser, maladi respiratwar, maladi enfeksyez ek aksidan ek blesir fatal.

Fodre dir Mr Speaker, ler nou pe ogard to mortalite koman i ete, konman in monte, konman i pe desann, i menm tandans ki nou vwar pa zis isi, me en pe partou dan lemonn antye.

Nou observe ki bokou lezot pei i pe pas dan menm tandans. Logmantasyon dan tou mortalite brit dan serten pei e dan lemonn, i vreman en fenomenn mondyal.

E sa in ganny koze parey nou tou nou konnen, par sa sityasyon ekstraordiner ki lemonn in pas ladan depi 2019, lafen 2019 ziske 2022.

Minister Lasante, pe kontinyen fer bokou letid e

bokou lanaliz lo tou size lasante. Minister Lasante pe kontinyelman donn tou swen posibil, tou swen neserer tou bann dimoun ki nou kapab.

Minister Lasante, pe fer tou posibil pou promouvwar Lasante dan nou pei e anpes maladi kan i posibil. Me Minister Lasante tousel i pa pou kapab anpes tou, nou bezwen en lapros pli kolektiv. I konmans avek konportman endividyel, kominoter e ki monte ziska nasyonal.

Sa rapor ki mon'n koz lo la, i reflekte bann bon travay e bann devouman nou bann travayer lasante. Mon ti a kontan Mr Speaker, a sa moman, remerci zot pour devouman, pou zot gran travay ki zot pe fer tou le zour sak minit 24 er toulezour, pou promouvwar pou sofgard lasante nou pep Seselwa. Alor pou tou travayer lasante en gran mersi.

(APPLAUSE)

MINISTER PEGGY VIDOT

Mr Speaker, vwala lenformasyon ofisyel ki nou annan. E parey mon'n dir sa rapor i lo nou sitweb i kapab ganny *download* par nenport ki kan zot annan letan mon ti a

kontan konseye ki zot garde.
Mersi.

MR SPEAKER

Mersi Minis, pour ou rapor. Annefe mersi pou sa kopi ki ou'n donn mon, mon annan enn ouver lo mon *desktop*. Akoz wi, i vre i en rapor tre detaye. E mon sipoze ou'n fer sa pwen akoz nou annan dan *Standing Order* ki dir en kestyon "*A question shall not be asked seeking information available on accessible documents or ordinary works of reference.*"

So mon met a latansyon bann Manm ki i annan sa rapor e bann detay i ladan. Sepandan mon'n note, e rezon akoz mon'n zistifye kestyon *Leader* Lopozisyon, se ki i sa son kestyon i pa neserman lo rapor i demann resers pou etabli lakoz prensipal dan logmantasyon to mortalite.

Me lo sa Minis, in dir i napa logmantasyon dan to mortalite. Mwan lo mon kote, sa ki mon anvi dir bann Manm, kestyon i bezwen en demann pou lenformasyon, i pa kapab en argiman avek Minis, e i pa kapab en alegasyon. Mersi pou konpran mon avan mon bezwen koup mikro okenn dimoun. Mon annan Onorab Labrosse, ki'n lev lanmen premye?

HON RICHARD LABROSSE

Mersi Mr Speaker. Bonzour Mr Speaker. Bonzour tou nou bann envite, tou nou bann dimoun a le kout.

Minis, monn ekout ou prezantasyon byen e osi mon'n al en pe lo sa rapor ki'n ganny sirkile ki lo ou *website*. Vi ki nou pe remarke ki *lifestyle* Seselwa li menm i pe sanz en pe, nou pe vwar ki annan bann maladi kronik, parey kanser, dyabet menm lobesite osi e ladyet osi.

Mon ti a kontan konnen atraver ou Minister, oubyen ek bann lezot lasans zot travay ansanm, ki bann travay ki annan ki zot pe fer sirtou pour zot travay ansanm sirtou bann prodwir ki pe antre dan pei ozordi.

Ki nou konnen annan plizyer prodwir ki antre dan pei, sirtou bann ki pe ganny konserve ki dapre rapor deor bann dimoun ki koze deor i dir ou, sa osi i kapab annan en pti *link* avek kanser li menm.

Mwan, mon ti a kontan konnen ki ou Minister ansanm ek bann biro lenportasyon zot pe fer, pou fer sir ki nou ganny de kalite keksoz *healthy* dan pei. Mersi Mr Speaker.

MR SPEAKER

Mersi Onorab. Minis?

MINISTER PEGGY VIDOT

Mersi Mr Speaker, mersi Onorab pou ou kestyon. Onorab, wi, nou pe fer en kantite travay. Parey mon'n dir nou fek fer en letid resaman pou nou vwar egzaktaman lo to sa bann diferan maladi. E osi bann faktor de risk sa bann diferan maladi.

Mr Speaker, si ou permet mwan Dokter Gedeon i Komisyoner Lasante Piblik e li i ansarz en pe sa domenn, mon a demann li pou reponn en pe sa kestyon silvouple.

MR SPEAKER

Tre byen. Dokter Gedeon?

PUBLIC HEALTH COMMISSIONER DR JUDE GEDEON

Mersi Mr Speaker. Mersi Minis, mersi Onorab. Bonzour a tous. Petet si nou ti pou pas lo tou bann keksoz ki pe ganny fer an se moman, i pou pran tro bokou letan.

Me selman reste asire ki bann travayer lasante piblik pe fer en kantite louvraz. Par egzanzp nou kapasite laboratwar pou teste bann kontaminan ki annan dan bann prodwir manze. Nou'n ogmant kapasite.

Nou annan bann nouvo masin ki nou'n anmennen ki

kapab teste bann kontaminan. Nou annan nouvo regilasyon ki'n ganny fer pou bann *hormone contaminants* avek bann *additives* dan bann manze ki nou kapab teste. E baze lo sa bann Lalwa, sa bann prodwi ki annan sa bann *additives* oubyen kontaminan oubyen bann prodwir ki kapab koz domaz lasante i ilegal.

E bann dimoun dan *Food Control Unit* i fer sir zot veye sa bann konteni bann prodwi antre dan pei. Par kont i annan keksoz ki legal, par egzanzp bann prodwi ki annan bokou lagres, bokou disik, bokou disel ki antre legalman, me dimoun i konsonm tro bokou.

Sa ki pe afekte nou lasante dan pei e nou bezwen met bokou lanfaz lo la pa zis kot nou be *upstream* parey nou dir dan kominote, nou bezwen met lanfaz lo bann entervansyon pou redwir sa bann faktor de risk. Mersi.

MR SPEAKER

Mersi Dokter Gedeon. Onorab Esparon?

HON REGINA ESPARON

Mersi Mr Speaker. Bonzour tou dimoun a lekout, bonzour bann etidyan Baie Lazare avek zot *teachers*, bonzour Minis.

Minis, ou'n dir poudir Minister Lasante pe fer tou lo kote *primary health care* pou anpese ki sa bann maladi i ganny konplikasyon e mon felisit Minister Lasante pou sa.

Me selman dan ou *statistic* ou'n dir poudir i annan sa to moralite, mon ti ava kontan konnen dan sa *statistics* ki ou'n prezant nou ki kantite ladan - si zot annan sa lenformasyon - ki bann ka ki lanmor in arive ki'n ganny *self-inflicted* konmsi bann dimoun ki'n enzekte drog ki'n mor sibat e bann swisid osi si ou annan sa. Mersi.

MR SPEAKER

Minis, ou a diriz ou *panel* silvouple.

MINISTER PEGGY VIDOT

Mersi Mr Speaker. Mr Speaker, mon pou demann Dokter Sanjeev ki pou kapab donn en pe lo sif ki Onorab in demande, lo bann maladi in mete konman *self-inflicted*.

MR SPEAKER

Thank you. Mersi Minis, *sorry* wi Dokter Sanjeev.

**PRINCIPAL POLICY ANALYST
DR SANJEEV PUGAZHENDHI**

Mersi Onorab. Mon pou zis eksplik lenformasyon ki nou annan pou rann 2023. E i enkli

dan sa rapor ki nou'n fer referans avek.

E i annan detrwa kategori problem ki nou swiv - enn i nou apel sa *intentional self-harm* ki en dimoun pe sey enkilke dimal lo son lekor. E ti annan 39 sa bann ka ki ti ganny reporte 2023, i pa neserman tou ki nou *capture*, me selman sa ki dan nou rikord i annan 39; 26 ladan madanm 13 ladan zonn.

E i annan bann lanmor ki arive aköz sa *intentional self-harm* sa nou defini konman swisid e sa ti annan 5 2023, 4 zonn en madanm. E konpare ek 2022 ek 2021 sa bann sif i en pti pe mwens, so i en *trend* ki pe redwir. Mersi.

MR SPEAKER

Mersi Dokter. Onorab Cosgrow?

HON WALLACE COSGROW

Mersi Mr Speaker. Bonzour Minis, bonzour tou dimoun, bonzour bann etidyan ki dan galeri e bonzour tou manm piblik ki pe ekout nou.

Mr Speaker, Minis, in donn nou en larepons bomaten baze lo *PNQ* ki *LOTO* in anmennen e in donn osi Lasanble Nasyonal en kopi rapor Minister Lasante. Parkont mon sipoze Minis, poudir ou rapor Minister Lasante

lenformasyon ki i annan, i osi lenformasyon ki ganny donnen e Biro Statistik pou zot kapab fer zot bann lenformasyon statistik vin piblik.

Be Minis, i annan en *discrepancy between* sa ki ou ou'n dir bomaten e sa ki rapor statistik. Mon pou zis nonm detrwa bann *statistics* ki Biro Statistik li menm lo son *website* in donn nou.

Par egzanp Minis, an 2019 ti rikord 795 *deaths*, 2020 668 me apre Minis, nou war en logmantasyon 925 pour 2021, 941 pour 2022 e 879 pour 2023. Statistik 2023 i montre nou Minis, ki i double pour 2020 e i san fwa plis ki 2019 so Minis, ou bezwen dir nou, dir avek...

MR SPEAKER

Sorry mon pou aret ou-mon pou aret ou. Minis, dan son larepons in dir bann lannen ki ti annan *COVID* ti eksepsyonnel e ti annan menm tandans partou dan lemonn. So mon pa pe demann Minis, zistifye diferans. Minis, in dir 2023 in annan en rediksyon. Mersi, mersi.

(Interruption)

HON WALLACE COSGROW

(Off-Mic)

MR SPEAKER

Non-non Be *ok* dan sa ka, dan sa ka ou ti'n devret komans avek 2023 ou pa pe pran...

(Interruption)

MR SPEAKER

...ou pa pe pran kont, Ou pa pe pran kont repons ki Minis, in donnen. Ou pe argimant avek li. Mersi. Onorab...

HON WALLACE COSGROW

Mr Speaker, be mon bezwen annan en drwa pou demann kestyon.

MR SPEAKER

Onorab Vidot, ou kestyon.

HON WALLACE COSGROW

Me zot pe *mislead* Lasanble - bann statistik ki pa bon Mr Speaker.

(Interruption)

MR SPEAKER

Order! Onorab Vidot, ou kestyon.

HON AUDREY VIDOT

Mersi Mr Speaker. Mr Speaker, prenon kont bann statistik ki Onorab Cosgrow, in fer resorti logmantasyon ki in annan, Minis, dir nou eski ou pa krwar

sityasyon i montre ki i annan en problem, ki sistenm lasante i bezwen *deal* avek pou asire ki nou bann dimoun i kapab ganny lenformasyon ki korek.

E Minis, dir nou...

MR SPEAKER

Sorry. Sorry, mon pe dir ou nou pa pe akiz Minis, ki son lenformasyon pa korek.

HON AUDREY VIDOT

(Off-Mic)

MR SPEAKER

Onorab-Onorab, ou napa *point of order*.

HON AUDREY VIDOT

(Off-Mic)

MR SPEAKER

Sorry, kestyon i bezwen annord. Kestyon i bezwen annord si kestyon pa annord mon pa pou aksepte kestyon. Onorab Aglae, ki ou kestyon?

HON EGBERT AGLAE

Mr Speaker, Minis bonzour. Mon a dir sa bann etidyan sorti Baie Lazare dan galeri bonzour, tou Manm Onorab, bonzour.

Minis, letan mon pe regard ou statistik ki ou'n reprezant ek nou, ou *average* pou 2019 ziska 2023 i 839 *ok* e letan ou pe regard bann lannen

presedan i fer ki nou *mortality rate* in touzour reste anba 800.

Eski ou koman en Minis, ki ansarz Minister Lasante, ou satisfes avek en to mortalite ki par lao 800 ki *almost* 900 kan bann lannen presedan avan *COVID* in touzour reste anba 800; eski la nou pa war poudir i annan en problem? Mersi.

MR SPEAKER

Mersi. Minis?

MINISTER PEGGY VIDOT

Mr Speaker, mon ti a kontan pe fer resorti avek Lasanble, kestyon in demann mwan lo to mortalite, mon'n eksplike ki mannyer nou dir nou fer to mortalite. Nou pa'n zanmen annan en to mortalite ki par lao 800.

Ler ou pe dir mwan 800 ou pe koz mwan kantite ka lanmor, ou pa'n demann mwan lo kantite ka lanmor e mon pa'n sit kantite ka lanmor. Mon'n sit en to mortalite brit ki dir i kantite lanmor par 1000 zabitan Sesel, e sa se sa ki mon'n dir.

Ou dir mwan si mon pa war poudir i annan en keksoz ki pa byen avek en to mortalite ki par lao 800, mon pe zis klarifye sa Mr Speaker, akoz nou napa en to mortalite ki par lao 800.

MR SPEAKER

Mersi.

MINISTER PEGGY VIDOT

Nou to mortalite pou lannen 2023 mon a repete se 7.3 dan nou rapor parey in ganny travay par nou bann zofisye statistik. Mersi Mr Speaker.

MR SPEAKER

Mersi. Onorab Algae, mon pou permet ou en klarifikasyon si i en klarifikasyon.

HON EGBERT AGLAE

Mersi petet mon a re fraz mon kestyon - eskiz mwan Minis. Minis, *registered death* pandan sa dernyen 4 an, nou *average* anba avan *COVID* ti par anba 800 lanmor *ok* e letan nou pe regard statistik apre 2 an *COVID still* nou statistik i ankor o menm si nou'n pas sa faz *COVID death* ki nou apel li.

So eski nou pa war poudir nou pa ankor kapab retourn lo sa *average* ki nou ti sipoze ete *pre COVID*, eski pa i annan en problemn kwa ki pe koz sa ki nou pa kapab *attain* sa nivo lanmor ki ti stab *pre COVID* ki nou ankor *still* dan 800 ekek. Sa mon kestyon, mersi.

MR SPEAKER

Minis, eski ou annan okenn keksoz pou azoute?

MINISTER PEGGY VIDOT

Mon napa gran keksoz pou azoute Mr Speaker, eksepte ki mon'n dir poudir nou letid resan, i montre nou poudir kantite faktor de risk i kontinyen monte. E alor pou sa rezon ou eksepte si faktor de risk i anplis, i posib plis a la sante i ganny afekte.

Alor i mon repons ki mon ava donnen pou sa kestyon. Mersi.

MR SPEAKER

Mersi. Onorab Gill.

HON CHURCHILL GILL

Mersi Mr Speaker. Bonzour tou dimoun prezan enkli marmay Baie Lazare. Mon kestyon se Minis, dan son larepons pou kestyon in dir ki sa lenformasyon i dan domenn piblik lo ou *website*.

Mon kestyon se nou konnen ki ou *website* pa tou Seselwa ki kapab *access website* e ki Minister pe fer li ki sa kalite lenformasyon ki nou pe gannyen la, i kapab ariv kot bann dimoun ki pa kapab akse *website* pou zot kapab konpran ki serten keksoz ki zot, zot kapab fer.

Vi ki ou'n mansyonn faktor de risk nou deza konnen e Dokter osi in dir poudir i

annan serten keksoz ki nou konsonmen ilegal. Ki Minister i anvizaze fer ek sa bann keksoz ki ilegal si pou antre dan konversasyon avek serten lotorite. Akoz si en keksoz pa ganny fer lo la nou faktor de risk pou kontinyen ogmante e i pou kontinyen donn nou menm rezilta. Mersi.

MR SPEAKER

Tre byen. Minis, ou repons.

MINISTER PEGGY VIDOT

Mersi Mr Speaker. Kestyon i annan 2 bout mon ava reponn en morso apre mon ava demann Dokter Gedeon Mr Speaker, avek ou permisyon pou li reponn sa lot morso.

MR SPEAKER

Byensir.

MINISTER PEGGY VIDOT

Mr Speaker, ler nou fer nou bann lanaliz ler nou fer en rapor nou fer en fason ki nou enforme, nou *disseminate* sa lenformasyon avek diferan group. Si zot rapel lannen pase apre ki nou ti'n fer nou rapor, akoz nou santi parfwa i annan nesosite pou diskite bann analiz, diskite bann rezilta, nou ti envit Lasanble Nasyonal pou vin en miting avek nou, pou nou

ganny en sans koze, aprofondir en pe plis dan sa rapor.

Mon rapel Mr Speaker, ou menm ou, ou ti vini e nou ti annan partisipasyon bokou Manm Lasanble dan *Caucus LDS*, par kont nou ti annan zis 1 kote kot *US*. Me nou ti fer sa diskisyon e nou pe ankor anvizaze pour fer sa diskisyon sa lannen, pou nou partaz bann letid ki nou'n fer, koumsa ki zot konman reprezantan lete si nou pa pe arive a tou nivo zot, zot ariv en pe pli profon ki nou, zot osi zot ava ede pou pas sa bann mesaz ek sa bann lenformasyon.

(APPLAUSE)

MINISTER PEGGY VIDOT

Mr Speaker, avek ou permisyon mon a demann Dokter Gedeon pou adisyonn en pti pe. Mersi.

MR SPEAKER

Mersi. Dokter.

PUBLIC HEALTH COMMISSIONER DR JUDE GEDEON

Mersi *Minister*, mersi Mr Speaker. An se ki konsern bann faktor de risk, sa ki nou konnen se ki bann faktor de risk, pou bann maladi kardiyovaskiler, kanser e bann maladi kronik, i tant pou parey. Par egzanp tro

bokou lagres, tro bokou disel, sigaret, mank legzersis, kolesterol o ensidswit. Sa bann fakter i parey.

E si nou fer referans avek bann lentervansyon dan rapor sa *survey* ki fek ganny fer – en *survey* fer 10 an pase, nou'n fek pibliy rapor sa lannen, ankor i lo nou *website*, i annan bann rekomandasyon pou Minister Lasante, pou bann diferans kous lasosyete. E mon ti a ankouraz zot tou pou al lir sa rapor e get bann rekomandasyon sirtou dan mon krwar i *annex* 9, nevyenm *annex*.

Nou osi pe anvizaze anmenn en amannman dan Lalwa pou *electronic secret* akoz nou war poudir zanfan pe konmans servi bann prodwi taba pli boner ki labitid, so sa i pou ede pou kontrol en pe sityasyon sigaret.

Nou pe plan pou met regilasyon pour kantite disel dan serten prodwir ki komen par egzanp dipen, pou met en nivo ki akseptab. Nou pe mazine osi travay lo *trans fat* ki ankor en fakter ki kontribye pou maladi kardyovaskiler.

E nou annan *labelling regulations* ki deza an plas, nou pe *plan* pou ranforsi li. E finalman itilizasyon lalkol ankese i en gro problem, ki

kontribye pou en kantite maladi dan pei. E enn bann konponan ki nou konnen i kontribye pou fer dimoun konsonm plis se piblisite, promosyon e lavertisman bann prodwi lalkol.

So i annan en travay ki'n konmans ki ganny fer. Apre osi fodre nou pa bliy nou kanpanya obesite. I annan en plandaksyon ki'n deza ganny prepare, in ganny partaze e diferan sekter kominote pe fer bann travay pou nou redwir to lobesite dan pei. Mersi.

MR SPEAKER

Mersi. mon permet ou en klarifikasyon Onorab.

HON CHURCHILL GILL

Wi, en klarifikasyon lo premye larepons. Mon kestyon sete pou bann dimoun ki pa kapab akse avek sa lenformasyon Minister, eski Minister pe dir nou ler i fer en miting, i envit bann zofisyete sa travay Minister i aret la? Mersi.

MR SPEAKER

Sa en kestyon i pa en kestyon ki demann en repons. Onorab Spiro, ou kestyon.

HON RACHEL SPIRO

Mersi Mr Speaker. Bonzour Minis; bonzour tou manm lo ou *panel*. Bonzour tou dimoun ki a

lekout. E bonzour bann etidyan ki dan galeri, bonzour osi mon bann koleg Onorab.

Minis, baze lo larepons ki ou'n donner, ou'n koz lo enn bann lakoz se osi bann maladi enfeksyez e la mon pe mazin bann maladi a baz bakteri, viris, eksetera. E mon mazin en osi *MRSA* i *inclusive*. E la mon pe konpran osi i annan enn ki apel bann dimoun dan sekter medikal i apel li *acinetobacter* ki li i prensipalman dan en *hospital setting*.

Minis, letan mon pe realiz sa mon realize ki kefwat dan Minister Lasante, nou annan en problemm lizyenn e petet Minis, eski ou kapab dir nou referans avek sa, si enn bann lakoz mortalite Sesel? Mersi.

MR SPEAKER

Minis, mon a les ou adrese.

MINISTER PEGGY VIDOT

Mersi Mr Speaker. E wi, enn bann lakoz lanmor mon'n dir i maladi enfeksyez e ladan i anglob tou kalite maladi. Tel ki maladi parey tibi, parey maladi *HIV*, parey maladi menegi, *endocarditis* e tou sa, e wi i enkli osi *sepsis* ki ganny pase par en bakteri.

E anv i ki sa kestyon i en pe ek teknik, mon pou demann *Dr Sanjeev* Mr Speaker, pou

adrese me selman si nou annan en problemm lizyenn, ti ava envit zot dimoun pas lopital ennler nou ava vwar ki mannyer nivo lapropte i ete. Mersi.

MR SPEAKER

Mersi.

(APPLAUSE)

MR SPEAKER

Dokter Sanjeev, ou annan laparol.

**PRINCIPAL POLICY ANALYST
DR SANJEEV PUGAZHENDHI**

Mersi Mr Speaker. Nou'n toultan annan bann maladi enfeksye ki afekte popilasyon. Nou dapre lenformasyon ki nou annan, maladi ki pli asosye avek lanmor ne lemoni. E i annan plizyer lentervansyon ki pe ganny fer pour sey adres en pe sa maladi enfeksye ki koz lemoni, ki enkli plizyer bakteri ki enkli plizyer viris.

I enkli sa *acinetobacter* ki ou'n fer referans avek e bann lentervansyon ki nou fer i konmans depi prevansyon menm, e nou'n en tradwir nouvo vaksen kont lemoni pour tou marmay depi 2014. E nou osi annan bann nouvo tretman antibyotik ki'n ganny entrodwir pou kapab sonny dimoun ki

annan lemoni i admet ouswa ki bezwen ganny trete dan kominote.

E menm avek sa nou ankor war en bon pe bann ka lemoni. I annan osi plis diskisyon ki pe arive pou gete si i annan nesese pou lezot entervansyon, par egzanp lezot vaksen kont maladi parey *influenza* ki nou pe konsidere i en proses ki *ongoing*.

E lezot maladi ki nou *deal* avek ki bann maladi parey *HIV* ek *TB* pou sa in annan en progre an tenm nivo ki kantite pasyan pe ganny tretman, e kantite ki zot maladi i kontrole. E *TB* osi nou annan nouvo tes ki'n entrodwir ki kapab detekte *TB* pli vit, i kapab detrwa lannen pase sa pa neserman lannen pase.

E i annan plizyer ki pe ganny met an plas, pour nou kapab adres bann priyorite enfeksye, maladi enfeksye ki pe afekte popilasyon. I annan osi sa spesifikman lo *MRSA* ek *acinetobacter*, nou ouver sa anba sa tenm *antimicrobial resistance* kot bann sa 2 mikrob i ganny asosye avek bokou rezistans kont antibyotik.

E nou war zot plis souvan dan nou *setting ICU*. I annan en mekanizm pou sirveyans bann mikrob ki rezistan. Depi 2017 nou'n konmanse, e tou le

lannen nou pibliy dan nou rapor ki bann *trend* pe montre. E nou annan sa dan nou Rapor 2022 e nou pou enkli sa dan nou Rapor 2023 osi ki pou sorti sa mwan.

Napa bann sif pou mon dir ou *at the top of my head*, me selman sa i enformasyon ki aksesib pou dan domenn piblik. Mersi.

MR SPEAKER

Mersi. Onorab Uranie, ou kestyon.

MINISTER PEGGY VIDOT

Mr Speaker, *sorry*.

MR SPEAKER

Wi, en moman. Minis, ou le azoute?

MINISTER PEGGY VIDOT

Wi Mr Speaker, Dokter Gedeon ti annan en bout pou azoute lo sa repons silvouple.

MR SPEAKER

Tre byen. Dokter Gedeon?

PUBLIC HEALTH COMMISSIONER DR JUDE GEDEON

Mersi *Minister*. Zis pou dir, enn bann keksoz ki nou *track* dan Minister Lasante se *antimicrobial resistance*. E i vre Onorab ki *acinetobacter*

baumannii i enn bann bakteri ki konsern nou. I annan en lot ki apel *eclampsia pneumonia*. E i annan en alert ki *WHO* in fer sorti poudir ki zot pe vwar deplizanpli sa bann *multi drug resistant antibiotics* otour lemonn.

E i annan en lapel spesyal pe ganny lanse pour dimoun servi antibyotik dan en fason korek pa pran antibyotik si pa'n ganny preski par en Dokter; pa al met presyon lo farmasyen pou vann zot antibyotik oubyen pa pran antibyotik ki pa'n ganny preskri.

Dezyenman, nou *track MRSA* dan lopital e dan kominote. Nou'n vwar depi konmansman *COVID MRSA* in desann. Ofet i *below the threshold* setadir akoz nivo lizyenn in monte, dimoun pe *sanitize* plis, dimoun pe pran plis konsyan lo zot lizyenn e *MRSA* i reste pli ba konpare avek son *pre COVID level*. Mersi.

MR SPEAKER

Mersi. Wi, Onorab Uranie ou kestyon?

HON ROCKY URANIE

Mersi Mr Speaker. Bonzour Minis, avek ou delegasyon, bonzour bann zanfan e bann

ansenyant dan galeri, tou koleg Onorab.

I annan en logmantasyon dan dimoun ki pe mor ek disan kaye. Eski i annan en letid ki montre poudir sa napa naryen pou fer avek sa vaksen *COVID*?

E mon dezyenman annan 1553 *live birth* e ladan i annan 879 ki mor e ler nou gete i reste zis 674 ki viv e sa nou vwar ki i pou fer si sa *trend* i kontinyen ki popilasyon pou vreman, zenn pou vreman *decrease*.

Eski i annan bann travay spesifik ki zot in fer avek bann diferan sekter dan pei, pou etabli vreman bann lakoz e osi bann ledikasyon pou edik sa pep pour ki nou fer en sanzman dan sa *trend*. Mersi.

MR SPEAKER

Mersi. Minis, mon a les ou adrese.

MINISTER PEGGY VIDOT

Mersi Mr Speaker. Mr Speaker, mon pou reponn, mon a demann Dokter Sanjeev pou eksplik en pti pe sa ki Onorab in fer resorti.

Ou'n dir, eski nou vwar poudir i annan en relasyon ant vaksen *COVID* avek maladi ki nou dir maladi ki afekte disan kan i kaye. Napa en letid ki'n montre poudir sa i lefe. Me parkont i annan letid ki montre

menm depi avan vaksen ti sorti ki avek *COVID* - avek maladi *COVID* i annan en relasyon avek en lefe segonder ki fer ki dimoun i ganny en pe plis en disan kaye en *clot* ennler dan son lavi.

E sa ti menm avan ki vaksen *COVID* ti sorti ti montre sa relasyon ant maladi li menm, me ziska prezan nou pa ankor gannnen en letid syantifik ki'n prouv sa relasyon. Mon a demann Dokter Sanjeev pou koz lo lot bout. Mersi.

MR SPEAKER

Dokter Sanjeev wi, annou fer li en pe bref silvouple akoz nou ti a kontan pran enn de kestyon ankor, avan nou bezwen terminen.

PRINCIPAL POLICY ANALYST DR SANJEEV PUGAZHENDHI

Mersi Speaker. Bann maladi ki asosye avek disan kaye, i annan de group an ki gran ki nou konsidere. Enn kot i annan *blood clot* dan poumon nou apel sa *pulmonary embolism*, dezyenm i kot i annan *blood clot* dan bann lavenn dan lipye sa nou apel *DVT* oubyen *Deep Vein Thrombosis*.

Laplipar bann lanmor ki asosye avek bann problem *coagulation* i asosye avek sa *pulmonary embolism*. Lannen

pase 2023 ti annan 54 lanmor ki ti asosye avek sa problem *pulmonary embolism* e i en rediksyon konpare ek 2022.

Me kantite i o, me selman i annan plizyer faktor ki nou asosye avek sa risk pou bann problem disan kaye. Nou'n annan bann letid ki'n ganny fer dan lefase; ki montre ki nou popilasyon i annan serten risk zenetik, pou li ganny plis risk pou ganny bann risk problem disan kaye. E sa i enn bann faktor. Dezyenm i obezite enn bann pli gran risk faktor pour sa bann problem *DVT* ek *pulmonary embolism*.

E sa osi pe monte. Letid ki'n fek pibliy *Heart Study 5* i montre kantite obesite ki - prevalans obesite dan popilasyon in kontinyen monte depi 2013 eska la. E sa i zonn konman madanm.

E trwazyenm pwen se i annan bokou letid enternasyonalmann ki asosye ek *COVID* avek logmantasyon dan risk bann *blood clot* dan lekor e pa zis pou zis apre lenfeksyon. Premye 30 zour risk i bokou plis i reste bokou pli o.

Me selman apre sa risk i persiste menm si en nivo pli ba i pli o ki son *baseline*. So sa i persiste pou omwen 2 an apre ki en dimoun in ganny maladi *COVID*. E Lerop ki ti ganny

COVID son bann *surge* parey nou dir dan *COVID* depi 2020 zot pe war ki apre 4 an la 2024 ki zot pe war rediksyon dan bann risk pou *blood clot* ek *embolism*.

So sa pou Sesel nou bann *surge* i konmansman 2021, 1 an pli tar ki Lerop, nou swete ki lannen prosenn, nou pou war en rediksyon dan kantite dimoun ki pe ganny sa bann *embolism* ki asosye avek sa risk persistan ki asosye avek lenfeksyon *COVID*.

Lo kote vaksen nou napa letid ki *prove* sa *link* ant vaksen avek *embolism*. Mersi bokou.

MR SPEAKER

Mersi Dokter. Onorab Sandy Arissol.

HON SANDY ARISSOL

Mersi Mr Speaker. Bonzour Minis, e bonzour tou dimoun ki a lekout. Mon ti a kontan demann Minis, anvi ki ou'n mansyonn en levantay diferan maladi Minis, ki relye avek lanmor dan nou pei, monte, desann i arive dan lemonn antye.

Mon ti a kontan demann avek ou, letan en dimoun i viv son lavi personnel, se pa Dokter Gedeon, Dokter Sanjeev, oubyen Dokter Valentin ki dir li manner i viv son lavi, ki kalite

manze ki i manze, kalite bwar i bwar. So mon ti a kontan demann ou, be akoz ki eski letan en dimoun i mor lopital, eski se dokter ki ganny blanmen oubyen Minister Lasante?

Mon dezyenm kestyon i annan pou fer avek lenfeksyon, ki mon'n tann Onorab Spiro in koz lo la, mon ti a kontan demann ou, parske lenpresyon ki mon'n gannyen se ki lopital i sal, letan in demann son kestyon.

Mon ti a kontan demann ou eski pa in ler pou Minister Lasante kekfwa revwar osi son Polisi? Lakantite dimoun ki antre lopital, kalite dimoun ki antre lopital ek ler ki nou antre lopital pour ki nou lopital i pa vin sa semen sal ki Onorab Rachel, ti pe koz lo la. Mersi bokou.

MR SPEAKER

Mersi. Minis, ou repons.

MINISTER PEGGY VIDOT

Mersi Mr Speaker. Onorab, ou'n byen dir poudir pou lasante nou tou nou annan en serten responsabilite. Dokter Gedeon dan son lentervansyon pli boner in dir poudir nou pe ogarde sa i bezwen konmans *upstream*.

Nou tou nou annan responsabilite e nou bezwen pran sa responsabilite; parey ou dir swa ki nou fer dan nou lavi i afekte nou dan diferan fason, i afekte nou lasante. Si konmela nou deside pou nou pa fer legzersis i nou swa.

Me selman nou konnen osi poudir letan nou pe fer sa nou swazir poudir sa i kapab afekte nou lasante. Si nou deside pou nou servi lalkol ankese i nou swa, me selman nou bezwen konnen osi poudir i pou afekte nou lasante. E ler nou lasante in afekte dan diferan fason i pa toultan fasil pour remet li pour fer li retourn parey i ti ete oparavan.

Me alor letan nou ogarde i en lefor kolektiv ki konmans avek nou, konman en endividi ki marse dan kominote e ki vin lo nivo nasyonal. E la kot nou kan in pa bon; zot vini nou eseye pou fer nou mye pou nou sov sa lavi. Parfwa in arive ki nou pa kapab fer li. Mersi.

Lo problem salte parey mon'n dir, si zot panse lopital i sal, nou ti ava envit zot fer en pti letour e zot a vwar poudir i pa sal parey nou ganny dir i été. Mersi.

MR SPEAKER

Mersi. Onorab Loze, ou kestyon.

HON JOHAN LOZE

Mersi Mr Speaker. Mr Speaker, Sesel ansanm avek *Africa CDC* in etabli en *national action plan for mortality surveillance* si mon pa tronpe. E mon prezimen ki *going forward* Minister Lasante pou nobou donn nou *disaggregated figures* pour lenfeksyon e osi sa ki bann lenfeksyon ki troun otour lopital li menm, parey ledyoneloz (legionellosis) e sa 2 ki Onorab Rachel Spiro in nonmen.

E Mr Speaker, an lannen 2021 nou'n annan en *spike* dan lakantite lanmor pou sorti 668 pou vin 925 ti en *spike* par 257, e menm an Desanm 2023 ki Minis, pe dir nou in redwir pou li vin 879 i *still* 211 par lao 2020. Alors Minis, lakantite lanmor in ogmante e ou statistik pe dir nou ki to mortalite in base.

Kestyon i senp, kwa ki pe koz sa logmantasyon dan lakantite ka lanmor ki ou statistik pe montre nou ki to in base? Mersi.

MR SPEAKER

Mersi. Minis, in fini donn en repons lo sa size. Mon pa pou - nou pa pou repas lo la.

(comments off-mic)

MR SPEAKER

Bon, Onorab Pillay, mon demann ou pou gard lord silvouple. *Sorry*, ekskiz mwan, petet mon'n fer en fot, *ok*. Bon, i reste mwan 2 Manm, mon pa anvi koup zot kestyon, donk, mon a donn Onorab Georges e Onorab Gabriel son kestyon. Onorab Lemiel, ou ti pe dir mon ou'n met ou lanmen? Lontan ou'n lev ou lanmen? *Ok*, mon pou onor ou. Onorab Georges ou kestyon.

HON BERNARD GEORGES

Mersi Mr Speaker. Mr Speaker, mon kestyon i tre senp e mon ava al direk lo la. Minis, eski mon'n konpran oubyen bomaten, eski ou'n dir nou ozordi se ki si Onorab Pillay ti'n lir rapor lo sitweb Minister Lasante lo sa kestyon ki in demande. E si plis Manm lo kote *US* ti'n vin a sa miting ki ou'n organize...

(Interruption)

HON BERNARD GEORGES

Kot *Nayopi* kot ou'n eksplik tousala e si zot ti aret krwar tou sa ki zot...

MR SPEAKER

Onorab Georges, Minis, in adrese lo la, eskiz mwan, mon

pa pou – nou pa pou re antre ladan. Onorab Gabriel ou kestyon?

HON CONRAD GABRIEL

Mersi Mr Speaker. Dabor mon a dir bonzour tou dimoun, bann marmay dan galeri, marmay sorti Baie Lazare. Mon konnen zot pe *look foward* bann marmay atraver pei pou ganny zot vakans, so dan Lasanble mon krwar fodre nou donn en pe legzanp Mr Speaker. *So...*

Byensir nou konnen ki pa paret zanmen nou pou ganny bon lenformasyon.

MR SPEAKER

Mersi Onorab. Mon pa pou al... Onorab Lemiel, ou kestyon.

HON SYLVANNE LEMIEL

Mersi Mr Speaker. Mr Speaker, mwan mon ti anvi konnen akoz letan mon'n ekout byen *Minister*, i preske en pti pe dan menm laliny avek Onorab Loze.

To mortalite li menm ou dir in desann, me mwan, mon pe regard li Minis, eski ou pe donn Lasanble en lasirans ki pandan sa dernyen 3 an in annan mwens ka mortalite dan pei. Mersi.

MR SPEAKER

Mersi. Bon Minis, in repons. Minis, in demann ou en

lasirans petet ou kapab zis re konfirman.

MINISTER PEGGY VIDOT

Mr Speaker, mersi. Mersi Onorab. Onorab, mon'n dir to moralite in desann. Mon pa'n donn okenn lasirans ki kantite lanmor in desann.

Selman parey mon dir, Onorab Georges in demann mon dan sa rapor. Sa rapor in fer resorti en pwen poudir to mortalite ki'n ganny travay lo la pou 2022, 2023 in ganny travay avek popilasyon Sesel, ki ti'n fek ganny konte par nou *census* ki'n ganny fer.

E alor i annan sa ki'n ganny fer dan sa ki montre ki sa to i pli ba, sa to i reel baze lo popilasyon Sesel e kantite ka lanmor. Mon pa'n dir zanmen pou dir ou poudir sa i mal. Me wi, nou annan mwens lanmor depi 2021, 22, 23. Ou'n sit bann sif parey ou'n vwar lo rapor - i korek ki sa bann sif i diminyen.

E i korek ki nou to mortalite i desann depi 2022 ek 2023, *ok?*

MR SPEAKER

Mersi Minis. Onorab Pillay, mon a donn ou, ou siplemanter.

HON SEBASTIEN PILLAY

Mersi Mr Speaker, e mersi pou bann larepons ki nou'n gannyen. Mr Speaker, mon annan dan mon lanmen Rapor Biro Statistik pou lakantite ka lanmor anrezistre dan nou pei depi...

MR SPEAKER

Anr *sorry*. Mon'n deza dir nou pa pe pran konsiderasyon konparezon statistik. Minis, in donn son repons baze lo kestyon orizinal lo to mortalite.

Silvouple evit konparezon avek *statistics* poz Minis, en kestyon si ou annan.

HON SEBASTIEN PILLAY

Mersi Mr Speaker. Mr Speaker, dan Rapor Minister Lasante resaman in anonse poudir apard ki sa logmantasyon dan sa lakantite dimoun ki'n mor, i annan osi 28 nouvo ka ki lye avek konsonmasyon bann *opioids* ki enkli eroin e la sa i reprezant en logmantasyon 400 poursan. Sa i dan rapor Minister Lasante.

Ou'n dir mon pa koz lo rapor Biro Statistik ki li i montre poudir la kantite ka lanmor in ogmante depi 2019 pou ariv...

MR SPEAKER

Pa mon'n dir ou pa koz lo statistik lasante? Bon, eski ou annan en lot kestyon?

HON SEBASTIEN PILLAY

Mersi Mr Speaker. Prenon kont ki nou pe war ki lakantite dimoun ki'n mor in ogmante, eski Minis, i kapab dir nou, donn nou lenformasyon ki *disaggregated*, bann lenformasyon ki zot in detaye, lo kwa ki fer ki nou annan 200 a 300 dimoun an plis ki'n mor Sesel, depi lannen 2019 par rapor a bann sif ki abitye pibliye pou tou le lannen? Sa i mon premye kestyon.

Dezyenmman Mr Speaker, nou'n tann koz lo adiksyon e *opioid* konman enn bann faktor kle ki fer logmantasyon. Be mon'n ekout Dokter Sanjeev e in dir poudir la kantite dimoun ki pe mor avek bann *pulmonary embolism*, i osi tro bokou pou Sesel.

Kestyon ki nou annan ki nou bezwen demann Minis, se ki eski Minis, pe dir nou poudir sa 200 dimoun an plis, par rapor a bann lannen presedan 200 a 300 dimoun an plis, eski sa i zis baze lo bann dimoun ki konsonm eroïn, oubyen eski i annan pou fer avek bann lezot kondisyon ki dimoun pe mor avek enkli bann lenfeksyon ki zot pe gannyen dan lopital. E

eski sa pa montre poudir nou annan en Minister Lasante ki pe *fail*...

MR SPEAKER

Mersi, mersi. Onorab, Onorab Pillay, gard ou konportman annord.

(Interruption)

MR SPEAKER

Mon le - Minis, Minis, mon pou permet ou adres son kestyon pou nou terminen.

MINISTER PEGGY VIDOT

Mersi Mr Speaker. Mr Speaker, si nou regard sa rapor, bann Onorab, i ava vwar bann *figures* ki nou'n pibliye ki nou, nou annan. Mon pa'n al okenn lo sa rapor, napa okenn landrwa ki montre ki lannen 2023 i annan plis ki 200 lanmor an plis ki *average*. I fo, i pa reel.

E Dokter Sanjeev osi mon pa konnen ki rapor, me mwan, mon pe *refer to* nou rapor ki mon sir e ki mon konnen...

(Interruption)

MINISTER PEGGY VIDOT

E non. Dokter Sanjeev pa'n zanmen dir poudir i tro bokou, i dir i o.

(comments off-mic)

MR SPEAKER

Order! Onorab Pillay, ou pe deranz Lasanble... Minis, termin... met ou lanmen anba silvouple. Minis, termin ou repons.

MINISTER PEGGY VIDOT

Mersi bokou Mr Speaker. Mr Speaker, nou'n vini nou'n donn zot bann fe, bann sif ki nou annan ki baze lo sa konte ki nou, nou konte.

Be si prezan ki zot *maths* pa *add up*, mon *sorry*. Me sa se lefe ki nou, nou annan dan nou rapor i sa ki korek. Mersi.

MR SPEAKER

Mersi. Bon. Mon remerisye Minis, e son delegasyon pou zot partisipasyon. Mon swet zot bon depar e bonn kontinyasyon.

HON SEBASTIEN PILLAY

(Off-Mic)

MR SPEAKER

Mon pou donn ou *point of order* Onorab Pillay, selman mon pe *remind* ou poudir i annan en *manner* ki ou kriye dan Lasanble ki pa akseptab, e mon pou demann ou pou evite kontinyen avek sa. Ki ou *point of order*?

HON SEBASTIEN PILLAY

Mersi Mr Speaker. Dan ou *ruling* ki ou'n donner bomaten lo statistik Minis, ou'n dir ki nou bezwen respekte bann statistik ki Minister Lasante, in prezant ek nou.

Nou kote latab i pe prezant ou statistik sorti kot Biro Nasyonal Statistik Sesel e ou pa oule personn koz lo sa bann statistik, konman nou koz lo la ou koup nou mikro. E Minis, in dir poudir sa rapor Biro Statistik pa egziste, mon kapab donn ou *extra* kopi sa rapor ki montre ki lakanti...

(Interruption)

MR SPEAKER

Napa naryen pou fer avek en *point of order*. Nou'n terminen lo kestyon madanm raporter apel lot Minis, pour kestyon.

Onorab Georges ki ou annan en *point of order*?

HON BERNARD GEORGES

Mr Speaker, mon *point of order* i senp Onorab *Leader* Lopoziyon si i ti anvi en konparezon ant statistik ki li i annan avek Minister Lasante, i ti'n devret demann son kestyon dan sa direksyon; *that's the point*.

MR SPEAKER

Mersi. Mon krwar ou annan rezon Onorab *Leader* Lopoziyon i bezwen met son keston lo size ki i anvi ganny adrese.

(APPLAUSE and Interruption)

MR SPEAKER

Order, please! Order, Lasanble i an sesyon. Order! Order!

Bon, bonzour Minis, pou Gouvernman Lokal e Zafer Kominoter Madanm Rose-Marie Hoareau. Bonzour Mr Kevin Perine Sekreter Prensipal pour sa Minister, Mr Romano Songor *Executive Director* e Mrs Murielle Marie Direkter Zeneral pour *Public Affairs, Quality Assurance and Monitoring*.

Byenveni pour partisipasyon dan sesyon keston. Nou a konmans avek premye keston. Kestyon limero 176 Onorab Andy Labonte.

HON ANDY LABONTE

Mersi Mr Speaker. Bonzour Mr Speaker, bonzour Minis, ek *panel* bonzour tou koleg Onorab e bann zanfan ki dan galeri. Kestyon i lir koumsa;

Eski Minis i kapab dir Lasanble ki son Minister pe fer ou in deza fini fer, pou ankouraz e gard bann *staff* ki vremen konpetan e kalifye dan son Minister? Mersi.

MR SPEAKER

Mersi Onorab. Minis, ou repons.

MINISTER ROSE-MARIE HOAREAU

Mersi Onorab. Bonzour Mr Speaker, tou Manm Lasanble e tou dimoun a lekout. Mr Speaker, Minister pou Gouvernman Lokal ek Zafer Kominoter, i kontinyelman ankadre tou son bann travayer, akoz zot tou zot anmenn en kontribisyon signifikan dapre zot kapasite.

Nou Minister i kontinyen *incentivize* nou bann travayer atraver devlopman profesyonnel kontinyel e napa okenn lapreferans pou ganny sa loportinite. Sa i vin dan form bann *course* lonterm tel koman *Masters, First Degree, Diploma* e sertifika.

Nou osi fer provizyon pou bann *short courses*. An plis nou fasilite bann *inhouse training* e sa i ganny fer par nou prop *staff* ki konpetan dan zot domenn respektif, ouswa par en fasilitater an deor. Nou lekip *monitoring* e sa *mechanism result-based management* enplimante par Gouvernman aktyel, i ede evalye performans nou *staff*.

Mon fyer pou dir ki nou annan en *training plan* konpreansiv. Tou le lannen nou fer sir i nou priyorite pou met ase larzan dan nou Bidze, pou soutenir sa *training plan*.

Mr Speaker, pou donn detrwa legzanp resan; a ler aktyel nou annan en manm *management team* e enn nou DA ki pe swiv en kour *Leadership* dan lenn. Nou bann DAs in osi fek fini swiv en *training* lo Protokol. E serten nou bann *general assistance* sa se *staff* ki ede pou gard lanvironnman Biro Distrik, Lotorite Distrik prop, zot osi, zot in ganny touse atraver bann formasyon pour permet zot delivre dan en fason pli efikas.

Nou krwar osi dan lenportans *team building* e lezot aktivite ki anmenn nou *staff* ansanm. 2 legzanp; par egzantp se, tanzantan bann regional DAs i organiz aktivite *team building* lo nivo zot rezyon. Minister i osi organiz en *Annual Sports Day* kot tou *staff* i partisipe.

Sa i donn zot en loportinite pou zwenn e konn zot bann koleg travay ki zot pa neserman enterakte avek dan zot travay toulezour. Mon kapab dir ki *Burial Services* i sanpyon bos lakord pour 2

lannen konsektiv. Mersi Mr Speaker.

MR SPEAKER

Mersi Minis. Felisitasyon pour tim bos lakord.

(laughter)

MR SPEAKER

Onorab Labonte, ou siplemanter.

HON ANDY LABONTE

Mersi Minis, pour ou larepons. Minis, ou'n mansyonnen poudir ou annan en DA ki pe fer kour aletranze. Petet eski sa i en program ki pou kontinyen e annan lespri pou *involve* plizyer lezot DA?

Aprè ou'n mansyonnen *training regarding* bann *general assistance*, eski sa *training* i enkli pou tou distrik oubyen zis serten distrik partikilye? Mersi.

MR SPEAKER

Mersi Onorab. Minis?

MINISTER ROSE-MARIE HOAREAU

Mersi Onorab. Onorab, detanzantan i annan bann loportinite ki *Das*, ki *management team* ganny loportinite pour al *overseas*, pour zot ganny en *training or*

pou zot *attend* en konferans e sa i ed zot dan zot devlopman.

Regarding bann *assistance* dan distrik, tou dimoun pou ganny loportinite, me selman nou bezwen konmans avek en group. Anmezir sa group i fini nou al lo lot group. Alor nou pou tous tou dimoun, pour fer en fason ki nou distrik partou i ganny menm sans. Mersi Mr Speaker.

MR SPEAKER

Mersi. Onorab Cosgrow, ou kestyon.

HON WALLACE COSGROW

Bonzour Mr Speaker. Bonzour Minis, bonzour tou dimoun. Mr Speaker, ler mon'n ekout larepons Minis, tou sa bann loportinite ouswa bann keksoz ki zot pe fer kot Minister an relasyon avek sa kestyon, me mon annan en kestyon an se ki konsern *staff turnover*. I annan konsern ki i annan en kantite bann *staff* ki pe kite; ouswa pe sorti pe al dan bann lezot Minister, aköz zot pa satisfè avek lanvironnman travay sirtou dan bann distrik.

Dan bann distrik kot bann *Das*, bann *AOs* e tou. So Minis, kwa ki zot pe fer dan sa bann landrwa pou retenir sa bann dimoun, aköz se zot ki *library* lenformasyon dan sa

distrik pou kapab fer keksoz bouze?

E dezyenm, eski Minis i kapab dir nou, si zot *advertise* bann pos *DA*, aköz mwan lenformasyon ki mon annan, i annan par egzanp *Glacis*, *DA* ti *resign*, i annan en nouvo *DA* ki'n vini pa ti ganny *advertise* e aparaman sa *DA* ki'n vini en dimoun ki ti'n *resign* depi Desanm.

So eski zot *advertise* pou donn *maximum* loportinite dimoun pou kapab *apply* sa bann *post*? Mersi.

MR SPEAKER

Mersi Onorab. Minis.

MINISTER ROSE-MARIE HOAREAU

Mersi Onorab. Mersi Mr Speaker. Mon ava reponn en pti pe an bref, apre mon ava kit avek *PS* pou li donn en pe plis lesplikasyon. *Turnover staff* partou kot mon'n travay, partou dan tou Minister, dan tou departman dan bann *different private institutions*, partou. I pou toultan annan *turnover of staff*. *You cannot*, ou pa kapab anpes en dimoun si li i anvi al fer en keksoz de nouvo.

Mwan, mon pa pou zanmen *stand in the way of someone* ki le al *better himself or herself*. E avan zot ale, si zot

santi zot pe ale aköz serten keksoz pe pous zot - konmsi zot pa kontan serten keksoz dan Minister ki fer zot pa anvi travay la, be sa i zot drwa.

E zot touzour kapab, si zot santi *they've been treated unfairly, they can always* - zot kapab toultan *appeal to the Minister*. Mwan ziska prezan personn pa ankor *appeal to mwan*. E *HR* i *deal* avek bann diferan ka. Me sa kantmenm mon dir zot pa *appeal to mwan*, mwan ler mon vwar en dimoun petet en *DA*, mon vwar *resignation* en *DA*, si mwan, mon santi mon'n travay avek sa dimoun, mon annan en konversasyon ek li pou mon swet li tou de bon. *Because I* - mon pa'n zanmen dan mon karyer anpes en dimoun al devlop li pli lwen.

Mon kapab dir ou, menm dan landrwa prive kot mon'n travay, ler ou'n *train* en dimoun, ou'n *build* li *up* i war prezan son potansyel piblik, organizasyon, lakonpanyen i war son potansyel.

E la kot sa dimoun i ganny *poached*. Parfwa ou santi ou parey en *training ground* ler ou'n fini ankadre sa dimoun, lezot i war son potansyel osi, e la la kot i ale. E *most times* e mon krwar laplipar ditan, i ganny en *better package*.

Konman ou kapab anpes sa arive? *It's not fair* ou bezwen les li ale. Prezan ou, ou rekonmans ou *training programme* ankor ek sa enn nouvo ki vini.

Apropo *Das* - tou *DAs* kantmenm bann ki kite apre zot retournen, zot *still* bezwen pas atraver en *interview*. Napa personn ki *jump the queue*. Mersi Mr Speaker. Mon pa konnen si *PS*...?

MR SPEAKER

PS pou kontinyen. *PS, yes* ou annan laparol.

MINISTER ROSE-MARIE HOAREAU

Si mon kapab donn laparol *PS* silvouple?

MR SPEAKER

Yes.

PS KEVIN PERINE

Mersi Mr Speaker. Bonzour tou bann Manm Onorab. *Staff turnover* parfwa i depan osi ki mannyer nou persepsyon i ete lo la. Parske i enportan pou mansyonnen ki Minister Gouvernman Lokal i kontinyelman annan bann promosyon ki pe arive, kot *OA* pe vin *OM*, *OM* pe vin *DA*, *DA* pe vin Direkter, Direkter Zeneral.

E ler tou sa bann dimoun i ganny promote, byensir ou

bezwen ranplas sa bann ki anba e pou mwan pa vwar li vreman *turnover*, mon war li plito devlopman ki pe ganny arive kot pe valoriz dimoun e promot dimoun kan i neserer. Mersi.

MR SPEAKER

Mersi. Onorab, *ok* en pti pwen ki Minis, pa'n adrese se ki si *post* bann *DA* in ganny *advertise*, ou kapab soz li lo la - *although* mon a fer Onorab, remarke ki sa keston i lo *retainment staff* ki egziste. Minis, zis donn li en repons silvouple oubyen P...?

MINISTER ROSE-MARIE HOAREAU

Mersi Mr Speaker. Wi *DA* - tou pozisyon kot Minister pa zis pozisyon *DA* - tou pozisyon kot Minister i ganny *advertised*. Nou servi parfwa bann zournal, nou servi nou *Facebook page*, la prezan nou annan nou nouvo *website*, nou pou servi nou *website*.

Nou'n menm met lanons *DA* mon krwar *DA* ouswa en lot pozisyon, lo radyo, pour nou fer sir ki lamazorite dimoun i tande. So tanzantan toultan, tanzantan ou pou tann nou lo radyo, me selman nou toultan *advertise* bann pozisyon. Mersi Mr Speaker.

MR SPEAKER

Mersi. Onorab Vidot.

HON AUDREY VIDOT

Mersi Mr Speaker. Mon keston pou Minis. Minis, nou konnen poudir letan en dimoun, bokou fwa letan i pe kite, i annan plizyer rezon parey ou'n dir - swa i annan en loportinite, swa petet i annan en problem, petet a sa fason pour li kapab ganny latansyon son, son departman pou li kapab donn li sa sipor.

Petet si par egzanp i annan enn ki'n met *resignation*, me apre i deside pour li reste e zot dir li non ou'n fini *resign*. Eski zot siport sa kalite lapratik, oubyen zot annan sa pou revwar si en bon travayer petet in reflexir zot konsidere? Sa i enn.

Dezyenm Minis, nou konnen poudir Minister bokou fwa zot fer rotasyon ki swa atraver *office managers*, ki swa *DA*, ki swa *office assistant*. Eski dan zot bann prosedir zot fer sir ki loportinite ki zot donn sa travayer, i vin en fason pou li motiv li pou kontinyen avek sa lorganizasyon. Me non pa vin konman en dekourazman ki fer li degoute i kite i ale, ki zot war zot apre zot perdi en bon travayer. Mersi.

MR SPEAKER

Mersi Onorab. Minis?

MINISTER ROSE-MARIE HOAREAU

Mersi Onorab. Mersi Mr Speaker. Annefe mwan dan mon karyer, zanmen mon'n deza vin *across* en dimoun ki'n ganny promote pou dekouraz li. Akoz premyerman nou pa pou ofer en promosyon en dimoun ki pa deza pe delivre. So sa i en keksoz dan mon karyer antye - pa zis la kot Minister.

Partou kot mon'n travay, mon pa'n zanmen *come across* en dimoun ki ou promote, an bi pou ou fer li kite. Non, nou pa travay koumsa e mwan mon pa'n zanmen travay koumsa.

E apropo ou premye kestyon - *I think* i enportan pou nou konpran poudir partou dan tou landrwa travay, i pou toultan annan en serten nonm *turnover*. I enkyetan si ou annan bokou.

E kot nou, mon kapab garanti ou lo sa kantite *staff* ki nou anploye, nou *turnover of staff* i *very minimal*; tre pe. E parey ou'n dir, ler sa dimoun i kite nou fer en *exit interview* avek li. Nou demann li. Annefe byen avan i kite, nou'n fini konpran, akoz dimoun i koze, prezan ou kriy sa dimoun, ou dir li ou'n met ou *resignation*,

annou koze *what is your future*, kot ou pe ale.

Nou koz an byen nou, nou pa koz an mal. Mon kapab dir ou i annan enn mon *staff* resaman - en bon *staff* in met son let *resignation*, mon'n kriy li mon'n dir ek li mon aparan ou pe ale, eski i annan okenn rezon spesifik? I dir mwan *Minister* mon annan 2 rezon spesifik; enn i mon lasante, mon santi mon pa pou kapab fer sa travay *DA* akoz mon lasante. E lot mon'n ganny en landrwa kot sa travay i *less stressful* me *the salary is better*.

So i annan diferan rezon akoz dimoun i ale. E mon kapab dir ou ler ou konsider sa kantite dimoun ki vin *apply* pou travay kot *Local Government* e sa pti gin ki pou en rezon ou en lot personnel zot ale, mon pa enkyet, akoz mon pa vwar i en problemm. Mersi.

MR SPEAKER

Mersi. Klarifikasyon, wi?

HON AUDREY VIDOT

Yes, Mr Speaker, akoz petet Minis, dan mon dezyenm kestyon in mal konpran mwan. Letan mon ti pe dir ou parey pou tenir ou bann travayer, mon konpran Minister zot fer zot bann rotasyon, petet sa travayer ki ou pe *rotate* li ki ou

pe get son byennet dan sa prose ki ou pe *rotate* li petet an term son sans kot i pe ale, son zistans, oubyen son loportinite kot i pe ale laba, si vremen i pou annan en laspe pozitiv pou li, kapab gard li pou li kapab retenir dan sa landrwa. Sa ki mon ti le ganny klarifye.

MR SPEAKER

Minis, klarifye.

MINISTER ROSE-MARIE HOAREAU

Mersi Onorab. Mersi Mr Speaker. Ou konnen sa en keksoz ki ler nou pe *rotate* en dimoun, nou fer sir annan serten keksoz nou pran en konsiderasyon. Si sa dimoun i annan pti zanfan, ki bezwen anmenn kot lakres, eksetera.

Si par egzantp nou vwar en dimoun i napa pti zanfan e sa *move from one place to* en landrwa en pti pe pli lwen pour fer li menm li dibyen dan son devlopman, nou fer li. Me nou annan bann – (konman mon kapab dir) nou fer bann rezonnman lo bann keksoz. Akoz si ou pran en dimoun ki annan en pti baba ou anvoy li lwen, sa pti baba ki pou ganny afekte, ouswa sa zanfan dan lakres ki pou ganny afekte.

So nou *dicuss* tousala avan nou fer bann *move*. E mon

kapab dir u ki la mon annan en sa ki'n sorti dan en distrik ki'n al dan lot, i pe fer divinnman byen. Alor ou war poudir annandler petet en sanzman i enportan pa zis pou Minister, me pou sa dimoun osi. Mersi.

MR SPEAKER

Mersi. Mon le redifiz bann kestyon en pe - pa bliye poudir kestyon orizinal ki baze lo ankouraz e gard bann *staff* ki konpetan. Onorab Pillay, ou kestyon.

HON SEBASTIEN PILLAY

Mersi Mr Speaker. Dan lespas pa ni menm 3 an distrik Glacis in sanz *DA* mon krwar 2 fwa *ok* e lezot distrik osi in pas dan menm sityasyon. Kwa ki fer ki sa bann ki distrik Glacis par egzantp, pa neserman distrik Glacis in bezwen sanz *DA*?

E konbyen *DA* ki'n arete, oubyen ki'n sorti e eski par egzantp *DA* Mr Kenneth Pierre oubyen Mr Aaron Bonnelame ki ganny sa posibilite pou sa posibilite pou zwenn avek ou Minis, avan ki zot, zot ti bezwen *exit* dan bann distrik respektif.

Ou a note Mr Speaker, ki en *DA* son *retention* dan en distrik i enportan, akoz *once* in konn son distrik pou anmenn en lot dimoun dan distrik ki pa konn distrik ankor, ki pran

letan pou konn distrik, i kre plis difikilte pou kapab rezourde problem bann dimoun dan distrik. Mersi.

MR SPEAKER

Mersi. Nou a permet Minis reponn?

MINISTER ROSE-MARIE HOAREAU

Bann keksoz an detay ki konsernan HR, mon ti a prefere PS pran laparol silvouple Mr Speaker.

MR SPEAKER

Byensir PS, ou annan laparol.

PS KEVIN PERINE

Mersi Mr Speaker. Onorab, sak fwa en dimoun pe bouze, *management team* i zwenn avek zot, i eksplik zot rezon akoz zot pe bouze. E ki bann rezon zot pe bouze. E sa i en diskisyon ki ganny fer, e ki annan en *mutual agreement* ki arive.

E ou'n mansyonn 2 non spesifik, Kenneth Pierre wi, avan ki i ti bouze, i ti pou zwenn avek Minis pou en diskisyon kot i ti *appeal* son *case* avek Minis personnel. E Aaron Bonnelame in bouz pou *so many reason*, kekfwa ki ti ava bon zot fer zot resers pou zot konnen akoz bann rezon. Me i pa'n ganny

pouse - i pa en *staff turnover*, in ganny transfer. Mersi bokou.

MR SPEAKER

Bon. Si ou kapab PS klarifye konbyen DA ki'n *resign*, si i annan.

PS KEVIN PERINE

Mr Speaker, nou napa statistik *right now* avek nou. Me selman depi sa lannen, mon pa sir si i annan okenn DA ki'n *resign* apard lannen pase ki ti annan 1 byensir ki ti Glacis ki ou fek mansyonnen osi.

MR SPEAKER

Tre byen. Onorab Henrie, ou kestyon.

HON GERVAIS HENRIE

Mersi Mr Speaker. Bonzour tou dimoun. Mr Speaker, anlany avek kestyon ki dir "ankouraz bann *staff* ki vreman konpetan e kalifye dan son Minister" mon anvi demann panel a zafer *advertise* pozisyon DA, fer *interview* swazir meyer, kan in komanse sa egzaktaman? Akoz pou Mont Buxton in fek *advertise*, in fer *interview*. Mon'n war sa proses in transparan. Kan ti komanse *interview* DA? Mersi.

MINISTER ROSE-MARIE HOAREAU

Mersi Onorab. Mersi Mr Speaker. Depi ki ler ki mwan mon'n vin Minis kot *Local Government*, mon ti antre Novanm 2020, mon'n entrodwir sa *mechanism advertising* pozisyon, tou pozisyon. Pa zis *DA*, me tou pozisyon. Avan pa ti koumsa, mon'n entrodwir sa mekanizm.

HON GERVAIS HENRIE

Mersi Mr Speaker. I annan 3 zot laba.

*(laughter and **APPLAUSE**)*

MR SPEAKER

Mersi. Mersi Minis. Onorab Gabriel ou kestyon.

HON CONRAD GABRIEL

Mersi Mr Speaker. Mon a dir bonzour Minis ek ou delegasyon. Minis bonzour, Pointe Larue parey ou konnen nou'n annan en pe *DA* petet *HR* i a konfirman. *So, basically* mon pe demann ou Minis, ou pa krwar senserman poudir sa sityasyon kot nou tir en *DA let's say* sorti Port Glaud, ou transfer li Pointe Larue or Anse Aux Pins or *anywhere else*, ou pa krwar i en keksoz ki Mr Onorab *LOTO* in pas en pe pti gin lo la.

I fer ki i annan serten dekourazman. Ou'n donn en

keksoz taler, ou get lozistik si en *DA* i bezwen anmenn pti zanfan lot, lot ki *I don't believe it's true*. So, ...

MR SPEAKER

Sorry. Onorab, eski mon'n konpran ou, ou dir, ou pe dir Minis sa ki in dir pa vre? Se sa... si i leka Onorab i pa annord. Poz ou kestyon nou a kapab adrese. Speaker, mon'n donn zis en lopinyon *out there*.

So, mon pe demann Minis, eski i pa santi poudir sa tir en dimoun dan en distrik transfer li, ou pa krwar i koz serten lenkonvenyans kot i annan serten travay ki nou'n komanse avek sa *DA*.

E therefore nou put en *hold there*. Sa *DA* i bezwen re komans konn distrik, kot i fer li son kontra 2 an i vin difisil pou li, pou nou *attend* serten lobzektif baze lo distrik. Mersi.

MR SPEAKER

Mersi Onorab. Wi, nou'n konpran ou kestyon. Minis?

MINISTER ROSE-MARIE HOAREAU

Mersi Onorab. Mersi Mr Speaker. Ler en *DA*, ler en dimoun in vin *apply* pozisyon pou en *DA* i annan serten keksoz ki met devan li kot i pou travay eksetera. Pandan son

letan travay avek nou, sa dimoun i osi okouran poudir parfw pa toulezour, me tanzantan i bezwen annan sanzman.

Me parey ou pe dir, mwan enn bann kestyon ki sa bann dimoun ler zot vin *interview* i kapab dir, ler mwan mon fer sa pti 5 minit ek zot avan mon kit sa bann dimoun ki vin *apply* pou louvraz avek *technical panel*, mwan mon zis antre for the first 3. 4 minutes, zis pou mwan konnekte en pti ek sa dimoun, enn bann kestyon ki mon toultan demann zot ;

Eski - konmsi par egzanp zot a dir ou i annan 2 zanfan, i annan 3 zanfan *whatever* - ouswa i annan en zanfan, mwan toultan mon demann li, mon demann sa dimoun mon dir, "Eski si par egzanp i annan en *emergency* ki ou bezwen deplase dan milye lannwit, eski ou annan en dimoun pou kit ek ou zanfan?"

E larepons i wi, Minis, mon annan mon partner, mon annan mon manman ki reste ek mwan eksetera, eksetera. E sa dimoun i *obviously* li in fini fer son laranzman, ki mannyer si i bezwen ganny al *attend* en dife, en linondasyon, i konnen i annan en dimoun pou kit ek son zanfan.

Ler en *DA* pou fer en rotasyon, sa konversasyon osi i ganny diskite ek li. Alors si i annan okenn *DA* ki pe santi li dezavantaze akoz in ganny transfer dan en lot distrik, i pa ankor vin devan pou li vin met son konsern. E nou pa fer bann desizyon ki pou *purposefully* ekspre demotivet en dimoun, nou pa fer sa. Alor, mwan dan mon karyer *management*, mon tant toultan pou fer sa ki mwan mon war pou lonterm, i pou bon pou sa dimoun e pou sa Minister. Mersi Mr Speaker.

MR SPEAKER

Mersi Minis.

MINISTER ROSE-MARIE HOAREAU

Apres... *sorry* mon'n bliye reponn en lot bout. Sa zafer ler *DA* i sorti en lot i antre la, i toultan annan en *proper handing over*. Savedir *whatever case* ki sa *DA* ki ti la avan ti pe travay lo la, ki proze ki bann *case* sosyal eksetera, sa *DA* avan i *handover*, avan i ale, i *handover* devan 2 ou 3 devan dan prezans Mrs Marie, dan prezans *DG* Clarisse, dan prezans *ED* ouswa en lot Manm dan Minister, en lot *management team member*.

E sa en *proper handing over* depi bout finans, bout proze, bout sosyal, tou i ganny fer ki letan sa *DA* i antre i ofe ek sa ki pe ganny pase dan sa distrik. Mersi Mr Speaker.

MR SPEAKER

Mersi Minis. Bon, nou a termin la pou sa kestyon. Nou a pran poz e nou a rebran kestyon 11 er. Mersi.

(BREAK)

MR SPEAKER

Nou a rebran lo kestyon. E nou'n ariv lo kestyon 177, Onorab Andy Labonte.

HON ANDY LABONTE

Mersi Mr Speaker. Kestyon 177, i lir koumsa; Eski Minis i kapab dan en fason detaye eksplik Lasanble bann restriksyon ki son Minister in fini antreprann pandan sa bann dernyen lannen? Mersi.

MR SPEAKER

Restriktirasyon dan ou kestyon. Mersi. Minis, ou repons.

MINISTER ROSE-MARIE HOAREAU

Mersi Mr Speaker. Mersi Onorab, pou ou kestyon. Mr Speaker, Minister i travay avek en stratezi kler e en vizyon

lonterm. Planifikasyon e *forward planning* i nesese pou asir bon fonksyonman nou Minister. Me i enportan note, ki natir nou travay i fer ki keksoz i sanze tanzantan.

E alor nou bezwen adapte, pou nou asire ki nou manda ek bezwen lakominote ki nou deservi i touzour ganny zwenn. I bon soulinyen, ki reform ouwa restriktirasyon dan nou Minister i pa nouvo. Annefe, in komanse depi Novanm 2020. E i en prosedir kontinyel ki ganny detaye dan nou plan stratezik ki osi aksesib lo nou *website*.

Pandan sa dernyen lannen, nou'n fer serten mouvman enportan pou optimiz nou kapasite e amelyor nou servis. Par egzanp, nou'n fer rotasyon bann *DAs*, *office managers* e *office assistants*. Sa in ganny fer dapre bezwen spesifik sak distrik e kapasite resours imen. Sa bann sanzman, nou'n fer li kan i nesese pou ki nou kontinyen travay dan en fason efektiv e amelyor nou servis.

O nivo Sekretarya par egzanp, nou'n kree en nouvo divizyon pou deal ek bann *public cases*. Nou'n kree en Divizyon Polisi e *Monitoring* avek bi amelyor loperasyon nou Minister. Sa bann restriktirasyon i demontre nou

determinasyon pou reste fleksib e efektiv e reaktif a bann defi bezwen ki nou fer fas avek, pou nou toultan kapab delivre en servis ki alaoter pou nou manm piblik.

Mr Speaker, Minister pou Gouvernman Lokal ek Zafer Kominoter, pa menm Minister ki mwan mon ti vin zwenn an 2020. Sa i gras a sa bann restriktirasyon e transformasyon ki'n anmenn plis disiplin, travay dir, transparans e dinamiz. San oubliy bonn volonte tou *staff* ki'n *embrace* sa transformasyon. E sa i reflekte dan tou sa ki nou fer. Nou'n sorti vreman lwen, me i annan ankor bokou pou fer.

Mr Speaker, en lavantaz enportan kot nou Minister, se ki nou travay koman en lekip ini, en tim solid, e en lekip byen determinen. Mersi Mr Speaker.

MR SPEAKER

Mersi Minis. Onorab Labonte, siplemanter?

HON ANDY LABONTE

Mesi Mr Speaker. Minis, mersi pou ou larepons. Minis, mon anvii dir ou mersi pou ou larepons. I montre ki ou Minister i azour avek transformasyon ki nou Gouvernman pe demande. E se

sa rezon ki mon krwar ki i enportan ki nou kontinyen lo sa menm larout. Mersi.

MR SPEAKER

Mersi. Byen, mon annan Onorab Vidot ou kestyon.

HON AUDREY VIDOT

Mersi Minis, pou bann larepons ki ou'n donneren lo kestyon Onorab Labonte. Mon ti oule zis rod en leklersisman, letan ou pe dir sa travay ki zot pe fer sa bout laspe ini zot travayer ansanm, eski i aplikab zis lo nivo Minister, oubyen i dekol depi anba kot zot Ladministrasyon Distrik? Mersi.

MR SPEAKER

Mersi Onorab.

MINISTER ROSE-MARIE HOAREAU

Mersi Mr Speaker. Non, i dekoull partou aköz... mon pou donn ou en legzanp. Parey mon'n dir pli boner lo nivo rezyon, nou promot, nou ankouraz sa bann *team building*, sa travay ansanm koman en lekip par sa bann aktivite *team building* ki zot fer lo nivo rezyon dan distrik. Sa nou, nou pa antre ladan. Zot fer sa nou Minister konmsi sa i dan lanmen bann *regional DAs* pou sa rezyon ki

zot fer zot bann *team building* pou anmenn zot bann dimoun ansanm.

E osi en lot legzanp se ki par egzanp en dife oubyen en maler i arive dan en fanmir, dan en distrik, ou pa vwar zis sa *DA* sa distrik pe debout pe ede, ou vwar son bann koleg ki sorti dan distrik obor dan bor li, ki sorti en pti pe pli lwen. Alor, sa *spirit* konmsi nou ini pou nou *tackle* keksoz nou ini pou nou travay la i partou, i pa zis kot Minister, i osi dan distrik. Mersi Onorab.

MR SPEAKER

Mersi Minis. Onorab Labrosse, ou kestyon.

HON RICHARD LABROSSE

Mersi Mr Speaker. Bonzour Minis ek ou delegasyon. Mr Speaker, en bon kestyon. E Minis in donn en zoli larepons byen detaye. An menm tan osi mon ti a kontan felisit Mrs Marie pou son nouvo apwentman, e sa osi i form parti dan sa nouvo restriktirasyon ki nou pe demande ozordi.

(APPLAUSE)

HON RICHARD LABROSSE

Mr Speaker, mon kestyon i senp. Minis, mon'n ekout ou tre atantivman. E parey mon dir ou

mon byen apresye sa ki ou pe fer dan ou Minister. Mon kestyon i par egzanp la ou'n donn bann detay lo travayer. Taler pli boner osi dan en lot kestyon ou'n donn bann keksoz ki zot pe fer pou kit zot *staff* dan ou Minister.

Mon ti a kontan konnen parey ler i annan bann *training*, bann debousman pou bann travayer - pa zis *DA* bann lezot travayer - ler nou pe koz restriktirasyon, ki mannyer sa i ganny pase? Konmsi ki mannyer sa kominikasyon i ganny pase pou bann travayer konnen poudir i annan tel *training* pe al fer? Oubyen tel keksoz pou avans zot dan zot karyer li menm? Mersi Mr Speaker.

MR SPEAKER

Mersi. Minis, ou repons.

MINISTER ROSE-MARIE HOAREAU

Mersi Mr Speaker. Mersi Onorab. Onorab, mon ava les *PS* pran laparol silvouple Mr Speaker.

MR SPEAKER

Mersi. *PS*, ou annan laparol.

PS KEVIN PERINE

Mersi bokou Mr Speaker. Anvi avek restriktirasyon ki'n ganny

fer, nou'n osi anploy en dimoun ki aktyelman responsab zis pou *training*. So, bann kominikasyon ki mannyer i ganny fer, sa dimoun responsab pou *training* i enform tou dimoun *either* atraver *email*, atraver *phone call* e nou les zot konnen ki i annan tel *training* ki pe ganny fer. E la nou selekte group dimoun.

Si nou war sa *training* ki pe ganny fer, i pou benefisyè bann travayer simityer *let's say* la sa group travayer simityer i ale. *Training* i tous tou dimoun, akoz nou anvi ki tou dimoun i kontinyelman epanouir, devlope e grandi e tou dimoun i lo menm paz.

So, e osi i enportan pou azoute poudir nou dimoun ki responsab *training* i osi annan kalifikasyon konman en dan psikoloji. *So therefore*, i annan sa *coaching* ki ganny fer avek sa dimoun kot i annan sa koze i ganny koz avek; poudir *look* la nou vwar poudir i annan serten mankman ou bezwen al tel *training* - sa i ganny fer on *1 to 1*.

E sa i ganny fer tanzantan e i pou kontinyelman arive akoz nou *believe* dan *human capacity development*. Mersi.

MR SPEAKER

Mersi *PS*. Onorab Aglae, kestyon?

HON EGBERT AGLAE

Mersi Mr Speaker. Mon a dir bonzour Minis, *PS*, *DG* e Mrs Marie. Minis, dan sa faz restriktirasyon ki ou'n koz lo la, eski osi zot in pran sa laspe resours finans ki ava donn sirtou bann Administrasyon Distrik en pti pe lotonomi pour zot kapab egzers serten desizyon ki swa program swa bann lezot keksoz enportan ki annan pou fer avek distrik.

Anvi ki pou sov en pti gin parfwa sa *layers* of birokrasi santralize, ki parfwa i met en pe retar pour kapab enplimant bann program dan en fason pli vit e pli efektiv. Mersi.

MR SPEAKER

Mersi. Minis, repons?

MINISTER ROSE-MARIE HOAREAU

Mersi Onorab. Mersi Mr Speaker. Mr Speaker, ankore enn fwa mon a demann *PS* pou reponn silvouple.

MR SPEAKER

PS ou annan laparol.

PS KEVIN PERINE

Mersi Mr Speaker. Mersi Onorab. Lotonomi *basically*

nou pou dir ki bann distrik i annan zot lotonomi atraver aktivite, program ki zot anvi fer, me par kont i annan bann regilasyon finansyel ki an plas, ki sa i bezwen pas atraver zot bezwen fer zot bann *proposal* avek zot Bidze.

E sa i bezwen ganny anvoye kot nou, e la nou war si nou Bidze i permet nou pou nou fer tel program ki anvi ganny fer, oubyen si nou bezwen koup en pti git. Oubyen si nou bezwen rod en lot dimoun pou partner ansanm pou nou kapab fer sa bann aktivite.

Me selman bann desizyon distrik, bann *DA* pe ganny byen ankadre pou kapab pran bann desizyon byen kale, byen kapab. Mersi bokou.

MR SPEAKER

Mersi *PS*. Nou ava avans lo kestyon 178 Onorab Regina Esparon. E mon'n donn Onorab Esparon permisyon pou fer en koreksyon dan son kestyon, pou servi *the correct name* lo sa *scheme* ki i pe koz lo la. Onorab Esparon?

HON REGINA ESPARON

Mersi Mr Speaker. Bonzour Minis ek ou delegasyon. Mr Speaker, mon kestyon i al koumsa;

Eski Minis i kapab donn en kontrandi Lasanble lo konbyen dimoun ki pe ganny asiste ziska aprezan anba *Housing Repair Scheme*? Mersi.

MR SPEAKER

Mersi Onorab. Minis, ou repons?

MINISTER ROSE-MARIE HOAREAU

Mersi Mr Speaker. Mersi Onorab pour ou kestyon. Mr Speaker, depi Me lannen pase ziske lafen Zilyet 2024, Komite *Housing Repair Scheme* in resevwar an total 140 laplikasyon. Dan sa 140 laplikasyon, 70 in ganny aprouve par komite.

Dan sa 70 ka ki'n ganny aprouve e refer avek Lazans Lenfrastriktir pour Lenplimantasyon, sa lazans in konplet travay reparasyon lo 14 lakaz.

Adisyonnelman, komite pe esper rapor teknik ouswa lezot dokiman, pou finaliz 16 lezot ka. 21 ka in fek ganny soumet pour konsiderasyon komite dan zot prosen *meeting*, ki annefe i pe ganny fer demen. Nou'n anrezistre 2 laplikasyon ki'n ganny retire swivan demann sa bann aplikan zot menm.

31 ka pa'n ganny aprouve pou plizyer rezon, tel ki

laplikasyon ki pa'n zwenn kriter anba sa *scheme*. Ouswa akoz lakaz i telman avarye i bezwen ganny demolir. Ouswa later i pa lo non sa aplikan, e sa dimoun napa *permission to build*.

Parfwa bann aplikan ki pli aze, zot ka i pli konplike, akoz zot napa rikord e dokiman legal pou siport zot laplikasyon. Parfwa i annan bann dezakor dan fanmir an relasyon avek later zeritye.

Serten sa bann ka ki pa ganny aprouve i ganny refer avek Minister Later ek Lakaz pou eksplor bann lezot opsyon posib. Mersi Mr Speaker.

MR SPEAKER

Mersi Minis. Onorab Esparon, ou siplemanter?

HON REGINA ESPARON

Mersi Minis pour ou larepons. Minis, mon ti ava anv i osi konnen, eski i annan en *ceiling* ki ganny servi koman en *cap* pour depans anba sa *Housing Repair Scheme*?

Konmsi ki pli o zot kapab arive? Eski i annan en triyaz ki ganny fer lo konbyen i pou arive en *capping*? E petet eksplik en pti pe bann kriter ki ganny servi pou fer sa lokasyon.

MR SPEAKER

Mersi Onorab. Minis?

MINISTER ROSE-MARIE HOAREAU

Mersi Onorab. Mersi Mr Speaker. Mr Speaker, mon demande pour *PS* pran laparol silvouple.

MR SPEAKER

PS, ou annan laparol.

PS KEVIN PERINE

Mersi Mr Speaker. Onorab, bann kriter ki en dimoun i kapab benefisye anba sa *scheme*, i parey nou'n deza mansyonnen, fodre swa i en *elderly*. I en dimoun ki nou apel li otreman kapab konmela, dan son *household monthly income* i pe ariv li anviron R12 mil. E i annan diferan keksoz ki kapab ganny fer anba sa *scheme*. Swa pou aranz laport, swa pou aranz tol, swa pou aranz ater.

So, mon pa'n vin avek bann detay bann *capping* ki annan. Be selman wi, i annan sa bann detay ki nou'n deza prezante avek Lasanble, e nou ava fer le neser osi nou kapab anvoy sa, *share* avek ou taler dan Lasanble dan *email please*? Mersi.

MR SPEAKER

Mersi. Onorab Michel Roucou, siplemanter?

HON MICHEL ROUCOU

Mersi Mr Speaker. Bonzour Minis ek lekip. Bonzour tou dimoun ki pe ekout nou.

Minis, si ou kapab dir nou, *once* ki i annan en *case* ki'n ganny idantifye pou ganny met anba sa program, si ou kapab pour benefis manm piblik deor, ki bann faz ki avan ki sa *scheme* i ariv kot komite, ki bann faz ki ganny pran, vizit? Si ou kapab donn nou en pti pe an detay. Mersi.

MR SPEAKER

Thank you. Minis?

MINISTER ROSE-MARIE HOAREAU

Mersi Onorab. Mersi Mr Speaker. Mon kapab demann PS pou reponn sa silvouple?

MR SPEAKER

Yes, ou a kontinyen.

PS KEVIN PERINE

Mersi Mr Speaker. Mersi Onorab. Dabor parey ou'n *rightly said*, *scheme* sa bann dimoun i ganny idantifye par Lotorite Distrik. E la en dosye i ganny prepare. Letan mon dir en dosye, savedir en *file* avek tou bann lenformasyon neseler ki nou rode pou fer sir ki *file* i annord.

E letan *file* in fini ganny prepare, la i ganny remet avek sekreter komite ki i Ms Elsie Pointe. E nou zwenn tou le mwan pour nou pas lo tou bann *case*. E Minis osi in mansyonnen oparavan ki demen nou pe zwenn pour nou pas lo 21 *case*. Mersi.

MR SPEAKER

Mersi. Onorab Henrie, kestyon?

HON GERVAIS HENRIE

Mersi Mr Speaker. Bonzour ankor enn fwa tou dimoun. Mr Speaker mon kestyon se; pou asir lazistis dan sa prosesis, eski *panel* ti ava konsidere ki ler alokasyon inisyal i ganny fer atraver Bidze, i ganny *breakdown* par distrik?

I annan 26 distrik dan Sesel. Ki tou distrik i ganny en alokasyon. E alor ou demann ki ou fer i al atraver ou alokasyon. Pou asir lazistis ki en distrik i pa ganny 12 proze, e en distrik pa ganny ditou.

Me si ti annan *equal allocation of money*, then i asire ki tou distrik i ganny omwen enn. Eski zot a pare pou konsider sa? Mersi.

MR SPEAKER

Mersi. Minis, ou repons? Minis, ou pare pou adrese?

MINISTER ROSE-MARIE HOAREAU

Mersi Mr Speaker. Mersi Onorab. Onorab tou distrik i ganny konsidere baze lo bann *applications* ki'n antre. Ziska prezan mon pa krwar i annan sa zafer larzan *per district* ki tou dimoun i ganny parey aköz petet dan en distrik napa byen byen ka, tandis ki ki dan en lot i annan plis. Alor si sa bann resours pou zis asize dan en distrik pa pou ganny servi, i vin en lot problem ankör ki larzan pe dormi .

Tandis ki si tou distrik i annan menm loportinite atraver bann *MNAs*, bann *DAs*, menm loportinite pou vwar bann bezwen ki tonm anba sa *Housing Repair Scheme*, then i fer lavi pli fasil, ou ou konnen ou napa en limit. Si kot ou dan ou distrik ou annan plis e zot kalifye, *then so be it*.

Me mon krwar lafason ki sistenm in ganny *set up* la pou le moman i pe mars byen – tou dimoun i annan menm loportinite, tou *MNAs*, tou *DAs* i annan menm loportinite pou anmenn zot file devan pou fer zot *case solid*.

E parey *PS Perine* fek fer konpran i annan bann formalite ki Onorab Roucou in demande, in eksplike, alor i pa en dezavantaz les mwan met li

koumsa sa - i pa en dezavantaz si napa en alokasyon per district, aköz tou bann ka i ganny trete lo merit.

Alor mon pa vwar li telman neserer pou annan en larzan spesifik pou sa distrik aköz pou le moman sa metod ki an plas pe mars byen e i donn tou distrik loportinite pou antre pou anmenn zot bann pwen devan. Mersi Mr Speaker.

MR SPEAKER

Mersi Minis. Onorab Uranie, ou kestyön?

HON ROCKY URANIE

Mersi Mr Speaker. Minis, ki poursantaz kontribisyon ki sa bann dimoun ki tonm anba sa *scheme* ler zot in ganny aprouve zot bezwen fer lo reparasyon zot lakaz? Ki poursantaz, e ki kriter zot servi? Eski i annan ki zot *fully* fer sa reparasyon pou li? Eski i annan ki bezwen kontribye en sonm larzan e zot kontribye en bout ladan? Ki poursantaz zot servi? Ki kriter? Mersi.

MR SPEAKER

Mersi Onorab. Minis?

MINISTER ROSE-MARY HOAREAU

Mersi Mr Speaker. Mon ava les *PS Kevin* reponn silvouple.

MR SPEAKER

PS?

PS KEVIN PERINE

Mersi Mr Speaker. Onorab, kriter ki ganny servi par egzanz mon fek mansyonnen, fodre sa *household* i annan li mwens ki R12 mil ki pe antre dan sa lakaz. E osi fodre i annan en dimoun aze otreman kapab. E la apre bann vizit i ganny fer par diferan Lotorite Konsernen. Nou travay tre fortman avek SIA, ki ed nou pou kapab delivre sa bann proze.

E i osi annan sa bout *socio-economic assessment* ki ganny fer. E souvandfwa sa bann dimoun pe ganny asiste zot pa pe rann sa larzan, Gouvernman pe asiste zot. E dan bout ki annan dimoun ki kekfwa i kapab met en bout, sa nou pa ankor ganny okenn *case so far* ki pe demann li fer en bout nou, nou fer lot bout. Tou bann *case* ki nou pe gannyen *so far*, i bann dimoun ki vreman bezwen e ki pa pe kapab vreman ed zot lekor. E la Gouvernman i antre i fer sir ki i asiste zot. Mersi.

MR SPEAKER

Mersi *PS*. Onorab Samynadin.

HON KELLY SAMYNADIN

Mersi Mr Speaker. Bonzour Minis, *panel*. E mwan osi mon pou profite pou felisit Mrs Murielle Marie dan son nouvo lapwentman, en zabitan Au Cap. Minis, mon'n tann *PS* nonm *socio-economic assessment*.

Pou benefis bann dimoun ki pe ekoute la deor, mon ti a kontan si zot eksplik akoz ki en *socio-economic assessment* i ganny fer avan ki en laplikasyon i ganny konsidere. E petet kwa ki ganny pran kont dan sa *assessment*? Mersi.

MR SPEAKER

Thank you. *PS* i a kontinyen Minis?

MINISTER ROSE-MARIE HOAREAU

Mersi Onorab. Mersi Mr Speaker. Mon ava les *PS* Perine reponn silvouple.

MR SPEAKER

PS, ou a kontinyen.

PS KEVIN PERINE

Onorab, mersi pou ou kestyon. *Housing Repair Scheme* in vin apre ki en evalyasyon ti ganny fer avek sa swadizan *scheme* ki ti annan avan ki ti apel Pti Payot. E prezan sa in fer ki nou bezwen met bann kriter an plas,

e vwala kote *socio economic assessment* i antre.

Akoz Komite in vwar ki ti annan pa mal laba anba sa *scheme* oparavan. E kot bokou dimoun ki pa ti merit ganny asiste, in ganny asiste, in benefisye avek swa lakaz oubyen propriyete prive apre i pran i lwe avek en lot dimoun. E sa i annan legzanp dan *file* partou.

E *socio-economic assessment* i ganny fer pou fer sir poudir sa dimoun ki Gouvernman pe asiste, i vremen bezwen sa lasistans me non pa vin en labi. E nou demann byensir konbyen *income* ki antre dan lakaz, nou osi permet ki nou annan en dokiman ki ou sinyen ki permet nou get lo kont labank dimoun, pou fer sir ki lo ou kont napa sifizaman larzan pou asiste ou lekor.

E si ou annan, petet parey Onorab Rocky in sizere, la ou a kapab met en bout pou nou kapab ed ou. Zis pou fer sir ki tou keksoz i ganny fer dan en fason byen kler i latransparans ki napa labi. Mersi.

MR SPEAKER

Mersi PS. Onorab Monthy?

HON PHILIP MONTHY

Mersi Mr Speaker. Bonzour Minis. Minis, mon'n tann PS dir ki zot *meet* en fwa par mwan. Eski zot panse sa frekans i *ok*? Akoz mwan mon annan lenpresyon ki i pou en pe letan pou *process* sa bann *case*. Eski zot pa ti a mazine ki petet 2 fwa - tou lede semenn petet ti ava en pe pli rezonnab pou zwenn pou fer keksoz bouz en pe pli vitman?

Apre bann *case* ki pa ganny aprouve ki ganny refer kot Minister Lakaz, eski sa bann dimoun, sa lenformasyon i ganny kominike avek zot pou zot konnen kote kot *case* i ete? E ki bann opsyon ki annan pou zot apre sa? Mersi.

MR SPEAKER

Mersi. Minis?

MINISTER ROSE-MARY HOAREAU

Mersi Onorab. E mersi Mr Speaker. Mon kapab dir ou ki i a napa, i annan pa mal travay pou fer pou ou *compile* en *file* lo nivo distrik *MNA, DA* e tou bann lezot lazans ki bezwen ganny kordinen, pou al fer sa bann *assessment*, pou al fer sa bann vizit.

E ler ou pou fer en dimoun i bezwen rod en dokiman dan en tel biro. I annan en kantite eleman administrativ osi, pa zis

fizik al lo teren. I annan bann bout administrativ osi ki bezwen ganny fer, ki sanmenm sa fanmir li menm li i bezwen ase letan pou li kapab anmas tou sa bann lenformasyon ki neserer.

E alor, mwan - anfen nou, nou zis en fasilitater. Me selman ler mon ekout bann deba lo bann *meetings*, ki ganny fer, mon santi poudir sa 1 mwan i akseptab avek manm piblik.

E en pwen byen for ki ou'n fer resorti la, se ki *as long as* ki sa dimoun konsernen, sa fanmir konsernen i ganny en *update* lo ki pe pase, kote son *file* in arive, mon krwar ziska prezan en sa *Housing Scheme* sa kominikasyon pe mars byen.

E osi parey ou pe dir i normal ki si ou pa tonm dan kriter sa *Housing Repair Scheme*, me i annan en posibilite ki ou kapab ganny en lasistans kot Minister Lakaz, dan Minister laba, byensir sa konversasyon i bezwen ganny fer ek ou. Ek ou koman sa dimoun afekte pou dir ou regarde ou pa'n kalifye anba sa *scheme* la. Me selman laba i kapab annan en *loan*, en *Loan Scheme* en lot *Scheme Loan* ki petet atraver sa lot *scheme* ki pe ganny ofer laba, ou a kalifye.

Nou pa donn okenn garanti, me nou donn ou en propozisyon baze lo sa ki nou vwar dan ou *file*. E prezan ou, ou ale ou fer sa lot lepa, sa lot demars ek sa lot minister. Mersi Mr Speaker.

MR SPEAKER

Mersi Minis. Onorab Aglae, ou kestyon?

HON EGBERT AGLAE

Mersi Mr Speaker. Minis, dan larepons *PS* ler in reponn lo bann kondisyon atase avek ou kalifye anba sa *scheme*, mon ti a kontan petet demann ou, eski sa kalite kondisyon ki mon pe al site i ankor egziste. Par egzant letan ou pe azout en lasanm avek en lakaz pou en dimoun vilnerab, kot si sa dimoun i *passed away* apre, si sa manm fanmir i deside met en dimoun ladan i pou bezwen pe ranbours Gouvernman en porsyon larzan. Eski sa i ankor egziste? Mersi.

MR SPEAKER

Mersi.

MINISTER ROSE-MARY HOAREAU

Mersi Onorab. Mersi Mr Speaker. Mon ti ava les *PS* Perine reponn silvouple?

MR SPEAKER

PS, ou a reponn.

PS KEVIN PERINE

Mr Speaker - mersi bokou Onorab. Klarifikasyon, i pa ti egziste avan sa kestyon ki ou'n poze. Prezan ki i egziste. So, ou'n demande si ti ankor egziste. So, zot in poz en kestyon nou pe donn larepons silvouple.

(comments off-mic)

MR SPEAKER

Order! Onorab, ou pa kapab *argue* avek repons ki'n ganny donnen. Eski ou annan en pwen ki ou oule klarifye, ki manner ou'n poz ou kestyon?

HON EGBERT AGLAE

Mr Speaker, mon annan gran respe pou *panel* devan. Nou'n komans byen, nou fini byen. Sa ki *PS* in dir akoz mwan mon'n form par sa bann prosedir lo nivo distrik. I *know it existed* dan bann lagreman lepase. Se sa mon pe demande silvouple. I pa ti la li.

MR SPEAKER

Ok. Me petet i en keksoz ki i pa ti konnen avan. Nou a... *PS* ou annan keksoz pou azoute? Mon war ou'n lev lanmen.

PS KEVIN PERINE

Mr Speaker, nou'n ganny poz en kestyon ler nou'n donn larepons bokou dimoun i ankoler. E si vreman parey Onorab pe dir ti egziste, sa Komite pa ti pou ganny *set* pou al fer legzersis. E si zanmen in egziste, napa okenn rikord ki montre. Mersi bokou.

(comments off-mic)

MR SPEAKER

Onorab Romain. Nou a termin avek ou kestyon.

HON GEORGES ROMAIN

Mersi Mr Speaker. Mr Speaker, mon kestyon ki mon ti a kontan demann Minis, anvi ki i bezwen annan en travay ki ganny fer avan sa renovasyon i ganny fer lo sa bann lakaz. E mon tann *PS* in dir ki pli boner plizoumwenn bann dimoun ki en pe aze; mwan mon kestyon ki mon ti a kontan demann Minis.

Ki bann garanti ki annan an plas, ki ler sa renovasyon in fini ganny fer, ki nou pa war demen sa dimoun aze in ganny tire met dan en lot landrwa. Prezan nou vwar bann lezot manm fanmir, oubyen bann lezot dimoun an deor ki vin abiz en pti pe sa renovasyon ki'n ganny fer, sa konfor pou sa dimoun, ki travay ki ganny fer pou fer sir ki sa pa arive?

Unless si sa dimoun i mor, mon konpran.

Be selman si i ankor vivan, ki bann garanti ki an plas pou anpes sa? Mersi Mr Speaker.

MINISTER ROSE-MARY HOAREAU

Mersi Onorab, pou ou kestyon. Mersi Mr Speaker. Mon a les *PS* reponn. Me selman, mon ti a kontan dir poudir mon swete ki napa - mon swete ki dimoun pa osi *cruel* pou met ou vye dimoun deor apre ki in ganny led pou li viv *the rest of* son lavi dan konfor. Mon swete ki sa pa arive. Me selman les mwan les *PS* reponn lo baz teknik. Mersi.

MR SPEAKER

PS?

PS KEVIN PERINE

Mersi Mr Speaker. Onorab ki Komite ti fer letan nou ti zwenn, premye keksoz ki nou ti fer avan ki nou ti met an plas pou nou komans vwar bann *case*, nou ti asize ek bann dimoun legal pou nou drafte en lagreman. E sa lagreman in ganny fer. E sak fwa okenn *case* ki ganny aprouve, sa dimoun i bezwen siny sa lagreman ki i dakor avek.

E osi dan sa lagreman i mansyonnen ki sa dimoun

napa drwa retir sa dimoun ki sa lakaz i sipoze pou li, pou li met deor. I napa drwa vann sa lakaz ; savedir sa dimoun i garanti ki i annan en lozman pou li reste ziska zour son dernyen zour lo later. Mersi.

MR SPEAKER

Mersi *PS*. Nou avans lo kestyon 179, Onorab Michel Roucou.

HON MICHEL ROUCOU

Mersi Mr Speaker. Bonzour ankor enn fwa. Mr Speaker, mon kestyon i al koumsa,

Eski Minis i kapab dir ek Lasanble ki plan son Minister pour ki bann ka *emergency* dan distrik, i ganny dil avek dan en dele letan pli kourt posib? Mersi.

MR SPEAKER

Mersi. Minis, repons *please?*

MINISTER ROSE-MARY HOAREAU

Mersi Onorab. Mersi Mr Speaker. Mr Speaker, nou Minister i reste touzour angaze pou reponn bann ka *emergency* ki ganny raporte. Par egzanp dife dan lakaz, pye dibwa ki tonm lo lakaz, linondasyon eksetera. Rol Minister Gouvernman Lokal ek Zafer Kominoter, i pou stabiliz sityasyon dan li medya. E

kordinen ki sa fanmir i resevwar keksoz de baz par egzantp enkli manze, e en landrwa reste tanporer.

Nou imedyatman kordin avek bann lazans konsernen tel ki *SIA*, Minister Lanvironnman, *DRDM* eksetera pou vizit, pou donn sipor, fer lenvestigasyon e evalye sityasyon. *DA* li, i prepar dosye nesese pou remet avek bann lazans responsab tel ki; *ASP* e Departman Lakaz dan en dele letan pa plis ki 5 zour otan ki posib.

I nesese ki Lotorite Distrik i reste an kontak avek sa fanmir afekte, ensi byen ki fer *follow up* avek sa bann lazans. Nou ankouraz osi bann fanmir pou pa ezite pran kontak avek Lotorite Distrik pou zot ganny *update* lo zot ka. Mersi Mr Speaker.

MR SPEAKER

Mersi Minis. Onorab Roucou, ou siplemanter.

HON MICHEL ROUCOU

Minis, mersi pou ou larepons. Minis, si ou kapab dir avek nou anvi ki nou war avek sanzman klima, volim lapli ki nou pe kontinyelman gannyen. Si ou Minister annefe i annan en larzan ki zot met akote la pou bann ka parey. Parey nou konnen poudir le 7 Desanm ti

annan en fon ki ti ganny kree, eski zot annan lide pou osi tap dan sa fon osi tou?

Apre osi Minis, si ou kapab dir ek nou, lo kote bann larestan lotorite ki travay avek zot, parey mon konnen *SIA* i enn pou fer sir ki sa bann lotorite zot desarz zot responsabilite en pti pe pli vit, ki bann zabitan i kapab vwar zot en pti pe plis dan en pti pe plis konfor? Mersi.

MR SPEAKER

Mersi Onorab. Minis?

MINISTER ROSE-MARY HOAREAU

Mersi Onorab. Mersi Mr Speaker. Onorab, nou annan en Bidze kot *Local Government* pou *emergency*, mon krwar i 2 milyon non? Nou annan en Bidze 2 milyon pou bann *emergency* parey mon'n dekrir la dife, linondasyon eksetera. E se sa ki nou servi, e se sa ki nou annan pou nou servi pou nou ed bann dimoun an difikilte.

Apropos sa fon dezas le 7 Desanm, son non li menm i dir ou. I en fon ki ganny kree pou dezas dan nor e dan Cascade e dan nor e dan sid laba dan tou lede kote zil, kot bann dimoun ti ganny afekte avek dezas le 7 Desanm.

Alor, dimoun in donn larzan dan sa fon ; dimoun i kontinyelman pe donn sa sipor, pou met larzan dan sa fon, akoz sa dezans le 7 Desanm la, i ankor annan en kantite depans pou fer pou ki tou sa bann fanmir, tou sa bann fanmir ki'n ganny afekte pou zot kapab retourn dan en lavi ase normal.

Alor, nou kot *Local Government* nou pa kapab al tous fon dezans le 7 Desanm pou bann *emergencies* dan distrik. E sa mon krwar i enportan ki nou konpran poudir nou pa kapab al tous sa larzan i la pou en rezon spesifik. E sa bann lefe dezans pa ankor fini, fini, fini. Nou ankor toulezour pe war dimoun dan bezwen. E bann *file* i kontinyen bouze pou le 7 Desanm.

Apropo *SIA*, zot *speed* ki zot pe travay lo zot bann *file* mon pa kapab fer komantr lo la. Me selman mon kapab dir ou mon Minister nou annan en bon relasyon travay avek *SIA*. E ankor enn fwa, annou pa bliye ki poudir bann teknisyen kot *SIA* bann travayer kot *SIA*. Zot annan le 7 Desanm ki'n *overtake* tou zot louvraz.

Zot annan 2 kalite louvraz zot pe fer la. Enn ki pa abitye, e sa se sa levennman le 7 Desanm. Alor i annan menm kantite travayer, e finalman i

annan 2 keksoz ki ou bezwen balanse. Ou bezwen travay lo sa 7 desanm ki pa ankor fini. E ou bezwen travay lo bann keksoz ki pe arive, bann ka de zour an zour ki pe arive bann *emergency* de zour an zour. Ou annan *Housing Repair Scheme* eksetera.

So, nou bezwen annan en pti pe pasyans. Me selman mon kapab dir sa bann dimoun kot *SIA* zot pe fer zot mye avek sa kantite travay ki zot annan lo zot lasyet. Mersi Mr Speaker.

MR SPEAKER

Mersi Minis. Onorab Labonte, ou kestyon.

HON ANDY LABONTE

Mersi Mr Speaker. Minis, dan ou larepons ou'n dir ki *Local Government* i la pou plizoumwenn pou stabilize. E ler sityasyon le 7 sa bann fanmir in stabilize, eski i annan en lot rekour petet ki sa fanmir zot santi ki zot ankor dan bezwen, akoz zot ka i ankor kritik ki zot kapab *tap into it* swa ver *Local Government*, ou petet en lot fason ki zot santi poudir zot kapab ganny lasistans akoz zot vremen ankor dan bezwen? Mersi.

MR SPEAKER

Mersi Onorab. *Minister*, ou repons?

MINISTER ROSE-MARY HOAREAU

Mersi Onorab. Mersi Mr Speaker. Onorab, nou, nou annan en manda pou fer ziska en serten bout. Apre si en evalyasyon i bezwen ganny fer, la kot *ASP* i antre. E en evalyasyon ankor i ganny fer par *ASP* pou vwar ki mannyer *ASP* i petet kapab ed sa fanmir. Me napa *one size fits all*. Sak ka i ganny gete lo son merit, lo son sityasyon. Mersi Mr Speaker.

MR SPEAKER

Onorab Pillay, ou kestyon?

HON SEBASTIEN PILLAY

Mersi Mr Speaker. Mr Speaker, si nou annan 2 *MNA* ki'n demann sa kestyon, *then it means* ki nou annan i bezwen annan en problem *somewhere*. Si i pa lo nivo Minis, *then* i bezwen *somewhere within* ou Minister. Akoz si mon fer referans avek en *statement* ki Prezidan Larepiblik ti fer dan son ladres devan piblik, i ti dir "lensidan le 7 Desanm tou keksoz i anba kontrol".

Me la Minis ou dir nou i annan en kantite keksoz ki reste pou fer. So, kestyon ki

mon pe mon ti a kontan klarifye an relasyon ek sa kestyon ki Onorab Roucou in demande, ki dele letan ki zot, zot in etabliir dan Minister koman en dele letan akseptab pou ki en dimoun ki'n fer fas avek en sityasyon dezas i ganny en *response*, i ganny en keksoz ki ganny fer pou dil ek son sityasyon?

E ki zot pe fer pou adres bann *case* ki ankor *outstanding* dan bann distrik ki'n ganny afekte - pa zis avek lensidan le 7 Desanm me lezot lensidan ki'n souleve apre li 7 Desanm? Mersi Mr Speaker.

MR SPEAKER

Mersi. Minis?

MINISTER ROSE-MARY HOAREAU

Mersi Onorab. Mersi Mr Speaker. 2 keksoz, Prezidan in dir keksoz i anba kontrol. Wi, keksoz i anba kontrol akoz bann *file* pe ganny *process*, sa bann dosye i dan diferan staz. Alor, i annan en plandaksyon ki pe ganny fer.

Me selman sakenn parey mon'n dir dan tou ka, *even* le 7 Desanm i annan bann ka ki pli difisil ki lot. Me selman, tou sa bann ka pe ganny trete. Alor pa tou ki'n ganny delivre ansanm, an menm tan. Me selman

Prezidan i annan tou rezon, ler i dir keksoz i anba kontrol, akoz bann dosye pe bouze, bann negosyasyon pe ganny fer. Bann lasistans finansyel pe ganny fer. Alor keksoz i bouze.

E nou, nou *lucky* dan Sesel ki nou'n kapab annan en fason pou ed sa bann viktim. Akoz nou tou nou regard televizyon, nou tou nou war enternasyonalman bann dezas orifik ki arive. E ou demann ou lekor, eski sa bann dimoun dan sa lezot pei, eski zot osi *lucky* ki nou, nou'n al pran sa linisyativ pou *raise en fund* pou siport sa bann dimoun, malgre zot *file* i dan bann diferan letap?

Alor mon kapab reasir ou Onorab, ki wi, keksoz i anba kontrol vizavi le 7 Desanm. Me apard sa mon pa kapab koz lo plis ki le 7 Desanm, akoz pa mwan ki pe zer le 7 Desanm. Me mon kapab koz lo *emergency* kot mwan, ki tonm anba *Local Government*.

Parey mon'n dir pli boner nou koman *DAs*, koman *MNAs*, Lotorite Distrik nou travay ansanm ek *MNAs* ek *DAs* nou fer sa ki devret fer, rod lenformasyon eksetera. E nou *aim* avan, pli tar 5 zour ou plis posibil, pou nou fer sir ki sa *file* i bouz dan sa lot lazans, ouswa Minister ki pou fer sa *next step*.

Mon kapab reasir ou ki nou tou nou kontan vwar dimoun retourn dan zot lavi normal osito posibil. E parfwa i pran en pti pe pli lontan ki nou ti a voudre. Pa akoz Minister pa pe travay, me akoz sirkonstans lavi sa bann dimoun. Mersi Mr Speaker.

MR SPEAKER

Mersi. Klarifikasyon Onorab?

HON SEBASTIEN PILLAY

Wi Mr Speaker, i annan en keksoz ki pa kler pou mwan. Minis in koz dan tou lede ka *emergency* en sistenm *file* ki bouze, ki pe *process*. Mon kestyon se pou piblik konnen la deor, ki mannyer mwan par egzant ki'n ganny afekte mon'n war mon *MNA*, mon *MNA* in anmenn mon *case* devan, *file* pe *process*.

Lekel ki sipoze lyez ek mwan e dir mwan poudir mon *file* pe ganny *process*, i kot *PS Perine*, i kot Direkter Marie, i kot Onorab Georges mon tann li pe koze - mon pa konnen si i ladan. Konmsi lekel ki pou dir mwan kote mon *file* i ete Mr Speaker? *That's* sa pou benefisye piblik la deor.

MR SPEAKER

Thank you. Yes Minis, ou a donn sa klarifikasyon.

MINISTER ROSE-MARY HOAREAU

Parey mon'n dir Onorab en pti pe pli avan, petet ou pa ti dan lasal. Mon'n dir i responsabilite Lotorite Distrik e *that includes the MNA and the DA* pou zot fer li zot devwar. Akoz se zot ki marse dan zot distrik, ler zot bat ek en dimoun ki zot konnen sa dimoun in ganny afekte.

Ou a dir Mr entel ouswa Mrs entel, mon konnen louvraz pa ankor komanse kot ou, me mon pe dir ou poudir dernyen lenformasyon ki mon'n gannyen se ki ou miray i dan *design stage* kot SIA. E byento pou'n fini, mwan mon pe kit *myself informed* pou mwan fer ou konnen. Sa i lo MNA ek DA pou zot fer zot PR vizavi zot dimoun dan zot distrik.

On the other hand, osi, i annan mwan koman sa dimoun ki'n ganny afekte, mwan osi mon devret montre en lentere. Si mon vwar keksoz pa pe arive, napa naryen ki anpes mwan desann anba kot Biro Distrik pou dir ou konnen mon miray i annan se pa 2 zour - sepa 2 mwan in sa, mon vin get en kou kote formalite in arive.

E a si sa DA ouswa sa MNA pa konnen se zot *pick up the phone*, e kot nou isi - pa isi, kot *Local Government* nou, nou

annan en *Director* pou *Public Affairs*, ki si sa *Director General* pou *Public Affairs* ki kapab ed sa bann kliyan ki pe rod lenformasyon or sa bann DA ek MNA i kapab osi kontakte *the Director General for Public Affairs to brief you* lo nivo distrik pou zot kapab *share* sa leksplikasyon avek zot kliyan.

Me selman kliyan osi, i pa devret santi li izole; i konnen i annan en Lotorite Distrik. I konnen i annan en MNA, i konnen i annan en DA, vin devan ou osi demann en koud kestyon dir "alo, kote mon *file* i ete?" Prezan ou a ganny dir kote i ete. *So, it's 2 way things* sa. Nou bezwen travay ansanm, kliyan i bezwen konpran nou, nou, nou bezwen konpran kliyan. Mersi.

MR SPEAKER

Mersi. Mersi Minis. Onorab Vidot, ou kestyon.

HON AUDREY VIDOT

Mersi Mr Speaker. Mr Speaker, mon kestyon pou Minis zisteman i otour sa ki Onorab Sebastien Pillay in met lanfaz lo la. Mon dir mon kestyon i relye avek sa ki Onorab Pillay in kestyonn lo la, akoz i annan en problemn Minis.

Ou'n asire ki tou bann Ladministrater Distrik i azour

avek prosedir, e ki zot fer li byen. Mr Songor i konn en ka dan mon distrik, kot de moman ki ti ariv en ka dife, mon ti anvoy kominikasyon, me prose pou kapab rezourd *case* sa dimoun ti pran bokou plis ki 5 zour.

E sa dimoun pe vwar li pe vatevyen. Menm si atraver Biro *MNA* pe met lanfaz ek distrik pou donn en koudmen, pou donn en *feedback*. Me sa dimoun i vwar li pe ale vini avan ler i kapab zis pou li kapab war en solisyon. Mersi.

MR SPEAKER

Mersi. Onorab pa'n anmenn en nouvo kestyon. Me selman petet, Minis, mon pa konnen si ou *panel* i kapab eklersi sa pwen ki Onorab in leve.

MINISTER ROSE-MARY HOAREAU

Mersi Onorab. Mersi Mr Speaker. Mon ti a voudre pas laparol avek *Executive Director* Romano Songor silvouple.

MR SPEAKER

Mersi Mr Songor.

EXECUTIVE DIRECTOR ROMANO SONGOR

Bonzour Onorab. Bonzour Mr Speaker. Bonzour tou bann Manm Onorab. Onorab, sa *case*

partikilye parey ou okouran, sa kliyan li osi i ti annan serten neglizans lo son par pou anmenn son bann dokiman, pou ki son *file* i kapab ganny *process* dan sa dele letan.

Mwan menm mwan personnelman ansanm avek *DA* e ou osi ou'n an kontak avek li. Finalman letan mon'n revwar li ki in anmenn son bann dokiman, dan lespas 3 zour son dosye ti fini *submit* kot *ASP* e i ti ganny asiste. Mersi.

MR SPEAKER

Mersi. Onorab, Onorab ou'n demann...

HON AUDREY VIDOT

Mr Speaker...

MR SPEAKER

Sorry. Ale.

HON AUDREY VIDOT

Mr Speaker, koman Manm Elekte mon la pou mwan reprezant mon zabitan. Si en lenformasyon pa'n ganny kominik avek sa dimoun a tan, ki mannyer i kapab ganny akize konmkwa i neglizans lo son par? Sa i pa akseptab Mr Speaker.

MR SPEAKER

Onorab Lemiel, ou kestyon.

HON SYLVANNE LEMIEL

Mersi Mr Speaker. Minis, mon ti a kontan konnen avek ou, par egzant letan nou pe koz lo sa keston bann ka *emergency* dan distrik, ki ganny dil avek dan en serten letan dele pli kourt, i annan de ka kot in annan bann *emergency* ki'n arive dan distrik. En dimoun son miray in kase - i en *individual case*.

Mon ti a kontan konnen avek ou, akoz ou'n koz lo Fon Dezas, eski ozordi ou Minister i pe aprouve ki bann ka endividyel *emergency* ki arive, ki larzan pou repar son miray, swa *whatever* ki'n arive kot li koman en ka endividyel, i ganny tire dan Bidze *Small Community Project*. Mon ti a kontan konnen sa Minis. Mersi.

MR SPEAKER

Mersi. Minis, ler ou pare oubyen *panel*.

MINISTER ROSE-MARY HOAREAU

Onorab, i annan detrwa laspe avek dan ou keston ki mon ti a prefere les *ED Songor* eksplike. Me selman sak ka parey mon'n dir i ganny evalye lo son sirkonstans. Me parey mon'n dir nou annan en *Emergency Fund 2* milyon ki nou travay avek pou bann ka *emergency*.

Me apropro parey ou pe dir miray prive, nou pa vreman fer miray prive.

Tou keksoz, konmsi nou pa antre pou nou fer en miray lo later prive. Tou keksoz i annan en *file*, tou keksoz i annan en rezon, tou keksoz i annan en rezon *behind it* - en sityasyon ki'n leve. Mon ti a prefere les *ED Songor* reponn en pti pe, akoz li ki plito lo teren lo dan sa bann *case*.

Me selman nou pa dan labitid antre, zis akoz nou anvi fer en miray prive pou en dimoun. O kontrer nou vey byen nou larzan, akoz nou pa nou bezwen *manage* li byen, pou fer sir ki nou tal li plis posib. Me i annan parey toultan mon dir i annan prosedir i annan vizit. I annan rekomandasyon.

Akoz nou, nou en fasilitater nou. Nou bezwen ekout *advise* profesyonnel ki sorti kot en lot lazans ki dir nou sa i pou en danze pou sa bann dimoun anba, si keksoz pa ganny fer.

E sa prezan toultan i annan *socio-economic assessment* ki ganny fer. E nou pa dan labitid zis antre fer en miray prive, pou en dimoun prive, nou napa larzan pou nou fer sa. E se pou kwa toultan ler mon vin dan Lasanble, mon dir

avek nou bann frer, ser Seselwa annou *prevent*; annou fer prevansyon pou ki kalamite pa arive.

Annan bokou ka nou war nou pe depans larzan parfwa lo bann ka neglizans. Me kantmenm i en neglizans ou bezwen ede, akoz si ou pa ede i pou vin pli grav. So, mon a les *ED* Songor petet donn nou en pti pe plis leksplikasyon. Me selman nou pa dan labitid antre dir be *ok* nou bezwen miray, nou pe vin fer pou ou; non, non, nou pa travay koumsa. Mersi.

MR SPEAKER

Ok. Direkter, Executive Director Songor.

EXECUTIVE DIRECTOR ROMANO SONGOR

Mersi Mr Speaker. Mersi Onorab. Onorab, nou otan ki posibil, nou pa *advise* Lotorite Distrik pou met bann proze prive dan zot proze distrik par egzanp pou refer miray. So, ki nou fer an konsiltasyon avek *SIA* avek lanvironnman nou vwar si sa miray i vreman en danze apre ki in grennen pou lezot endividi.

Par egzanp si ou lakaz i par lao, so sa miray i ti par anba, i annan detrwa dimoun ki pe ganny afekte. So, la i ganny

en negosyasyon i ganny fer pou kapab vwar ki mannyer nou kapab *mitigate* sa sityasyon. Me selman dan sa 2 milyon i zis pou stabiliz *emergency*, pa pou fer proze.

Setadir letan ou dosye in fini ganny monte, i bezwen ganny *submit* prezan pou gete si pou kapab vin en proze wi oubyen non. Me komansman i bezwen stabiliz sityasyon. Setadir si pou kapab kas en pti pe later tir sa later, aranz sa koumsa. Mersi Mr Speaker.

MR SPEAKER

Klarifikasyon Onorab?

HON SYLVANNE LEMIEL

Minis, mon'n konpran tre byen sa ki ou'n dir mwan i prosedir parey sa ki ou'n dir. Mon pa pe dir sa mwan Minis, mon pe demande, eski Minister anba mon Bidze 1.2 milyon... 3 mil... *Ok?* Sa ki mon pe dir, eski Minister i annan drwa li fer en miray pou en dimoun ki'n ganny afekte avek en dezas ki son *case* i merit konsidere koman *emergency* anba sa 2 milyon, me i pa'n ganny tire anba sa 2 milyon, in ganny tire anba mon Bidze distrik, sa ki mon ti anvi konnen Minis. Mersi.

MR SPEAKER

Minis, oubyen *panel*.

MINISTER ROSE-MARY HAOREAU

Mersi Onorab. Mersi Mr Speaker. *ED*, ou ki pou pran? *Ok*. Mr Speaker, i kapab pran silvouple?

MR SPEAKER

Mr Songor?

EXECUTIVE DIRECTOR ROMANO SONGOR

Mersi Mr Speaker. Mr Speaker, i bezwen annan en dyalog ki ganny fer avek Lotorite Distrik e vwar si kekfwa sa larzan en bout larzan dan ou proze i kapab in reste. *So*, nou kapab pran en pe dan *emergency*, met ansanm pou nou kapab diskite pou kapab stabiliz sa sityasyon. Mersi. Avek *approval* byensir, avek bann teknisyen. Mersi.

MR SPEAKER

Mersi. Onorab Esparon, ou kestyon.

HON REGINA ESPARON

Mersi Mr Speaker. Mr Speaker, mon anvi fer 2 klarifikasyon. Minis eski ou kapab... mon anvi konnen letan ki'n ariv en *emergency* dan distrik, parey la nou annan sa lakaz ki'n ganny brile annefe kot 2 in ganny afekte, ki dele letan konmsi ki

nou pou dir poudir la pou sa premye semenn la, *relocation of* sa kliyan i tonm anba *MLH* oubyen i tonm anba Minister Gouvernman Lokal?

Epi Minis, dezyenmman, i annan en konfizyon deor la letan en problem i arive dan distrik. Konfizyon sa zafer R25 mil ki ganny donnen pou fanmir ki ganny afekte. I annan sa konfizyon ki parfwa dimoun i krwar poudir sa ki ganny tire dan sa Fon Dezas le 7 Desanm, konpran mwan? Me i annan en alokasyon ki ganny donnen avek sa fanmir parey ou'n dir, ki tonm anba sa 2 milyon la.

E sa in ganny... i donn sa 25 menm, R 25 mil ek sa fanmir pou li kapab ganny asiste pandan letan ki i ganny son bann lezot keksoz? En pti lesplikasyon eklersi Minis silvouple. Mersi.

MR SPEAKER

Mersi. Minis?

MINISTER ROSE-MARY HOAREAU

Mersi Onorab. Mersi Mr Speaker. Mr Speaker, mon ti a voudre *PS* Perine i reponn sa silvouple.

MR SPEAKER

PS, ou annan laparol.

PS KEVIN PERINE

Mersi bokou Mr Speaker. Onorab, parey in ganny mansyonnen mon krwar bokou fwa dimoun i krwar zot annan en *emergency*, koman sa lakaz in ganny brile, deswit Gouvernman i antre fer en lot lakaz, demen. Ouswa sa miray in tonbe miray i ganny fer. So, nou ki nou fer letan i annan en *emergency* nou annan nou 48 erdtan pou nou stabiliz sityasyon.

Savedir pou fer sir ki sa dimoun i annan en lozman, i annan manze, i annan debaz ki pou li kapab pou li kapab kontinyelman avek son lavi. E dan sa 48erdtan osi, la Lotorite Distrik, *DA rather* i prepar sa *file* avek bann lenformasyon i anvoy kot nou. E nou, nou fer rekomandasyon pou pey dan tou lakaz brile, mazorite de fwa se lakaz in bril antye, sete ASP ki donn sa R25 mil.

I pa tir dan okenn fon *quelque part*, i tir anba fon ASP direkteman. La nou anvoy sa dosye kot ASP, e *within 5 days* parey Minis in mansyonnen, sa peyman i ganny fer avek sa fanmir. E pa fini la, tan ki sa *housing* pa ankor kapab donn nou en solisyon avek lakaz pou sa dimoun.

Son lakaz in brile, Gouvernman i kontinyelman

asiste sa dimoun pou fer sir ki i annan en landrwa reste. Si parfwa i bezwen ariv 6 mwan kot dimoun in reste dan *guest house* pou 6 mwan, Gouvernman in *bear* sa *cost*, in peye. E letan bann formalite i kontinyelman ganny fer e osi bann lezot opsyon ki vin avek apre kot *part rental* osi i antre, negosyasyon i ganny fer avek Biro *Housing* avek sa dimoun. Zot byen ganny enformen lo la. Mersi bokou.

MR SPEAKER

Mersi PS. Nou ava avans lo kestyon 180, Hon Egbert Aglae.

HON EGBERT AGLAE

Mersi Mr Speaker. Kestyon i konm swivan; eski Minis i kapab dir ek sa Lasanble ki zistans proze redevlopman Ladministrasyon Distrik Port Glaud in arive? Mersi.

MR SPEAKER

Mersi Onorab. Minis?

MINISTER ROSE-MARY HOAREAU

Mersi Mr Speaker. Onorab, mersi pou ou kestyon. Mr Speaker, an 2022 avek sipor Gouvernman, nou Minister ti inisye en program renovasyon mazer lo lofis Ladministrasyon Distrik Port Glaud ki ti ganny

planifye pou komans an 2023. Sa ti pou enkli repar twatir, fer bann travay nesese pou anpes sa linondasyon ki arive sak fwa lapli i tonbe.

E pou osi aranz anndan pou li vin pli apropiye, pou nou bann *staff* e nou bann kliyan. An 2023, sa proze renovasyon ti komanse, malerezman bokou problem ti ganny dekouver avek fondasyon sa batiman par sa kontrakter ki ti'n ganny sa *tender*. Baze lo rekomandasyon, en *structural survey* par bann teknisyen SIA, nou ti vwar nou oblize aret sa renovasyon e komans prosedir pou konstri en nouvo Biro Ladministrasyon Distrik.

Mr Speaker, sa proze nouvo biro i aktyelman dan *design stage*. E provizyon in ganny mete dan Bidze 2025, pou son finansman. Mon ti a profite pou pran sa lakizasyon pou remersye bann zabitan Port Glaud pou zot pasyans e konprenezon pandan ki sa bann demars i ganny fer. Mersi.

MR SPEAKER

Mersi. Onorab, ou siplemanter.

HON EGBERT AGLAE

Mersi Minis pou ou larepons. Minis, eski zot in kapab dan sa staz ki ou dir mwan ou'n arive la, pou annan en kou ki pou

atase avek sa proze, anvi ki nou pou annan nouvo Bidze byento ?

Dezyenmman Minis, eski osi petet akoz zabitan i demann kestyon. I annan bann aktivite ki nou pa pe kapab fer, sirtou kot nou servi sant e se sa ki zot demann sa bann kestyon kan ki pou pare.

Eski sa plan final osi ti ava ganny byen prezant avek ladministrasyon ek zabitan osi, pou kapab ganny en pti pe zot pwennvi lo la, anvi ki pou annan serten bouzman. I pa pou kot i ete ozordi, i pou bouz kot *playground*.

E pou annan serten propozisyon osi pou bouz *playground* koi i deza ete, ki zot osi zot ava annan en pti *input* petet konsiderasyon e petet sipor osi ki zot kapab donner dan sa proze. Mersi.

MR SPEAKER

Mersi. Minis repons.

MINISTER ROSE-MARY HOAREAU

Mersi Onorab. Mersi Mr Speaker. Onorab, mon pa pou kapab piblikman la dir sa kou ki i pou koute akoz nou pa ankor *tender*. Me selman i en sonm sibstansyel, mon kapab asir ou. Akoz nou oule fer keksoz pli byen. E nou pou fer

avek Port Glaud parey nou'n fer ek Perseverance ek Cascade.

Nou pou *bring the MNA and* tou bann teknisyen avek *the DA onboard*, akoz zot osi zot *input* i valab. E bann *architect* laba kot *SIA at the moment*, bann teknisyen zot pe fer *the first draft, the first design which* ler i anmenn lo latab nou fer prezantasyon ou, *DA* e tou bann dimoun entereze i *comes to the meeting*. E ansanm nou diskite.

Me parfwa nou retourn lo latab detrwa fwa, akoz ler ou'n *suggest* en keksoz mwan mon *suggest* en keksoz nou met ansanm annou gete prezan ki manner i ete, nou bezwen prezant ankor en kou.

So, i annan sa pou ariv avan ki nou al lo *tender* avek sa proze. Me selman nou pe tap tou ki dan Bidze 2025, omwen en bout larzan pou komans sa proze si nou pa kapab ganny tou, me nou a ganny en bout. Akoz nou fer sa annandler, nou met en bout en lannen apre i *rollover* nou ganny en bout dan lot lannen. E *building* i kontinyen *built* koumsa. So, *thank you*. Mersi.

MR SPEAKER

Mersi Minis. Bon, nou'n ariv a lafen lalis kestyon regilye. Me nou annan en pti ekstra, en

Kestyon *Without Notice* dan non Onorab Audrey Vidot.

HON AUDREY VIDOT

Mersi Mr Speaker. Mr Speaker, mon kestyon i lir konm swivan;

Eski Ladministrasyon Distrik i ankor fer miting konsiltativ ek zabitan dan distrik ler i annan en proze mazer e ki mekanizm ki an plas pou dimoun donn zot pwennvi? Mersi.

MR SPEAKER

Mersi. Minis?

MINISTER ROSE-MARY HOAREAU

Mersi Onorab. Mersi Mr Speaker. Mr Speaker, i enportan note ki Minister Gouvernman Lokal ek Zafer Kominoter, i pa responsab pou bann proze mazer dan distrik. Mon Minister i responsab pou antreprann zis bann pti proze distrik ki dan laliny Bidze anba *Small Districts Projects*.

Koman tou Onorab dan Lasanble la i konnen, sa bann pti proze i ganny idantifye par zot bann Onorab e bann MNAs, *sorry* - zot bann Onorab ek bann DAs e ansanm zot decide ki priyorite ki bezwen dan zot distrik. Alor, dan bann ka bann proze mazer ki ganny antreprann, sa i ganny fer par

bann lezot *MDAs*, lezot Minister, lezot lazans e lezot departman.

E se zot ki responsab pou organiz zot rankont konsiltativ ler i neser. Mersi Mr Speaker.

MR SPEAKER

Mersi. Nou a pran siplemanter loter kekyon, parey nou abitye fer dan *Question Without Notice*. Onorab Vidot.

HON AUDREY VIDOT

Mersi Mr Speaker. Minis, mersi pou ou larepons. Minis, prenon kont menm si bann *MDAs* ki organiz bann proze mazer, me a lafen dizour se Lotorite Distrik plizoumwèn lo kote ladministrasyon ki bezwen kordinen, pou asire ki sa bann *MDAs* i ganny en sans pou zot annan en dyalog avek kominote pou eksplik zot proze e ganny zot *input*.

Alors dan sa konteks Minis, en? Eski ou kapab dir nou si zot in annan lo kote distrik ki mannyer zot, zot administre sa, pou asire ki bann dimoun dan bann distrik i kapab fer sir ki zot ganny zot *input*, pou zot kapab dir si sa proze i annan bann konsern ki petet dan sa landrwa kot bann proze pou ganny antreprann, pou zot kapab donn zot *input* pou asire ki si en proze pou

benefisyè zot i kapab ganny adrese?

E Minis, si sa atraver sa proze ki mon pe demande, konbyen bann miting parey ki atraver Ladministrasyon Distrik in fasilite sa bann *MDAs*, pou asire ki sa bann proze bann konsiltasyon plito bann miting i ganny fer? E pou bann dimoun kapab ganny sa sans pou kot kontribye, partisipe, dan sa bann proze? Mersi.

MR SPEAKER

Minis?

MINISTER ROSE-MARY HOAREAU

Mersi Onorab. Mersi Mr Speaker. Parey mon'n dir nou koman *Local Government* nou napa en *say* dan sa ki lezot departman, Minister ek lazans i deside ki zot vwar i pou benefis distrik. Me parey ou dir, i neser ki bann dimoun dan sa distrik i ganny en sans pou ganny konsilte lo bann proze mazer.

E mwan koman en sitwayen, tanzantan mon tann lo radyo pe dir dimoun pou annan en miting piblik dan tel landrwa, pou tel proze; pe envit dimoun vini eksetera. Nou kot *Local Government* ler zot fer nou konnen, nou met lansenny lo laport, pou ankouraz dimoun

konnen, *or* nou kapab menm met lo nou *Facebook page* pou fer popilasyon konnen poudir dan tel distrik pou annan tel sa.

Me selman nou, nou zis fasilite. Si sa lazans i demann nou pret *community center* pou fer son miting, nou donnen. Nou, nou la nou *facilitate*. Sa departman, sa lazans, sa Minister konsernen i son devwar son responsab pou li konekte ek son distrik ki i pe al travay, atraver son *MNA*, atraver son *DA*, atraver piblikasyon, atraver fer konnen.

E nou, nou la zis nou *facilitate* nou. Nou kapab ed ou par *publish* li lo nou *Facebook page*. Nou kapab ed ou met en lansenny lo nou laport *DA's Office*. Nou kapab ed ou donn ou lasal, me nou, nou pa *manage* sa nou, nou zis ede pou *facilitate*.

HON AUDREY VIDOT

En leklersisman?

MR SPEAKER

Ale.

HON AUDREY VIDOT

Mersi pou repons Minis. Eski sa i aplikab pou zis kote *MDAs*, akoz ou'n dir zis pou konsernan proze distrik li menm. Zot parey i ti en proze ki pou tous en lakominote. Zot pe fer sa

bann miting konsiltatif? Si wi, kantite ki zot pe fer? Mersi.

MINISTER ROSE-MARY HOAREAU

Onorab, be bann proze distrik i baze lo *request MNAs and DAs*. Mwan mon pa ale dan distrik pou swazir.

(comments off-mic)

MR SPEAKER

Bon. Mersi. Mersi Minis. Onorab, ou'n demann kestyon Minis in reponn, nou pa kapab prolonz sa eternalman. Mersi. Minis ek ou delegasyon, mersi pou zot partisipasyon. Mon swet zot bon depar e bonn kontinyasyon. Nou termin la avek kestyon. Lasanble i a rebran 2 er apre midi. Mersi.

(BREAK)

MR SPEAKER

Bonn apre midi tou dimoun dan lasal e an deor. Nou a rebran nou travay avek en *Prozedlwa Virtual Asset Services Providers Bill, 2024*. Mon a demann madanm raporter apel Minis e delegasyon.

Bonn apre midi Minis pou Finans Plan Nasyonal e Komers Minister Naadir Hassan. E bonn apre midi lezot zofisye ki en pe i devan e en pe i akote. Mr

Randolph Samson, *CEO Financial Services Authority*. Ms Odile Vidot *Direkter Zeneral Financial Services Development*, Mr Paul Robert *Direkter Polisi, Research and Statistics* dan FSA, Mr Marcus Elizabeth *Manager Product Development and research Unit* dan FSA. E Ms. Donna Muganhiri *Assistant Principal Legal Draftsperson* dan AG's Office.

Byenveni zot tou pou zot partisipasyon avek nou lo sa Prozedlwa. E nou a komans avek Mosyon pou *Second Reading*. Onorab Georges?

HON BERNARD GEORGES

Mersi Mr Speaker. Bonn apre midi Mr Speaker. Bonn apre midi Minis e ou delegasyon. Tou bann Manm Onorab e tou bann dimoun ki pe swiv nou dan lakour.

Mr Speaker, anba nou *Standing Orders* partikilyerman *Order 69(2)* mon *move* apre midi, ki Lalwa lo bann dimoun ki donn en servis pou bann byen vertyel, *the Virtual Assets Service Providers Bill, 2024* i ganny lir en Dezyenm Fwa. Mersi.

MR SPEAKER

Mersi. Mon a ganny segonnman? Onorab Sandy Arissol?

HON SANDY ARISSOL

Bonn apre midi Minis ek ou lekip. Tou Manm Lasanble Nasyonal e tou dimoun ki a lekout. Mosyon i ganny segonde. Mersi.

MR SPEAKER

Mersi. E avek sa mon ava apel Minis pou fer son prezantasyon.

MINISTER NAADIR HASSAN

Mr Speaker, Dirizan Lopoziyon, Dirizan Zafer Gouvernman, bann Manm Onorab e tou piblik a lekout bonn apre midi. Mr Speaker, sa Prozedlwa lo bann antite ki ofer servis byen vertyel ki mon pe prezante ozordi, i annan koman lobzektif pou konplimant stratezi nasyonal pou konbat risk finansyel relye avek bann byen vertyel, *virtual assets*. E bann antite ki ofer servis byen vertyel.

I osi enportan pou note ki sa Prozedlwa i annan bokou lyen avek Lalwa ki lit kont blansisaz larzan e finansman terorizm 2020, e bann regilasyon relye. Mon osi oule met lo rikord ki mon Minister ek Lotorite Servis Finansyel FSA, in fer bokou konsiltasyon piblik lo sa Prozedlwa ki pe ganny propoze.

Lobzektif sa Prozedlwa se pou asire ki bann prometer *virtual asset* e *Virtual Assets Service Providers* i kapab fonksyonn dan en fason responsab e redwir risk move litalizasyon par bann akter ilegal. Mr Speaker, permet mwan pou donn en rezimen bann konponan sa kad regilatwar pou bann fournisseur servis *virtual*, ki ganny trouve dan sa Prozedlwa.

Pou bann aplikan kalifye bann VASP dan oubyen an deor Sesel, i bezwen etabli en lakonpanyen anba *Seychelles Companies Act*, oubyen *International Business Companies Act (IBC)*. Pou en aplikan kalifye pou en *license* kriter prensipal se pou demontre en prezans sibstansyel dan Sesel tel ki, en direkter ki en rezidan, zot devret annan lofis Sesel ki annan ase travayer konpetan. E osi tou rikord i aksesib par sa lofis.

Endividi napa drwa fer laplikasyon pou en *license*. Antite ki egziste ki ganny regle par Labank Santral Sesel, i bezwen ganny laprouvasyon sa lenstitisyon. E i pou bezwen pas atraver en evalyasyon risk, pou li kapab fonksyonn koman en VASP atraver en *subsidiary*.

Mr Speaker, bann aktivite ki pou bezwen en *license* i enkli; fournisseur portfey byen vertyel oubyen sa ki an Angle nou apel *VA Virtual Asset Wallet Service Providers*. Bann lesanz byen vertyel bann *Virtual Asset Exchanges*. *Docker* oubyen vertyel bann *virtual asset broking*, fournisseur lenvestisman dan byen vertyel.

Par kont, Lalwa VASP i enterdi serten aktivite ek biznes ki ganny konsidere koman tro riske pou ganny en *license*. Sa i enkli fournisseur loperasyon miner e *mixer*. Pou aplikan ganny en *license* pou annan bann kriter byen detaye ki strik ki zot pou bezwen swiv e satisfere pou zot adres bann vilnerabilite idantifye relye direkteman avek sa servis ki zot pe ofer.

Mr Speaker, sa Lalwa pe osi obliz bann *initial Coin Offering – (ICOs)* oubyen *non-fungible tokens (NFTs)* ki'n ganny kree par rezidan ou antite Sesel pou vin anrezistre avek FSA. Apre sa lanrezistremman, bann byen vertyel, zis bann antite ki annan lotorizasyon anba Lalwa VASP sa i enkli en VASP li menm, oubyen en antite anba Lalwa *Securities Act* ki kapab promouvwar sa servis bann byen vertyel. Sa i avek bi

ranforsi la transparans e proteksyon konsonmater.

Striktir bann fre ki dan sa Prozedlwa, i anliny avek lezot model ki ganny servi dan lezot pei. Sa i avek bi asire ki nou ganny bann ki aplikan ki serye e ankouraz soumisyon lenformasyon korek pou evalyasyon par FSA. En lot lobzektif sa Prozedlwa, i egzize ki bann VASP i bezwen respekte bann kontrol dan Lalwa Kont Blansisaz Larzan e Kont Finansman Teroriz. E lezot regilasyon pou redwir bann risk krim e finansyel.

Mr Speaker, mon oule fer resorti ki sa Prozedlwa ki pe ganny propoze par bann byen vertyel e bann antite ki ofer servis vertyel, i balans inovasyon avek mitigasyon risk e bann mezir kont blansisaz larzan. Sesel in fer sir ki i pran tou mezir parey i ganny rekomande par *Financial Action Taskforce (FATF)*, par met lanfaz lo zesyon risk.

FSA i ganny dezinyen dan sa Prozedlwa koman Lotorite Regilatwar ki responsab pou lenplimantasyon sa Lalwa. Koman Lotorite Regilatwar Lotorite Servis Finansyel i annan pouvwar pou enspekte e fer lenvestigasyon dan bann lenstans kot en antite pa an

konformite avek provizyon Lalwa.

Provizyon in osi ganny fer pou sansibiliz konsonmater Seselwa, e bann antite reglemante lo bann *scam* e move litalizasyon bann byen vertyel. An menm tan, sa Prozedlwa pe asire ki sifizaman proteksyon i an plas pou sa bann konsonmater ki tonm viktim bann aktivite ilegal.

Mr Speaker, an rezilta sa Prozedlwa ki mon pe prezante avek Lasanble Nasyonal lo *Virtual Asset* ek *Virtual Asset Service Providers*, pou bezwen annan lamannman konsekan avek lezot Lalwa relye parey Lalwa Kont Blansisaz Larzan e Kont Finansman Teroris.

Lalwa Lotorite Servis Finansyel, Lalwa Proteksyon Konsonmater Finansyel e Lalwa Lakonpanyen Biznes Enternasyonal. Mr Speaker, lo sa not mon oule remerci tou bann partener ki'n kontribye dan staz konsiltasyon lo sa Prozedlwa lo bann antite ki ofer servis byen vertyel. E mon demann sipor Lasanble Nasyonal pou son laprouvasyon. Mersi Mr Speaker.

MR SPEAKER

Mersi Minis, pou ou prezantasyon. Lasal i ava ouver

pou deba. Onorab John Hoareau

HON JOHN HOAREAU

Mersi Mr Speaker. Bonn apre midi Mr Speaker. Bonn apre midi Minis sek ou delegasyon e tou lezot koleg. Mr Speaker, parey nou manifesto i dir, "En pti pei i vin en gran pei atraver vizyon pou li al pli lwen ki son teritwar." E pou li pran son vre plas dan sa lemond globalize. Ozordi atraver sa Prozedlwa, nou pe fer laprev lagrandisman enn nou pilye lekonomi - nou Sekter Servis Finansyel lo en nivo ki san presedans. En nivo kot nou pe met an plas bann mekaniz e *framework* legal pou pozisyonn Sesel koman en ziridiksyon finansyel enportan, avek en repitasyon kot tranzaksyon finansyel i ganny fer dan latransparans e ki swiv bann norm enternasyonal.

Nou'n tann dir dan sa Lasanble oparavan Mr Speaker, ki par en Onorab dan parti minoriter ki dir "touzour Sesel nou pe *bend over forward and backwards* pou satisfè lipokrizi bann regilater enternasyonal." Sa i en parol *word for word* ki mon pe servi ki'n ganny servi dan sa Lasanble, pou dekrir lafason ki nou reakte avek bann lenstitisyon enternasyonal ki si

oule akt koman bann regilater enternasyonal lo sa nivo.

I posib i vre, me eski nou annan swa? Si nou oule bouze, lo kote biznes enternasyonal, e servis finansyel ; si nou oule kapab *etre* konpetitiv dan sa domenn, nou bezwen kapab osi pare pou nou *fit in* dan sa lemond finansyel. E pou nou *fit in* dan sa lemond finansyel, i neser ki nou swivre serten rekomandasyon ki ganny met lo nou par bann regilater enternasyonal parey mon'n dir.

Sanfwa si nou pa fer li, i pou annan lefe lo nou Sistenn Banker. Parey nou konnen, ler nou pa konn *compliant* avek serten rekomandasyon i kapab osi afekte nou *correspondence banking*, an plis ki sa i kapab fer ki nou *trade* avek lemond eksteryer i vin difisil e preski enposib pou nou servi nou kart, nou larzan dan en fason kot nou kapab aste prodwir pou anmenn Sesel li menm.

Sesel koman en ziridiksyon ki donn sa servis *offshore* oubyen servis finansyel i napa swa parey mon'n dir. Ler in ariv pou fer son ziridiksyon vin *compliant* avek bann legzisans *ESAAMLG*, si nou oule et dan sa letan ki sa bann servis finansyel pe ganny donner dan bann lezot ziridiksyon parey Moris, *DVI*, *Guernsey*, *Jersey* e

lezot ankor nou bezwen osi kapab vin en konpetiter e nou bezwen kapab annan bann Lalwa ki sof gard nou lentere dan sa biznes.

Mr Speaker, parey mon pe dir risk pou ganny *blacklisted* i reel. E se pou sela rezon ki *FSA in conduct* bann *National Risk Assessment*, pou vwar ki bor defayans i annan dan nou Sistenm Finans Enternasyonal. E anvi ki nou pa ti *compliant* avek rekomandasyon 15 ki baze lo teknolozi - rekomandasyon 15 *FATF* i egzerse ki nou ziridiksyon i pran tou swen neser, pou fer sir ki bann nouvo prodwir dan teknolozi ki servis finansyel i bezwen servi, i kapab ganny sekirize dan en fason kot napa *money laundering*, napa osi okenn risk finansman terorizm.

Anvi ki ozordi sa Sekter *Offshore* pe modernize, i nepli annan zis biznes *International Registration of Companies (IBCs) - International Business Companies* ki *register*. I annan osi bann nouvo prodwi.

Parey Minis in eksplik en pti pe, i annan sa ki nou apel *coin offering*. Sa se kot en lakonpanyen i rod kapital pou ofer koman *crypto currencies* oubyen bann *blockchain App*. E ler nou pe koz lo *crypto currency*, se bann *digital*

currency ki ganny servi pou *trading*. Alor i bezwen met larzan pou zot kapab ganny sa bann - sa bann investiser i bezwen met larzan dan sa bann lakonpanyen, pou zot kapab apre ganny *share* dan sa bann lakonpanyen, oubyen pou zot kapab ganny sa *cryptocurrency* an retour.

E sa *cryptocurrency* i ganny servi parey nou pe dir pou *trading* enternasyonalman. Dan sa prosedir, i kapab annan *scam*, i kapab ki sa lakonpanyen pa zanmen en lakonpanyen ki an egzistan. Alor ki nou bezwen fer pou anpes sa bann *scam* arive? Nou bezwen annan en Lalwa e nou bezwen regularize lo nivo lokal isi. E se *FSA* ki'n ganny sa manda atraver sa Lalwa ki nou pe gete, pou li kapab anpes ki annan bann *scam* lo sa nivo.

E osi anpes ki sa bann lakonpanyen ki vin anrezistre Sesel i osi bann lakonpanyen ki *fake*, oubyen bann lakonpanyen ki annan pou fer avek finansman terorizm e *money laundering*. Alor, Lalwa ki nou pe pase ozordi Mr Speaker, i demande ki sa bann lakonpanyen i annan en prezans fizikal dan pei. Vedir zot annan bann direkter ki rezidansyel e osi zot annan en lofis. E zot pe montre poudir zot

la, zot annan bann *compliant officers* ki pe fer sir ki tou keksoz i *fit and proper*, tou keksoz i byen, i pe mars dan bon direksyon.

Alor, sa dan li menm i ogmant lakantite travayer ki kapab travay, oubyen lanplwa si oule dan sa sekter. E sa i en sekter ki pey byen. Alor, bann zenn Seselwa mon pe osi atraver sa mon deliberasyon, mon ankouraz zot pou zot kapab pran en karyer dan sa bann domenn koumsa, akoz i vremen rantab, e osi i bann travay ki met ou si oule a lavans dan teknolozi.

Fer ou konpran tre byen ki fason lemonn finansyel vertyel i marse. Mr Speaker, i annan sa ki nou apel *NFTS - non-fungible tokens*. Sa osi se bann keksoz parey bann *digital art works*, bann *video* ensidswit ki annan en karakter inik. E son valer i baze lo son *collectability* e son *warranty*.

Alor sa i bann nouvo prodwi ki pe rantre, e sa osi i ganny *trade* lo nivo enternet. E si sa i leka, i neserer osi pou kapab regilariz sa bann keksoz. Nou vwar i annan bokou *trustees* osi ki pe anrezistre; i annan *foundation*, *Hedge fund management*, i annan *securities dealership*, tousala se bann diferan prodwi ki pe rantre lo

financial market Sesel. E tousala i neserer i bezwen ganny regilarize.

Mr Speaker, nou vwar poudir dan sa Lalwa osi i etabli serten proteksyon pou konsonmater. Par egzanp, lo kote *securities dealership* toultan ler ou aste *share* lo *capital market*, bann lakonpanyen petet ki *provide* sa servis, i donn ou en *leverage*; vedir i donn ou en kantite larzan pou met ansanm ek ou larzan.

Me sa i *entice* ou koman en dimoun ki pe partisip dan sa aktivite pou ou tant pou depans plis larzan. Alor, dan sa ka si ou perdi, ou perdi ou larzan lo *capital market*, ou kapab *end up* fait. Me si ou gannyen osi ou kapab osi ganny bokou larzan. So, i paret en *sort of casino* si oule, en *casino online*.

Me ou bezwen annan serten Lalwa pou protez kliyan. Akoz sanfwa si en dimoun i perdi tou son larzan, i annan osi sans ki i ariv bann lezot reperkisyon dan lavi sa dimoun koman en imen li menm. E osi lo lezot biznes, petet ki sa dimoun i annan ki investir ladan. Mr Speaker, i enportan pou dir ki avek sa Lalwa *Virtual Assets* i pou anmenn bokou pou Sesel an term lanplwa parey mon'n dir, kre bann pos

pou bann direkter, bann *compliance officers* ensidswit, bann *fit and proper compliant officers*.

E sa tes i ganny fer par *SFA, i ganny administre par *SFA. I pou permet pei anmas bokou taks, *FSA sorry*. E i pou permet pei anmas bokou taks, e parey nou konnen taks lo bann servis finansyel i vremen o. E sa i permet ki Gouvernman i kapab ganny larzan pou li kapab rann bann lezot servis parey pey ners, pey dokter, pey *teachers*. So, i rann byen pou pei. I en sours reveni vremen enportan.

I fer ki nou ziridiksyon i vin transparan, e nou bann legzizans enternasyonal nou kapab rann lapel avek sa bann legzistans. E i fer ki nou ziridiksyon i vin enn ki *reliable*, enn ki napa risk, oubyen ki annan *minimum risk* pou *money laundering* e finansman terorizm.

Petet Minis dan ou repons ki ou fer si ou kapab eksplik nou en pti pe atraver sa Lalwa ki fason i pou permet annan plis *cyber securities* lo dan sa domenn. Ki mannyer sa pou ganny ranforsi.

E osi petet donn nou en pti pe plis detay lo ki kantite larzan Gouvernman i posibleman kapab anmase dan sa sekter. Ki

en pti pe ou *forecast*, ki mannyer ou war sa sekter pe ale dan sa nivo.

Mr Speaker, mwan mon pou vot pou sa Lalwa e mon ankouraz tou dimoun pou vot pou sa Lalwa, akoz mon konnen i pe al dan bon direksyon. E i pe anmenn pei ver plis benefis oubyen prosperite pou nou lekonomi pou anmenn plis larzan dan pei.

E osi nou napa swa, nou bezwen regulariz sa bann keksoz, anvi ki *internet* avek en telefonn ou kapab pe *transact* avek byen vertyel. Menm si Sesel si napa sa fasilite *provider* isi petet ou si i aletranze, ou *still* kapab fer li. Alor, si nou, nou oule vin en akter enportan i byen ki nou, nou ankouraz sa bann biznes pou anrezistre isi. Alor nou regulariz li isi e bann dimoun ki servi sa bann byen vertyel pou zot *trade* avek, i kapab fer zot biznes oubyen antre dan sa domenn. Avek sa Mr Speaker, mon pou remerisi ou.

(APPLAUSE)

MR SPEAKER

Mersi Onorab. Laparol pou Onorab Gill.

HON CHURCHILL GILL

Mersi Mr Speaker. Bonn apre midi Minis ek ou delegasyon. Tou Manm e tou dimoun ki pe ekout nou. Mr Speaker, ozordi tranzaksyon finansyel atraver lemonn in pran en dimansyon bokou pli larz. Avek plizyer opsyon fason tranzakte, pou diferan kalite lenvestisman ki en endividi oubyen konpanyen i kapab swazir pou li antre ladan.

Nou pe vwar kot teknolozi pe gradyelman konkerir lemonn dan en fason tre agresiv. Menm si sa i vin avek serten nivo risk potansyel, plizyer pei pe rod fason tir benefis ekonomik kot i posib. E sa i ouver laport pou bokou nouvo fason fer. Kot nou'n vwar larantré *virtual asset* ki tre popiler dan lemonn ozordi. I kler ki i riske domin lenstitisyon finansyel a lavenir.

Mr Speaker, i inevitab Sesel koman en pei pou bezwen lo avan gard. Donn sa bann risk potansyel, Sesel pou bezwen annan serten nivo kapasite konpetans pou kapab dan en fason benefis mityel pou annan en lankadrem legal e modern an plas ki tre efikas, pou kapab fer fas avek bann risk krim finansyel ki asosye avek prodwir *Virtual Asset* e *Virtual Asset Service Provider*.

Mr Speaker, dan rol koman regilater, i enportan pou

asir *best practices*. Lekspektasyon se ki bann diferan ziridiksyon anba rekomandasyon 15, *new technologies*, *Financial Action Task Force (FATF)* pou evalye nivo risk krim finansyel ki Sesel koman en pei i kapab ganny ekspoze avek.

Mr Speaker, *money laundering and terrorist financing* pou bezwen ganny assess vwar risk ki asosye avek prodwir *Virtual Asset* e avek *Virtual Asset Service Provider*. I enportan note ki Lorganizasyon Enternasyonal pe *monitor* tre pre ki mannyer sak ziridiksyon pe angaze pou met an plas mekanizm nesaser an form stratezi pou adres krim finansyel.

Dapre rezilta *Assessment ONRA*, in edike ki Sesel i annan en tre onivo risk *exposure MLTF*. In menm idantifye serten risk vilnerabilite ki kapab Potansyelman afekte abilite nou ziridiksyon pou efektifman *mitigate* bann risk. Mr Speaker, sa *Bill* pe fer provizyon pou entrodwir en rezim *license* spesifikman pou prodwir *Virtual Asset* ek *Virtual Asset Service Provider*.

Rezistrem *coin offering initial promoter* ek *non-fungible tokens* tou promosyon e provizyon vizyel provizyon

Virtual Asset i bezwen ganny rekizit *authorization*. Pou osi annan plis *monitoring* pou promosyon ki ganny fer *online*. Ki bezwen ganny regularize isi Sesel. E pou entrodwir mezir sipervize, enkli serten kontrol spesifik pou *mitigate MLFT* ek lezot risk kriminel finansyel.

Se *FSA* ki Lotorite Regilater responsab pou enplimantasyon sa Prozedlwa. *FSA* dan sa Prozedlwa, pou kapab fer lenvestigasyon dan lenstans ka *non-compliance*. I osi annan serten bezwen spesifik pou kalifye pou ganny en *license*, koman en *service provider* pou kapab *operate* dan Sesel, oubyen an deor Sesel. Ranforsi konprenezon risk, bann antite ki kapab ofer lenformasyon legal, formasyon konpanyen i lezot ankor.

Mr Speaker, en bout ki osi enportan dan sa Lezislasyon provizyon pou konstaman enform konsonmater ek regilater ki dan Sesel lo bann *scam* ki kapab arive an menm tan asire ki en serten nivo proteksyon an plas, pou ki konsonmater ki vin viktim avek bann pratik *illicit activity* a kapab annan serten proteksyon.

Mr Speaker, menm si bokou prekasyon pe ganny met dan sa lezislasyon, i pou

neseser ki serten lezot Prozedlwa i ganny amande, pou asire ki maksimonm proteksyon i ganny met an plas. Sa se bann Prozedlwa swivan;

- *Anti-money Laundering and countering the financial of terrorism Act, 2020.*
- *Financial Services Authority Act, 2013.*
- *Financial Consumer Protection Act.*
- *International Business Company Act, 2016.*
- *Financial Consumer Protection Act, 2022.*

Mr Speaker, i pou enportan ki Minis dan son larepons, i enform Lasanble kan ki sa bann lamannman dan sa bann lezot Prozedlwa i ekspekte ganny fer. Mersi Mr Speaker.

MR SPEAKER

Mersi Onorab. Laparol i pou Onorab Henrie.

HON GERVAIS HENRIE

Mersi Mr Speaker. Bonn apre midi tou dimoun. Mr Speaker, sa Lalwa *Virtual Asset Service Provider Bill, 2024*, i nouvo dan Sesel. Me i reflekte tandans mondyal dan sa bann fason swivan;

Premyerman, bann Gouvernman atraver lemonn, pe met an plas nouvo regilasyon

pou zer Sekter *Virtual Asset*. Sa ki Minis dan son prezantasyon in tradwir koman byen vertyel.

Legzanp kot landrwa kot sa in annan Linyon Eropéen zot in fer pou zot an 2023. Leta Zini li osi son dernyen Lalwa ti an 2023. Sid Kore zot annan sa ki apel *Virtual Assets Users Protection Act, 2023. Brazil, Zen 2023*. Me si mon vin en pe pli pre avek nou Moris ti pas zot *Virtual Asset and Initial Token offering Services Act an 2021*. E Kenya zot annan zot *Virtual Assets Service Provider Bill, 2024*. E Emirat Arab Ini, ouswa Dubai laba i en sekter kot zot pran li vremen serye, kot zot en *leader* an lemond, kot zot pe kapab zer apepre \$240 milyon dan zot lekonomi zis avek sa sekter. So, nou vwar ki degre i enportan.

Lo en dezyenm vole, *International Organization of Securities Commissions*, in etal 18 rekomandasyon ki zot pe ankouraze pou ganny adopte koman bann gid pou zer byen vertyel.

Trwazyenmman, *Forum Ekonomik Mondyal*, pe sirvey bann devlopman dan regilasyon sa sekter atraver lemond.

E katriyenmman, sa *forum* pe osi travay lo en linisyativ ki analiz rezilta e lenpak lapros ki

diferan pei in pran pou regilariz sekter byen vertyel.

E mon mazine zot ava osi pe regard dan konteks Sesel ki mannyer pou nou pou ganny aplike, e ki bann lenpak ki pou annan. Me kekyon ki nou merit pe demann nou lekor; se akoz sa bann lentervansyon regilatwar i nesese?

Sekter Byen Vertyel, i toultan ganny asosye avek mank regilasyon. Me lefe ki i en konponan relativman nouvo dan Sekter Finansyel Global, i esansyel pou annan Polisi, Lalwa e regilasyon pou protez konsonmater, aret bann aktivite ilegal e mentenir stabilite dan marse.

Sa sekter Mr Speaker, swa nou aksepte li dan nou pei ouswa nou pa aksepte li. Onorab Hoareau dan son prezantasyon in dir we *can't do without it*. Me letan nou swazir alor pou nou aksepte li, nou bezwen asire i enportan ki nou regilariz li, sirvey bann devlopman ki pe arive ladan lo en baz kotidyen. Kontinyen edik piblik lo ki si sa sa sekter, kontinyen amelyor son kad regilatwar baze lo bann dernyen tandans mondyal.

E asire i annan ase profesyonnel kalifye dan sa domenn. Letan nou get sa Lalwa dan son detay,

lenpresyon ou gannye Mr Speaker, i se ki *over regulated*. Son bann detay i eksesiv - sa lenpresyon ki mwan, mon'n gannye. Me Mr Speaker, ki swa nou annan letan ki analiz lo bann prodwir byen vertyel e bann lakonpanyen furni sa prodwi i montre ki nou risk i o, sirtou an sa ki konsern finansman terorizm avek blansisaz larzan.

Alor bann lobligasyon ki sa Lalwa pe egzize par egzant dan "*sub part b*" ki kouver *clause 12* ziska *26* i nesese. Sa bann lobligasyon i nesese, akoz enn volatilité sa sekte, valer bann byen i sanz rapidman dan en pti peryod letan potansyel pou annan frod e lensertitid dan provizyon legal serten ziridiksyon.

Donk, alor regilater isi i bezwen fer sir, zot *on top of* tou bann keksoz ki pe arive pou mye kapab protez konsonmater. Bann provizyon dan *Virtual Asset Service Provider Bill, 2024* i montre en irzans pou mye protez bann Seselwa ki pe investir dan sa sekte byen vertyel. Pou anpese ki byen vertyel i mal ganny servi par bann dimoun avek move lentansyon.

E Sesel pa tousel Mr Speaker, pou enpoz sa bann mezir strik, tel ki bann

prohibition ki sa Lalwa pe fer tel ki dan *clause 5(2)(a)* avek *(b)*. bann pli gran pei ki nou parey Lasin i osi anpes *exchanges* komers avek *crypto mining*. Lenn osi ti enpoz en *ban* lo serten aktivite dan sa Sekte, ziska ki zot Lakour Siprenm ti ranvers sa desizyon an 2020.

En keksoz ki mon'n apresye avek lapros sa Lalwa, se konsiltasyon ki'n annan otour son adopsyon. Nou a rapel ki le 22 Mars 2024, en delegasyon pa plis ki 8 zofisye sorti kot Lotorite Servis Finansyel (*FSA*), ti vin isi kot Lasanble Nasyonal pou edik e familiariz bann *MNAs* lo devlopman dan Servis Finansyel, lagrandisman dan byen vertyel, e kad regilatwar ki nesese pou asire ki sa sekte i stab e sen e sof pou lenvestisman par piblik.

Semenn pase *Bills Committee* in pas 2 sesyon avek *panel*, akoz sa *Bill* i tre teknik. E i nouvo osi pou bokou nou, enkli mwan. E mon kapab dir ki mon'n enpresyonnen avek nivo konesans profesyonnalizm lentelizans. Me pli enportan langazman bann zofisye sorti kot *FSA, FIU, Labank Santral, Minister Finas Komers* avek *Planifikasyon Ekonomik* e *Biro Attorney General* lo sa size. Mersi pou zot pasyon.

Mr Speaker, parfwa kekfwa dan lavi sa ki vreman nou bezwen pou e ki enportan pou transformasyon e sanzman ki nou oule se senpleman pasyon. Par egzanp si nou pe swiv *Zwe Olympic* ki pe deroule an se moman *Paris*, nou vwar sa kalite pasyon ki bann atlet i demontre. E se sa en pe ki mon'n vwar avek sa bann zenn profesyonnel ki'n vin war nou sa bann mwan ki'n pase apropo sa *Bill*.

Nou bezwen sa kalite pasyon aköz i pa konsern zis zot ego personnel, me repitasyon nou pei Sesel. Anfet, menm bann kestyon mon ti demann *panel* pandan zot lesanz avek nou dan *Bills Committee* se ki degre zot konfidan lo stati sa *Bill*? Aköz enn i nouvo, alor i kapab ganny konpare avek lezot Lalwa ki deza egziste atraver lemonn.

Zot in reasir mwan ki bann provizyon i konparab pou gard Sesel konpetitiv e atiran pou lenvestisman e bann investiser olye farous zot. Bann *fees* par egzanp ki dan dezyenm *schedule*, i konparab avek lezot ziridiksyon ki pe ofer menm servis. Mon osi note, ki sa Lalwa in vin a tan pou re evalyasyon Sesel dan sa prosesis ki zot apel *mutual evaluation* ki bann pei i bezwen fer apropo bann mezir

ki oblize met an plas pou lit kont blansisaz larzan. E finansman terorizm ki *ESAAMLG* i egzize atraver lemonn.

Sa Lalwa par egzanp pe adres rekomandasyon 15 *Financial Action Task Force FATF* ki demande ki tou pei *ESAAMLG* i met an plas. Meyer pratik pou zer bann nouvo teknolozi ki enkli byen vertyel, e son bann tranzaksyon. Pou terminen Mr Speaker, avek lentrodiksyon *Virtual Asset Service Providers Bill, 2024*, Sesel pe zwenn en long lalis pei ki pe prese pou regulariz en lavenir ki'n fini ariv dan nou prezan.

Letan ou kapab krwar ki sa size byen vertyel pa konsern ou, aköz ou reste dan leo Mont Signal, Dan Lenn ouswa Roche Bois, me les mwan dir ou ki sa zenn dan ou lakour, dan ou vwazinaz ouswa dan distrik an zeneral pe fer komers dan *Virtual Assets*. Mon napa statistik Sesel, me mon konnen i la, aköz dan *Bills Committee* i annan en Manm ki'n dir nou pou dir li i *transact* dan sa bann zafer. E in konfyè avek nou pou dir i annan lezot Seselwa ki annan bann zafer *virtual wallet* eksetera.

Me si nou pran en legzanp *Hong Kong*, enn parmi 4 zenn

aze 18 a 29 an dan sa dernyen 1 an pe fer komers koumsa. E 9 pousan bann ki aze 30 a 49 an osi pe investir dan sa sekter. Alor, i komen parmi nou bann zenn la deor ki posibleman pe swiv nou avek lentere lo sa size. Me sa ki fodre nou sezi, i pa ancor annan en lapros liniform ouswa iniversel pou eksplwat tou loportinite sa sekter ki sa sekter pe anmennen, ouswa pou minimiz son bann risk.

Alor, annou ekspekte ki a lavenir pros pou annan ancor bann sanzman e bokou sanzman dan *Policy*, Lalwa avek regilasyon pou aziste e *catch up* avek bann sanzman ki pe arive dan sa sekter atraver lemonn zisteman parey Onorab Gill in dir ki bezwen annan bann *consequential amendments* dan bann lezot Lalwa.

Sa bann sanzman kontinyel pou reste en defi pou *panel* ki la avek nou ozordi koman sponsor sa *Bill*. Me pli partikilyerman bann zofisye dan *compliance* sa sekter. Alor i depan lo bann akter e regilater sa sekter pou kolabore e determin son fitir dan en fason ki enkliziv e ki osi sen e sof an menm tan ki i kontinyen grandi.

An konklizyon Mr Speaker, mon oule dir ki mon napa ezitasyon pou siport sa

Lalwa. Akoz anliny avek azanda ouswa lanbisyon transformasyon nou pei, anmennen par Ladministrasyon *LDS*, sirtou an sa ki konsern promosyon lekonomi nimerik, sa demars pou ede diversifye *portfolio* lenvestisman dan Sesel.

E pe target en sekter ki nou kapab zere menm ler nou lwen avek larestan lemonn, akoz i promouvwar bann talan spesyalize. E i servi plis teknolozi ki redwir kou fer biznes. Me i enportan osi, akoz i pou redwir a lonterm nou depandans bidzeter lo Lendistri Tourism avek Lapes. Avek sa 2 mo Mr Speaker, mon remersi ou e larestan Manm pou zot latansyon. Mersi.

(APPLAUSE)

MR SPEAKER

Mersi Onorab. Mon a donn laparol Onorab Loze.

HON JOHAN LOZE

Mersi Mr Speaker. Mr Speaker, annou komans par sitye nou en pe dan sa deba ki nou ladan.

Le 10 Zen 2024, *Securities and Exchange Commission* Lanmerik ti donn son laprouvasyon pou 11 *bitcoins ETFs en ETF* se en *Exchange Traded Fund* pou zot komans

trade dan *bitcoin* lo *stock exchange* Lanmerik.

Sa i vin dan en sityasyon kot lannen pase deba Lanmerik sete si pou *ban bitcoin* non, si pou *ban Athyrium* non, e *complete flip, complete turnaround* an Zanvyé zot donn *go ahead* pou bann *ETF trade bitcoin* legalman lo *stock exchange*.

Ki sa i dir nou? Sa i dir nou klerman ki *bitcoin* in fini met taso la, person pa pou *ban* li, person pa pou bouz li, *it's there to stay* e sa rekonesans ki in gannyen la i esansyelman par *the biggest AML regulator in the world* ki Lanmerik. Sa rekonesans ki in gannyen la i *from the largest AML stakeholder*.

Akoz Lanmerik ki pous plis pou sa bann Lalwa Anti Terorizm - finansman Anti Terorizm aköz par natir zot pei ki'n pli ganny targete ek terorizm menm si zot fer terorizm lo zot prop lekor souvandfwa. Be la zot in *endorse* legzistans *bitcoin*.

Pou sitye nou *further* Mr Speaker, ou annan ou \$454 trilyon investir dan sa *monde*, 454 trilyon investir dan bann diferan komodite e prodwir *and securities*. Ou annan zis 1.9 trilyon investir dan *virtual products, virtual currencies* ki

montre ou lespas pou lagrandisman dan sa sekter, e aköz nou bezwen komans bouz ver lezislasyon global.

Pou *further* sitye nou Mr Speaker, kot *bitcoin* i konsernen, ou pou annan ou zis 21 milyon *bitcoin* dan sa *monde at any given moment*. I pa pou zanmen desot plis ki 21 milyon *it's built into the protocol*. E dernyen *bitcoin* pou ganny *mine around* lannen 2140. Nou pa pou war li nou me i pou fini *mine by then* e pou napa ankor ki pou vin dan prodiksyon.

E rezon mon al ladan se ki ou kapab prodwi plis lor, ou kapab prodwir plis dyanman e ou kapab menm *release* plis *shares* dan en lakonpanyen ki annan valer parey Tesla.

En Gouvernman i kapab *issue bonds, issue* lezot *securities* i napa personn, dan sa *monde* anba sa soley, ki pou kapab prodwi plis ki 21 milyon *bitcoin*, mon pa konnen si mon dir 21 mil taler be i 21 milyon *sorry* an ka mon'n fer en fot; 21 milyon *bitcoin*. I pa pou zanmen annan plis ki sa - *built into the protocol*.

Ki fer ki *bitcoin* i komodite pli rar ki annan valer dan sa lemonn. Napa naryen ki pou pli rar ki li, ni dyanman aköz ou pa pou kapab annan plis ki ou, ou annan.

Be dan en sityasyon kot sa komodite li i pe vin pli rar ou annan ou en *pool* total lenvestisman global ki \$454 trilyon e li i en lendistri nesan ki annan ki en total lenvestisman apepre 1.9 trilyon.

E la an Zanvye SEC Lanmerik in permet sa ki ou apel *institutional investment*, larzan a baz endistriyel pou antre dan sa sekter, son *growth* pou enorm e i pou eksplodansyel. E Minis mon'n fer sa morso lentrodiksyon pou sitye mon lekor akoz se la mwan kot mon santi ki ou bezwen regilasyon.

Ou pa kapab annan en potansyel enorm koumsa, ki ou zis les li a lavwari. Koman en pei i pa pou bon pou nou, be a sa moman mon pou donn zot en bout mon stratezi personnel e deklar mon lentere, akoz mon annan en lentere mon en dimoun ki *heavily involve* dan *crypto currency* e *I have been for years*.

E taler Onorab Henrie in koz lo pasyon mon *passionate about* sa size mwan! I en size ki fasin mwan. E i napa naryen pou fer ek larzan sa i sa teknolozi. Mon ladan pou siport sa teknolozi mon en *early adopter* of sa teknolozi.

Be i mon stratezi personnel mwan, pou mwan kit- mon annan 4 zanfan, pou mwan kit 4 *bitcoin* avek mon bann zanfan. Di-si la ek mon lanmor mon oule kit 4 *bitcoin* koman mon leritaz pou mon bann zanfan. Si mon a kapab kit 4 mon kit 1, zot a ganny sakenn 25 *Satoshi*. Si mon pa kapab kit en *bitcoin* then mon a kit 0.4 sakenn a ganny 0.1.

Be mon pou dir zot en keksoz? Avek sa ki mon fek eksplik zot la, menm avek 0.1 *Satoshi* si mon bann zanfan i tret zot lenvestisman byen, zot tou le 4 zot pou vin milyonner - enposib pou zot pa vini e sa en keksoz ki mon oule Seselwa i tande e konpran.

Ou annan ou en komodite rar ki *under invested* e ki annan en potansyel enorm pou larzan antre ladan. Sa pep ki apel Seselwa i bezwen reveye la li en? I bezwen reveye e port atansyon ki pe pase dan lemonn ek lezisasyon osi ki nou pe met ater dan Lasanble osi ozordi.

Sa zafer la ki mon pe dir zot, ou pa ni pou bezwen al kas ou likou sa! I zis en kestyon letan. Ou envestir en pti gin apre ou *huddle* trankil ou esper li vini.

Si ou pa kapab *trade*, ou pa konn *trade* ou pa oule al

involve ou dan isi laba, mwan mon papa ti kot *shares* dan *SEYBREW* koman leritaz pou nou. Mon pa pe al kot *shares* dan *SEYBREW* mwan - mon'n fini di zot ki mon pe al fer pou mon zanfan e senserman sa ki mwan mon pe fer.

Mr Speaker, Lalwa ki devan nou i pe *move away from* sa ki nou ti apel en *sandbox legislative framework*, sa *sandbox legislative framework* sete zisteman en landrwa kot i ti kapab teste si sa bann prodwi i marse, si i pa marse, si i annan lefe detri mantal lo nou lekonomi ou non.

E mon'n annan bokou konversasyon Minis avek ou bann teknisyen depi 2013 mon pe koz lo sa bann *size* - ler sa *sandbox legislation* li menm ti pe komans vin an pratik.

E Mr Speaker, zis en zafer pou mon dir ou *how passionate I am*, la ozordi Onorab Waven William i asiz dan zot kote i a konfirm avek zot, an 2017 ler *bitcoin* ti tonm par anba \$3000 mon ti pe *advise* bann *MNA* pou zot aste enn - *at least 1 bitcoin* aste met la, e si ou pa kapab aste en bout. Kantmenm 0.1 *Satoshi* aste e zot konnen ki ti arive apre?

I ti *shoot up* i ti al \$72 mil la in tous son maksimanm ankor semen pase \$70 mil e yer

ler mon'n gete i ti'n desann 54 mil so in *fluctuate*.

Be lezislasyon ki devan nou se pour etabli en *stable legal framework*, ki li i etabli anba *strict AML rules* mon kapab dir. So Lalwa i viz ver *AML compliance* ; son fonksyon sa, sa morso lezislasyon ki devan nou, fodre nou kler i pa pou agrandi lo lendistri, i pa pou benefisyé Seselwa i la pou *AML compliance* i pa neserman en *move* keksoz dan kad *virtual assets*.

Me selman Minis la mon oule lev en kestyon avek ou, Lerop bann pei Linyon Eropéen zot pe *move further* ki lezislasyon vye *ASP*, zot pe komans antre dan sa ki zot apel *CASP Cryptocurrency Assets Service Provider*.

E li *CASPs* i pe fer pou fasilite lenvestisman e souvan ou war li i pe tonm anba bann Labank Santral, i pe *licensed the business model*. I pe get bann keksoz ki *vast* pa gete par egzanp *currency reserves* ki bann lakonpanyen i annan, son *framework* gouvènanans son *Board* e si i pe *meet* bann *rules of business* dan pei.

Alors mon kestyon en pe se ki si evantyeleman nou pa pou bezwen nou osi bouz lo en lot lezislasyon? *But having said that* Vara *Dubai* in fer en lot

keksoz li, sa ki Lerop zot pe apel en *VASP*, Vara anba son *VASP* in *set rules of operations* pou bann diferan keksoz e sa in vin koman bann regilasyon.

Zot in kouver tou sa ki Lerop zot in kouver anba bann *CASPs* anba zot vye *ASP* me koman bann regilasyon. So alors mon pe zis *inquire* si evantyelman nou pou vin ek regilasyon ouswa en dezyenm morso lezisasyon e sa mon asire ki Mr Samson ek son bann teknisyen zot in fini, dominan zot in fini kouver so zot a donn nou en larepons.

Mr Speaker, tou dimoun in koz lo *FATF 15*, mon krwar i dan Lalwa li menm, dan Lalwa li menm dan son lentrodiksyon in koz lo *FATF 15*, me mon annan en *query* parkont lo *FATF 16*, sa ki ou apel *FATF travel rules*. I annan en keksoz ladan kot ou bezwen, ou bann vye *ASPs* zot bezwen deklar *exchange originator and beneficiary information* avek kanmarad.

Be mon konsern ki mon pe demande mwan, transfer *crypto* i vit li, e sa kot problemn osi i leve potansyel pou krim arive. Avek *crypto* ou kapab transfer ou \$1 bilyon dan 3 segonn, ou kapab fer ou mil tranzaksyon dan 1 minit as *much* ki sa *blockchain* li i kapab *handle*.

So kan mannyer sa *FATF 16* pou ganny *handle* la si ou pe annan ou bann gro lakonpanyen par egzamp *Binance*, *Roby* ki vin *setup* zot lekor dan nou ziridiksyon. Mon konnen ki *FATF* li menm in donn serten *guidelines* apre ki in fer sorti 16 in donn serten *guidelines* ki sa i kapab ganny anvoye *by packets*, so mon kestyon se ki si nou isi nou annan provizyon?

En lot keksoz ki dan Lalwa ki mon ti vwar bann teknisyen *FSA* in koz en pe bokou lo la se, *prevention of mixing and tumbling*, Lalwa pa les ou annan *mixers* avek *tumblers* be ou bezwen *block chain analytics* la, *otherwise* ou pa ni pou menm konnen si i annan *mixing* ouswa *tumbling going on*.

E bann *exchanges* zot i annan zot *mixing* ek *tumbling* i vin an form zot bann *sport trading anyway*, so be les sa. Be selman pou ou konnen si i annan *mixing tumbler activity going on* ou bezwen en *block chain analytics*. *The 2 leading companies* mon konnen ki pe fer sa konmela dan lemonn, se *Cyber Trace* avek *Blockchain Intelligence Group*.

So mon kestyon ki mon pe demann zot anba sa Lalwa se eski nou annan kapasite pou *perform block chain analytics*?

Eski nou menm nou annan kapasite *in house*, ouswa *FIU* i annan kapasite *in house* oubyen nou pe donn en kontra kelken pou fer sa?

Akoz provizyon i dan Lalwa e mon oule konnen *on the back end* kan mannyer sa pou al ganny enplimante dan lapratik. Zot pa bezwen donn mwan detay.

Be evantyeleman si zot pa kapab donn mwan la, mon ti a kontan ki *Defense Committee*, Onorab Andre zot *take it up* *avek FSA* lo kestryon *block chain analytics* kan mannyer zot pou fer li. E sa i enportan mon pa pou koz tro bokou lo la akoz *anyway* petet i annan keksoz ou pa devret dir *on air*.

En lot keksoz ki leve dan sa morso lezislasyon, se *NFTs* nou pe koz *NFTs* wi, be ki *NFT* ki nou pe koz lo la e ki mannyer nou pou fer li? Eski nou pou al definir li dan en regilasyon?

Rezon mon pe demann sa, *NBA* pe *mint NFTs* mon krwar zot apel li *great moments in sports or great moments in basketball* be *they are just souvenirs tokens*; zot esansyelman en *commodity* ki ganny vann.

En *sports collectible* mon krwar zot dir sa, be demen *St Louis Football Club* osi mon krwar i kapab fer parey *mint* en

NFT, ou annan ou bann artis dan lemonn ki pe fer zot travay koman *NFT* e zot met li anvant *as a commodity*.

Now, ozordi ou annan ou sa ki zot apel *Tokenized Real Estate* kot lavant later, lavant en propriyete, en batiman i ganny *converted into a digital token* e zot fer sa ki pase bokou *Dubai* kot ou annan ou *Factionalized Real Estate*, kot i vann ou bann bout, bout, bout, bout dan en *Real Estate*.

Be dan plas ou al anpaye ek en avoka, *avek lanrezistremman* ou aste ou en *NFT token*, be li i en lot keksoz la li, la i en lenstriman lenvestisman. *But it even gets worse*, kot *Real Estate NFTs* i konsernen, konmela ou annan dimoun li i pa pe *actually bother* *avek en real piece of Real Estate* li i dir ou i pe vann ou en morso *virtual Real Estate*.

E i fer *NFT* li, i vann ou en bout later ki pa egziste *online* i vann ou en batiman ki pa egziste *online*, *so you see where the madness goes, we're going down the rabbit hole* la.

So prezan mwan Lalwa pe *regulate* en *NFTS*, *how far are we going to go?* Eski nou pou *define* ki *NFTs* nou pou *regulate?* Eski si en keksoz i zis en souvenir i pou tonm anba regilasyon? Prezan ou annan ou

NFTs ki pe ganny *traded as securities*. I en lot li. I pa ni menm en komodite la li. I en *security*.

So zis pou nou met *NFT* dan lezislasyon *as a one size fits all* i rann nou lavi pou nou menm konplike. Mon vwar ki *at a certain point FATF* menm pou vini pou dir nou amann nou Lalwa, so eski nou pou bouz devan lo sa?

Mr Speaker, mon lot keksoz ki mon ti oule tous lo la brefman se bann difikilte avek sa bann form lezislasyon. *FATF 15* menm si in fer en rekomandasyon *blanket*, sak pei pe vin avek son lezislasyon pou li, dan son fason pou li, e i annan sa bann Lalwa pa koz ek kanmarad. So nou, nou pe met en morso lezislasyon e enn bann difikilte ki pou annan se *cross border enforcement*.

E la ankor mon pe vwar kot nou isi dan Lasanble tanzantan Mr Speaker, e la mon pou *sit* mon sitasyon ki Onorab Hoareau in site mon pou resite, “nou pou war nou pe *bend over backwards* pou nou fer plezir nou bann *masters*.”

Akoz zot, zot in donn en direktiv e sak pei in *implement* li dan son fason e prezan sa bann keksoz pa pe koz avek kanmarad. Alors mon prezimen nou pou bezwen met pare.

Be i annan en lot keksoz osi la Mr Speaker, *how often* eski nou pou revwar sa Lalwa? Ou konnen si i annan en sekter ki bouz vit se *crypto currency*, e ou lezislasyon i pou toultan *lag behind the technology*, i pou touzour annan en keksoz ki pe ne ki pe antre e ou Lalwa i laba deryer li deza nou par deryer *DeFi* la.

Napa okenn provizyon dan nou lezislasyon ki kapab kouver *DeFi, decentralized finance*, mon *playground* kot mwan mon kontan zwe e i pa posib vreman pou kouver *decentralized finance* akoz *it's pure lawlessness*.

Be selman nou pou bezwen annan en provizyon par lekel nou gete *how often* ki nou revwar sa morso lezislasyon, akoz i deza par deryer teknolozi e i pou toultan pe tay deryer teknolozi pou li *play catch up*. Akoz se *la nature de la bête*, si nou pe koz regle sa keksoz la nou pou bezwen regle li dan lafason ki i vini.

Mr Speaker, en lot konsern ki bann akter in annan se *cost of compliance*, menm si nou pe dir poudir *cost* i parey be i annan bann *added cost* e i annan *cost* osi ki vini pou *jurisdiction*.

E Mr Speaker, mon krwar mon ava terminen mon krwar

mon'n ase fatig zot pou en apre midi mon'n fer zot tou dormi. E selman nou pou bezwen kalkile si nou annan kapasite, si nou annan kapasite pou *match* avek nou lanbisyon, si nou annan kapasite pou fer *enforcement*.

Deza pli gro *case* frod ki'n arive dan *virtual assets* Sesel in ganny trennen ladan atraver en noter Seselwa, en noter Seselwa ki li in fer en fo *afidavit* e mon krwar Onorab Georges i konn tre byen ki mon pe koz lo la.

So nou pou bezwen get kapasite, pa zis nou kapasite me nou bon lentansyon pou nou *enforce* sa Lalwa ki devan nou. Mersi Mr Speaker.

MR SPEAKER

Mersi Onorab. Mon a donn laparol Onorab Cosgrow.

HON WALLACE COSGROW

Mersi Mr Speaker. Bonn apre midi tou dimoun. Mr Speaker, parey mazorite Seselwa apre midi ozordi sa lezislasyon ki devan nou e sa topik ki pe koz lo la ozordi, i enn ki nou pa neserman ofe avek antyerman.

Me parey mazorite Seselwa Mr Speaker, i annan kantite, nou konnen poudir i annan en kantite lentere ozordi atraver lemond an sa ki konsern sa size *virtual assets*,

trading of virtual assets, e investing into virtual assets.

E avek tousala Mr Speaker, nou konnen ki ler i annan sa bann kalite tranzaksyon i bezwen annan serten regilasyon ouswa serten *framework* ki bezwen ganny mete pou kapab asire ki avek tou sa ki arive konsonmater an priorite i ganny serten proteksyon.

Mazorite Seselwa Mr Speaker, ozordi pa preokipe avek *virtual asset*, i okipe avek son *physical asset* ki li i annan e dan bokou ka son *physical asset* ozordi anba Gouvernman LDS pe vin bann *virtual assets* e pe disparet. Me solman Mr Speaker, mon krwar i enportan ki i annan serten regilasyon an se ki konsern sa size.

Parey in ganny dir Mr Speaker, sa domenn, sa size i enn ki atrakte bokou plizyer bilyon e trilyon Dolar atraver lemond ki ganny tranzakte e ler i annan sa kantite larzan *or* sa kantite valer ki pe ganny tranzakte Mr Speaker, i *bound* pou annan dimoun ki pou profite e pou rod fason ki manner i pou fer plis dan mazorite fwa dan bann fason tre legal.

Be dan bokou fwa osi dan bann fason ilegal *or* kot i rod en fason pou trik son prosen e kot

serten dimoun apre i war zot dezavantaze pou anfas avek sa bann sityasyon.

An dizan sa Mr Speaker, nou konnen poudir nou sekter finansyel i enn ki deplizanpli enportan pou Sesel. Bokou nou bann *traditional* sa ki nou apel bann sekter tradisyonnèl, ozordi i relye avek bokou lensertitid par egzanp si mon kapab dir.

I relye avek bann resours ki nou annan, bann resours ki'n fini par egzanp lapès ozordi, Sekter Lapès osi i enn ki annan bann resours ki i kapab fini e i kre serten lensertitid dan sa bann sekter. Sekter Touris i enn osi ki annan en kantite lensertitid i monte desann baze lo diferan kalite realite sityasyon lemonn.

E nou Sesel i enportan ki nou diversifye e nou bouze sorti bann sekter tradisyonnèl e ant dan bann sekter ki mon pa pou dir *less risky* akòz i osi i poz son bann risk, me solman bann sekter ki montre bann lezot potansyel, potansyel enorm ki kapab anmenn benefis pou nou pti pei e benefis pou nou bann zabitàn.

Alors Sesel depi en bon pe letan in antre dan sa sekter domenn finansyel e a longer ditan koman en ziridiksyon ki *provide* bann servis finansyel,

nou'n bouze, nou'n amelyore, nou'n bouze, nou'n *provide* diferan kalite servis ki'n vin avek diferan benefis, me osi ki'n vin avek bokou petet risk kot parfwa nou'n ganny penalize.

Nou'n ganny penalize akòz petet la fason ki serten aktivite tranzaksyon dan sa sekter in ganny fer - pa'n neserman ganny fer anba *strict regulation* dan labsans bann *strict regulations* or par egzanp par bann operater ki'n kas kontour, ki parey nou dir *cut corners* e ki pa'n neserman enplimant bann regilasyon ki ti annan or ki annan *à la lettre comme il faut*. I annan.

E Onorab Loze avan ki terminen in sit bann sityasyon kot in annan bann tranzaksyon lokal kot larzan in ganny *trade* or in ganny sertifye konmkwa, poudir dimoun i an posesyon serten kantite *coin* e ki pa'n neserman leka Mr Speaker.

So i annan bann louvertir partou pou dimoun fer bann tranzaksyon ki pa neserman drwat, legal e normal.

Mr Speaker, sa regilasyon sa Lalwa i vin devan nou ozordi, avek en bi. Sa prodwi i deza enn ki egziste - i deza enn ki pe *operate* atraver lemonn. E mon sipoze regilasyon in vin devan nou, i vin devan Lasanble, in vin devan nou ozordi, parske i

annan serten konsern par lotorite.

Parske i annan serten - mon sipoze i bezwen annan serten lenstans ki zot in war ki zot in santi ki poudir petet i annan serten lenpak lo Sesel, lo dimoun ki petet pe fer bann tranzaksyon e ki pe ganny afekte. E osi petet zot in war poudir i annan serten lenportans e benefis dan sa sekter, kot nou bezwen *embrace* li en pti pe plis e nou bezwen met serten regilasyon pou fer sir ki bann dimoun pa ganny afekte.

Me parey mon koleg in koze boner, mwan osi mon annan serten kestyon en serten dout si, mon kapab met li koumsa an term kapasite lokal pou zer sa prodwi spesifik Mr Speaker.

Parey nou'n war, nou'n tann bokou skandal ki'n pase dan bann sekter *offshore* but bokou skandal ki'n relye avek tranzaksyon larzan ilegal sa ki nou apel *money laundering*, i annan bokou lakonpanyen ki anrezistre Sesel *or* ki'n annan serten tranzaksyon avek bann lakonpanyen ki'n anrezistre Sesel, ki'n *tarnish* en pti pe nou repitasyon ki fer nou ganny difikilte avek bokou bann lorganizasyon enternasyonal.

La mon pe koz Linyon Eropeen, mon pe koz lo *ECD*, mon pe koz bann Gouvernman zot menm, kot in menm poz serten risk sa ki nou apel kot larzan kot nou larzan pa kapab ganny aksepte an term labank *to* labank.

Me tousala Mr Speaker, i bann keksoz petet ki nou devret met deryer nou e nou devret pe *enforce* bann regilasyon bann Lalwa ki bon, ki *sound* e ki pou anpese ariv sa bann sityasyon.

Alors mon kestyon Mr Speaker, avek *panel* mon annan 2, 3 kestyon avek *panel* si zot kapab eklersi en pti pe, premye i se ki kantite partisipasyon eski zot, zot ti espekte ler ki nou met sa regilasyon?

Ler mon dir partisipasyon mon *meaning* ki kantite anrezistreman zot ti pe sispekte Sesel i kapab anmase avek sa nouvo regilasyon, sa bann *legislative framework* ki'n ganny met an plas, ki kantite larzan petet ki potansyel finansyel ki sa i reprezante pou Sesel?

Akoz dayer letan nou pe entrodwir serten keksoz nou bezwen vin ek en serten lekspektasyon, benefis finansyel pou sa sekter, pou sekter finansyel aköz *otherwise* nou pa ti pou antre dan en

legzersis kot i pa neserman annan en benefis.

So sa i enn premye keston ki mon ti a kontan zot reponn mwan, kantite partisipasyon zot espekte gannyan dan sa sekter e ki kantite larzan zot sipoze petet a en peryod letan sa i anmennen pou Sesel.

Aprè ler mon ti pe antre Mr Speaker, mon'n tann Minis lo son prezantasyon koz lo bann *requirements* pou kapab *set up* pou kapab ganny en *license*. Enn bann *requirements*, oubyen 2 bann *requirements* se ki ou bezwen annan *significant presence* Sesel, direkter, *compliance officer* si mon pa tronpe.

Me mon keston ki mon poze la, eski e mon dir sa dan - pa neserman dan linyorans me selman koman en dimoun ki pa neserman konpran byen ki manner sa bann zafer i marse.

Eski nou Sesel nou annan ase kapasite pou abzorbe, sanmenm sa mon'n demann a kantite ki kantite partisipasyon ki zot espekte?

Eski nou Sesel nou annan kapasite pou abzorbe tou sa bann lanrezisteman, tou sa bann *requirements* ki vin avek?

Eski nou dan Sesel eski nou pa pou war nou dan en

sityasyon kot nou war bann dimoun zis pe vin bann *directors* lo sa bann lakonpanyen ki apre i kre en pake problem napa *accountability* e i kre bann sityasyon kot apre nou war nou pe al lo bann *back list, grey list*?

Nou pa kapab fer *correspondence banking* akoz bann sityasyon *contrail*. So si zot kapab eksplik nou si Sesel nou annan ase kapasite pou dil avek sa?

E mon dernyan keston Mr Speaker, i konsern kapasite dan *regulator itself* pou *handle* en tel nouvo *venture* ki zot pe vin avek?

Si partisipasyon parey mon'n demande premye i enn ki bokou lentere i bokou, partisipasyon i bokou, eski *SFA* ozordi i annan kapasite, i annan dimoun, i annan profesyonnel pou kapab dil avek bann *issues* ki pou *arise* avek bann nouvo *licensing* avek bann nouvo tranzaksyon ki pou arive?

So si zot pou kapab reponn mwan sa, akoz dan labsans nou kapab annan Lalwa nou kapab annan regilasyon be dan labsans kapasite pou *enforce* tel Lalwa e regilasyon nou pa pou neserman kapab protez sa

bann konsonmater ki ozordi Lalwa pe fer zisteman sa.

So nou kapab annan zoli Lalwa, zoli parey in ganny dir taler, en Lalwa ki *regulatory* dan en sans parey in ganny dir petet *over regulatory*. E mon ti a kontan zot dir mon an term zot kapasite pou *enforce* sa Lalwa.

E dernyen pti kestyon Mr Speaker, avan ki mon terminen, si zot kapab dir mon petet ki manner zot pou dil ek bann sityasyon akoz mon pe panse poudir ozordi i annan dimoun ki pe *trade* e i annan bann konplent petet ki pe antre e zot pa pe fer naryen akoz napa Lalwa, napa regilasyon. Dimoun pe *trade* dan labsans en *framework*.

Me ki manner zot dil avek petet en dimoun ki ganny afekte ki konplent avek zot, me sa *provider* pa neserman annan en *license or license in expire or license in ganny revoke*, kan manner zot pou *enforce* sa bann zafer?

Mon krwar i enportan ki piblik, dimoun i konnen ki manner zot, zot pou *enforce* bann sityasyon kot i annan iregilarite kot dimoun pe ganny, si mon kapab met li *plain English* pe ganny- *plain* Kreol pe ganny vole avek bann biznes ki pe tranzakte ladan?

So Mr Speaker, sa i mon *humble* kontribisyon lo sa Lalwa ozordi. E parey mon'n dir mon pa en dimoun ki ofe avek tou sa bann prodwi finansyel *or* sa bann diferan keksoz ki dan *financial sector* i ofer, me selman sa i mon kontribisyon.

E mon ti a kontan si *panel* ti a kapab reponn mwan lo sa detrwa kestyon ki mon'n poze, ki mon krwar i enportan pou nou bann dimoun konnen. Mersi.

MR SPEAKER

Mersi Onorab. Bon, mon krwar nou'n ariv ler kot en poz i annord, mon annan 2 Manm lo mon lalis Onorab William ek Onorab Woodcock.

Mon ti a kontan konnen lekel ki pou entervenir sa pou ed nou. So mon annan Onorab Pillay ek Onorab Georges. Mersi. Nou a pran poz la e nou a rebran 4 er? Mersi.

(BREAK)

MR SPEAKER

Nou a rebran avek Onorab William.

HON WAVEN WILLIAM

Mersi Mr Speaker. Bonn apre midi tou dimoun ki a lekout.

Mr Speaker, avan tou mon oule remersi Bondye pou bann

valer lasazes, konprenezon e dizernman ki i met a dispozisyon imen pou a ki atantiv, pou sa ki anvi pran e pare pou obeir, pou bon gidans dan direksyon e pran bon desizyon dan fer aksyon apropiye pou siport en devlopman soutenab.

Mr Speaker, lemonn i lo staz sa ki i ete ozordi se gras a evolisyon dan lentelizans zonnm atraver resers pratik e lesey touzour pou anmenn ouswa trouv defen lekselans ki lemonn pe transformen dan tou son sans atraver nouvo metod e fason fer potansyel limazinasyon lespri zonnm pou *think outside the box*, pou fer fas ek legzizans devlopman.

Alor Lalwa pou bezwen ganny amande pou zer e reglemant sa bann nouvo prodwir e servis fason fer, an mezir ki transformasyon global i vin a laporte nenport pei dan sa vilaz global.

Sesel koman en pti pei byensir pou napa tou kapasite e resours. I pou bezwen aziste, rod led e fer tou sa ki neser pou ariv en nivo akseptab an mezir devlopman i ale fas ek bann plizyer defi global.

Sesel i kontinyen remerisi tou son bann partner, pei zanmi ki rekonnet nou mank kapasite e pare pou ede, ensi ki

sa bann diferan lorganizasyon enternasyonal ki fer pei ki pe devlope paret anba lenfliyans en kolonizasyon modern transformasyon iniversel.

E i zis parey Mr Speaker, ki konstitisyon i pa en dokiman ki statik me sanze ek transformasyon politik. Sa ki enportan se sa *political will*, pou fer sa bann sanzman neser ki en nenport Gouvernman i devret pe fer ki pa pou ganny fer si dirizan sa pei napa en lespri ouver en lapros enkliziv dan zesyon plan devlopman nasyonal pei.

Mon pou aport mon sipor pou sa Prozedlwa ki a donn egzeker sa bann kalite servis vertyel ouswa *digital*, oubyen zer sa servis e tranzaksyon sa bann kalite byen vertyel. Sa morso Lalwa pe donn en kad legal pou reglemant bann ki donn servis bann byen vertyel e adres krim potansyel asosye ek mal servi bann prodwi byen vertyel e servis bann fourniser byen vertyel.

Mr Speaker, koman norm enternasyonal, tou ziridiksyon i espekte evalye anba rekomandasyon 15 anba nouvo teknolozi. *Task force* aksyon finansyel, bann risk krim ki pei i kapab fer fas avek ki enkli blansisaz larzan e finansman bann aktivite teroris, menas ek

risk asosye ek itilizasyon servis byen vertyel e bann diferan prodwi byen vertyel.

Sirveyans de pros i osi ganny fer lo bann pei bann lorganizasyon enternasyonal, lo ki fason zot pe zer menas bann krim ki asosye ek byen vertyel dan zot stratezi nasyonal.

Mr Speaker, pou serten kous popilasyon deor ki pe sivre sa deba, i enportan eksplik en pe byen kwa byen vertyel e servis bann byen vertyel, bann legzanp byen vertyel se; -

Portre, *video, audio files* prezantasyon, *graphics, PDF, spreadsheets*, dokiman, *crypto currencies, gaming tokens and governance tokens, bitcoins, ether, tether, algorand and stellar*.

Ki Mr Speaker, i bann mo ki ase teknik pou piblik deor la konpran. I annan en diferans ant byen vertyel e byen *digital*. Byen vertyel i ganny servi pou peyman lenvestisman siporte par *blockchains*, tandis ki byen *digital* i enkli en pli gran domenn bann *file digital* ki zot valer dan diferan form zot *trade*.

Sa bann diferan byen zot annan gran potansyel benefis ouswa danze atraver ki peyman vit i kapab ganny fer ki fasil e pli bon marse. Sepandan zot osi kapab perdi valer vit e vin

vilnerab anver *cyber attacks* avek bann *scams* Mr Speaker.

San reglemantasyon apropiye byen vertyel ouswa *digital*, zot kapab vin anba menas e ganny servi pou tranzaksyon finansyel, kriminel ouswa terorizm. Alor an mezir ki sa sekter i kontinyen devlope, *FATF* i met bann standar ki bezwen ganny servi par bann pei.

Alors sa Prozedlwa devan Lasanble i enportan e nesesser pou Lotorite *FSA* enkli pou bann ki pe enplike dan sa biznes isi Sesel ouswa an deor pei.

Byen vertyel i refer ek okenn reprezantasyon vertyel ouswa *digital*, ki i annan en valer monneter ki kapab ganny vann e sanze e transfer koman tranzaksyon komers.

Sesel ti fer enn sa bann tel evalyasyon an 2021. Ti ganny dekouver ki ziridiksyon Sesel i annan o nivo risk bann krim finansyel asosye avek bann byen vertyel ek bann fourniser servis byen vertyel.

Sa evalyasyon ti montre ki mannyer Sesel sa bann risk krim finansyel in ganny kree e nivo vilnerabilite, i kapab enpakte lo son abilite pou kontrol e *mitigate* sa bann tel *risk*.

Sa Prozedlwa alor i fer provizyon pou en rezim *license* provizyon, pou lanrezistremant bann promoter lo bann *coin* e *non-fungible tokens*. Lalwa i osi fer provizyon pou anpes promosyon sa servis e prodwi byen vertyel ki pa'n ganny otorize.

I fer provizyon osi pou ogmant sirveyans e aksyon pou ogmant promoter sa bann prodwi e servis de pre *online* ki ganny reglemante dan pei. I osi fer provizyon pou bann mezir sirveyans e kontroler bann *risk* krim potansyel. Lotorite Servis Finansyel in ganny dezinyen dan sa Prozedlwa koman lotorite reglemantasyon pou zer sa Prozedlwa.

Lotorite i osi *mandate* pou enspekte e fer lenvestigasyon dan bann lenstans *non-compliance* ek provizyon Lalwa. Prozedlwa i osi fer provizyon bann kriter e kondisyon ki neser, ki en dimoun kalifye pou ofer bann tel servis dan Sesel ouswa an deor pei.

I osi fer provizyon pou bann antite ouswa lakonpanyen, ki kapab donn formasyon anver sa bann tel furniser sa servis byen vertyel e servis. Prozedlwa Mr Speaker, i osi fer provizyon pou sansibilizasyon konsonmater e antite reglemante lo bann *scam*

e krim donn proteksyon bann viktim potansyel.

Bill pe osi fer provizyon pou sa eleman responsabilite dan itilizasyon nouvo teknoloji e linovasyon, an menm tan minimiz bann *risk* e menas krim potansyel.

Mr Speaker, atraver bann provizyon sa Prozedlwa, dan lavenir serten bann lamannman konsekan i bezwen ganny fer pou adres ankor sa size byen vertyel e servis dan bann Lalwa ki egziste tel parey;

-
Anti-Money Laundering e Countering The Financing of Terrorism Act, 2020, The Financial Services Authority Act, 2013, The Financial Consumer Protection Act, International Business Companies Act, 2016 and the Financial Consumer Protection Act, 2020.

Mr Speaker, atraver sa Prozedlwa, mon demann tou parti prenon ki pe azir koman lotorite reglemanter donn *license* e sirvey sa bann tranzaksyon vertyel, pou reste azour ek en devlopman dan sa sektor, ki nou fer tou sa ki neser pou reste lo standar *FATF* pou Sesel pa ganny *downgrade* pou al lo en *black list* parey oparavan.

Mr Speaker, prenon kont ki Sesel i form parti sa vilaz

global, progre atraver devlopman teknolozi osi progre dab evolisyon fason fe e komers loportinite ki sa konponan *digital* in ofer, loportinite fer tranzaksyon komers an servan byen e prodwi vertyel pe ogmante.

Mon lans en lapel ek nou bann zenn pou metriz sa bann size e servis, pou zot prop benefis e kreasyon larises pou lavenir. Avek sa 2 mo Mr Speaker, mon oule remerci ou e mon reafirm mon sipor pou sa Prozedlwa. Mersi.

MR SPEAKER

Mersi Onorab. Laparol pou Onorab Wavel Woodcock.

HON WAVEL WOODCOCK

Mersi Mr Speaker. Mr Speaker, *Virtual Asset Service Provider Bill* ki devan nou - sa Prozedlwa i en morso lezislasyon enportan, avek bi pou reglemant sa sekter ki pe *evolye* vitman kot i konsern bann servis ek *asset* virtyel dan nou pei Sesel.

Sa Prozedlwa i reprezant en pa desiziv e vreman enportan ver asire ki nou sistenm finansyel i reste solid, sekir e fer provizyon pou bann progre teknolojik.

Aparisyon teknolozi *blockchain* ek *cryptocurrency* in

revolisyonn tranzaksyon finansyel globalman dan lemonn antye e prezant lemonn enkli Sesel avek bann loportinite enkli osi bann defi.

Bann byen vertyel parey bann manm in mansyonnen oparavan, *bitcoin* ek *ethereum* i fasilite tranzaksyon pli vit ek pli efikas atraver bann frontyer. Me sa devlopman rapid in osi anmenn konsern lo stabilite finansyel, proteksyon konsonmater e posibilite labi dan bann aktivite ilegal parey blansisaz larzan e osi finansman *terrorism*.

Mr Speaker, fodre pa zanmen bliy en paz dan nou listwar kot ti *involve* Mr Speaker, bann *shell companies* ki ti ganny kree Mr Speaker - pa bliy *Le Fame Saga*, bann *Irlande FIU* kot bann *shell companies* Mr Speaker *Sola Beo*, *Tech Limited*, *Calendula* ti ganny kree, kot larzan ti ganny transfer dan bann lezot pei parey Moris, kot bann *Irlande* ti pe pey zot prop lekor gro koripsyon Mr Speaker, ki ti arive anba ladministrasyon Parti Lepep/*US* avan.

E Mr Speaker, en kantite *asset* dan lepase dan nou pei Sesel Mr Speaker, me i malere in vin *virtual* e in disparet Mr Speaker, anba ladministrasyon avan.

Parey \$50 milyon Mr Speaker, ki ti disparet ki ti ganny swadizan transfer dan kont *SMB* pou aste manze pou Lepep Seselwa Mr Speaker. I ti pres pou Lasonpsyon osi vin en *asset virtual* e disparet Mr Speaker, gran mersi sa ladministrasyon in anpes sa arive Mr Speaker. So en pake *asset* Mr Speaker, in disparet anba ladministrasyon avan.

Fodre note Mr Speaker, ki bann *shell companies* ek bann byen vertyel i kapab konekte, kot bann endividi i servi bann *shell companies* - bann konpanyen fiktiv pou kasyet lorizin ouswa destinasyon bann transfer byen vertyel, ki'n fer li pli difisil pou lotorite *trace* sa bann larzan.

Mr Speaker, mon konn Manm Mr Speaker, ki ler i *travel* i servi zis *pendrive* i pa bezwen ni kart labank, ni *cash* Mr Speaker.

Sa konbinezon *shell companies* e *virtual asset* i kapab ganny servi pou bann move azanda parey *tax evasion* e aktivite illegal, parey kasyet larzan ki sorti dan bann biznes kriminel, dan bann biznes illegal parey bann dimoun ki *involve* dan trafik drog, trafik imen e parey mon'n mansyonnen pli boner *terrorism* osi.

Prozedlwa *asset service* vertyel 2024 i konpreansiv e i adres plizyer domenn kle Mr Speaker. I met an plas en kad regilatwar kler pou loperasyon bann *provider service asset* byen vertyel *VSPs* dan Sesel.

Sa i enkli demann pou *license*, standar operasyonnel ek lobligasyon konformite. Sa Lalwa pou obliz bann *VSPs* pou met an plas bann mekanizm solid, pou protez konsonmater enkli revelasyon transparan lo bann risk asosye avek *asset* vertyel e etabli mekanizm, rezolasyon bann dispit ant konsonmater avek sa bann *providers* ek proteksyon fon larzan bann kliyan.

Sa Lalwa pou ranforsi regilasyon *AML-CFT* par demann bann *VSPs* pou respekte bann standar strik pou raport e *monitor* bann tranzaksyon e asire ki Sesel i reste an konformite avek standar enternasyonal ki'n ganny mete par *Financial Action Task Force (FATF)*.

Sa Lalwa pou osi ankouraz inovasyon par donn en lanvironnman regilatwar e sipor pou bann *Fintech Startups* e promot devlopman bann nouvo prodwi ek devlopman finansyel. Provizyon inisyale sete en *regulatory sandbox* mon krwar Onorab Loze in koz lo la

boner, pou permet tes ek eksperimentasyon kontrol avek bann nouvo teknolozi.

La Lalwa pe fer provizyon pour sa bann nouvo teknolozi Mr Speaker.

So ladopsyon sa Prozedlwa, pou anmenn plizyer benefis pou nou nasyon. I pou ede kre en lanvironnman reglemante ki pou permet Sesel atir lenvestisman enternasyonal e pozisyon li koman en sant pou inovasyon *Fintech* dan larezyon.

Asset vertyel i annan potansyel piu anmenn servis finansyel kot kous menm nou popilasyon ki napa akse avek labank, *why not* bann ki pe travay e reste lo bann zil? I pou etabli en kad regilatwar solid pou amelyor lentegrite marse e ranforsi konfyans lenvestiser e an menm tan i pou ede redwir risk asosye avek frod e manipilasyon marse.

Mon kontan ki serten Manm Onorab Mr Speaker, lo lot kote latab in admet Mr Speaker, ki zot personnelman zot pou benefisye avek sa Lalwa. Savedir Mr Speaker, keksoz pe mars byen anba ladministrasyon *LDS* e sa bann Lalwa i en bann Lalwa ki bon e ki pou benefisye nou sitwayen Lepep Seselwa.

Mr Speaker, atraver ou Onorab Loze in dir ki atraver ou son *investment, investment* dan *crypto cryptocurrency* son 4 zanfann pou vin milyonner ler i fini dan Lasanble, selman dapre li zanfann Sesel pe mor lafen. Savedir mon felisit Minis...

MR SPEAKER

Onorab, Onorab pa fer sa personnel silvouple!

HON WAVEL WOODCOCK

...Mr Speaker, tou bann teknisyen pou sa bon travay, pou bann Lalwa ki zot pe anmenn ki pou permet nou bann Seselwa epanouir pou benefisye parey bann zanfann Onorab Loze pou benefisye Mr Speaker.

Mr Speaker, antretan ki sa Prozedlwa i en Lalwa vizyoner i osi rekonnet bann risk ineran. I esansyel pou asire ki i annan *monitoring* kontinyel e ki nou pe kontinyelman adapte avek bann norm e regilasyon enternasyonal pou reste azour avek bann progre teknolojik.

Kolaborasyon avek bann lekol enternasyonal ek lezot ziridiksyon pou enportan pou mentenir lefikasite nou bann regilasyon.

Pou konklir Mr Speaker, Prozedlwa *virtual assets service provider* Mr Speaker, 2024 i en

pa progresiv e neser pou moderniz n ou *landscape* finansyel e trouv en balans delika ant ankouraz inovasyon e asir stabilite ek sekirite nou sistenm finansyel.

Mon ankouraz tou nou bann manm koleg pou siport sa Prozedlwa e kontribye pou etabli Sesel koman enn bann *leaders* dan lekonomi *digital* sirtou dan larezyon. Avek sa 2 mo, mon dir ou mersi Mr Speaker.

HON JOHAN LOZE

(Off-Mic)

MR SPEAKER

Mersi Onorab. Mon sipoze ou pe demann *point of order* akoz ou non in ganny mansyonnen. Ki *point of order* Onorab Loze?

HON JOHAN LOZE

Mr Speaker, menm si mon non in ganny mansyonnen mon oule zis koriz en misapreansyon lo sa ki mon'n dir. Akoz sa ki mon ti dir ti pou benefis Lepep Seselwa. Esansyelmanan ki mon ti pe dir avek menm en *minimum* investisman.

Akoz mon ti dir mem si mon kit 0.1 *Satoshi* pou mon zanfan zot pou vin milyonner. E mekanizm pou sa i senp Mr Speaker, pa akoz mwan mon

pou met milyon akoz i en spekilasyon. Asize espere apre mon lanmor pou zot gannyen, evantyelman *bitcoin* pou kote e zot pou annan milyon! Mersi.

(Interruptions and comments off-mic)

MR SPEAKER

Mersi. Bon, *anyway* mon napa war naryen tro grav dan sa ki'n ganny dir.

(Interruptions and comments off-mic)

MR SPEAKER

Order! Be selman mon pe demann ancor sa deba in al byen san bann entervansyon personnel so annou gard li koumsa silvouple. Mersi bokou.

Onorab Georges ou annan laparol. Onorab Woodcock ou a reste trankil silvouple. Onorab Georges ou annan laparol.

HON BERNARD GEORGES

Mersi Mr Speaker. Mr Speaker, mon pran laparol apre midi pou 2 rezon, mon pa anvini fini lo en not personnel e negativ alor mon ava komans lo sa not.

I annan 2 Manm Lasanble apre midi ki'n trouv zot byen an egzersan zot drwa a laparol pou fer en alegasyon kont en noter isi Sesel, sa noter se mwan e

annou adres sa pwen en fwa pour tou e fini avek.

Sa ki sa 2 manm pe refer lo sa set en *power of attorney* ki swadizan i ganny stanpe par mwan e sinyen par mwan e ki'n ganny servi pou en tranzaksyon frod lo *bitcoin*.

E annefe sa keksoz in ariv en pe partou dan lapres en pe letan pase, *FIU* sa bann msye la devan zot in fer zot travay, zot in *investigate* sa keksoz, *sorry FSA, FCIU* in fer menm zafer zot in *investigate*.

E zot in ariv a en konklizyon sa se zot travay, mwan mon en avoka e toultan mon soumet mon lekor a bann lotorite, ki ler i annan en konplent ki ganny fer zot *investigate* e zot pran en desizyon.

Sa ki personn pa konnen e ki la mon ava releve ozordi e mwan menm mon pa ti konnen a sa moman letan, se ki sa dimoun ki ti pe servi sa *power of attorney*, i ti ganny anmennen devan en Lakour dan *UAE* e mon annan Zizman Lakour la devan mwan ki ti ganny anvoye par bann avoka *Dubai*.

E mwan mon pa ti menm konnen - mon pa ti menm *involve* kot Lakour *UAE* in dir "*It was revealed and the court ruled that the power of attorney*

was forged in a final ruling that they gave".

I annan en kantite keksoz. Alor Mr Speaker, ou war annan de fwa ler nou tay deryer en keksoz la zis akoz in aparet devan lapres akoz nou anvi tap en dimoun pou rezon politik ; annou-annou mazin en pe ki nou pe viv dan en pti pei kot nou pa bezwen toultan al atak en dimoun dan en fason personnel.

Mwan i pa fatig mwan Mr Speaker. Mon pa perdi okenn sonmey lo la akoz mon konnen sa ki mon fer e mon konnen sa ki mon pa fer. Me mon krwar i enportan pou dimoun laba deor konnen ki laverite se sa, *ok?* Mwan si mon fer en keksoz mal mon sibir, ler mon pa fer en keksoz mal mon *fight* e mon anmenn laklerte lo la.

Alor fotespere ki sa 2 Manm ki mon ti ava espekte dan en deba parey ozordi, kot nou tou nou pe ralye ansanm pou protez nou pei zot pa ti a tonm dan tantasyon parey nou *Notre Père* i demann nou tou le bomaten ler nou resite pou al dan sa direksyon, ki zot ti ava kapab dir ki zot devret fer koman en fraternite isi dan sa Lasanble, ki nou siport nou kanmarad ler zot tonbe.

Me zot prefere pa fer li sa se zot preferans e mon les zot

viv avek laverite ki la devan mwan e mon annan menm en kopi sa Zizman ki'n ganny donnen an *Arabic* dan Lakour *UAE*.

Alor sa se sityasyon Mr Speaker. Mon ti anvi met sa akote pou mon pa tay lo la. Annou pa fini lo en pwen negativ - annou fini lo en pwen pozitiv. E sa ki pozitiv se sa Lalwa ki devan nou la apre midi.

Lalwa *Virtual Assets* Mr Speaker, *has been a long time coming* pou tou bann rezon ki bann manm in dir la apre midi. I en Lalwa ki i vin parey bann Manm in dir pou konble enn bann trou ki ti egziste, kot nou'n vwar ki bokou *crypto exchanges* in vin isi Sesel zot in anrezistre koman bann *IBC* e nou annan en seri zot; -

Huobi, Kucoin, Binance eksetera, eksetera e 3 lezot e ki tanzantan i annan en problem ki arive aköz par son natir *crypto asset* i kapab ganny vole oubyen mon pa konn tou bann detay.

Onorab Loze annefe mon a felisit li, aköz Onorab Loze apard son dernyen detrwa segonn in fer en prezantasyon ekstraordiner ki'n ouver bokou lespri ki'n ouver sa ki pou mwan, aköz mon pa kapab dir ki mon en *expert* lo sa bann

zafer. Mon pa konpran tou sa bann *intricacies* me apre midi mon'n aprann bokou.

Ki ler sa bann *assets* ki fason bann *exchanges* ki'n anrezistre isi Sesel - me ki'n selman anrezistre isi Sesel aköz *that's the nature of IBCs* ou anrezistre en lakonpanyen isi Sesel, me ou *assets* i *somewhere else* ou *management* i en lot landrwa, ou pe travay dan en lot landrwa, me *at the end of the day* se Sesel ki sa landrwa lanrezistrem ki ganny sa lobligasyon pou li fer en keksoz pou al trace sa bann *virtual assets* an mezir ki annan de fwa zot deroute.

E se kekfwa enn bann keksoz ki anpes bokou dimoun, ou bokou plis dimoun *invest* dan *virtual assets*, aköz i ankor ase fason pou bann *assets* ganny vole dan bann *exchanges* oubyen par sa bann dimoun ki *hack* sa bann *exchanges* e ki pran ou *assets*.

E nou'n war sa en kantite Mr Speaker. Ou vwar, la an mezir ki nou pe koze, mon kapab dir ki mon pe dil avek 2 *case* separe enn *Hong Kong*, enn *Singapore*, pa lo okenn keksoz, apard Lalwa Sesel aköz sa 2 *exchanges* kot in ganny, kot *virtual assets* in ganny pran zot, zot anrezistre isi e alor se Lalwa Sesel ki bezwen

determinen sa ki pou arive dan sa bann pei kot sa bann *case* pe ganny dil avek.

Alor kontan pa kontan, nou ganny trennen dan sa bann keksoz e sa nou'n toultan konnen depi zour ki nou'n komans en rezim finansye isi Sesel, ler nou'n komans anrezistre lakonpanni nou'n toultan konnen ki ler enn sa lakonpanni i fer en keksoz ki pa legal dan en lot pei, se Sesel ki pou bezwen dil avek oubyen se non Sesel ki pou ganny trenn atraver sa keksoz.

So at the end of the day parey toultan nou dir, eski i vo lapenn pou nou al dan sa sekter avek son benefis ki i pou anmennen, *against* bann repitasyon negativ ki nou kapab gannyen avek son konsekans tel parey posibilite perdi bann *correspondence banking* eksetera. E mon krwar larepons sete wi.

I the risk is worth taking akoz nou fer plis e nou pa perdi otan. *And so long* ki sa i leka mwan mon'n toultan siport sa sekter malgre ki koman en endividi e koman en avoka, mon pa *involve* dan sa sekter apard lo en fason konpletman periferik.

Me mon konpran, mon konpran ki *that is the future* e mon toutafe dakor ek Onorab

Loze ki nou bezwen regard sa. Nou pa kapab reste koman en pti zil dan Losean Endyen e les larestan lemonn tay avek sa bann keksoz, nou bezwen nou osi partisipe; nou bezwen nou osi tir bann benefis ki nou i kapab tire.

E se pour sa rezon Mr Speaker, ki mon krwar ki i ti apepre tan *in fact it was long time, long overdue* pour ki sa Lalwa i vin devan nou ozordi, pour ki sa bann antite ki pou pe ganny anrezistre isi e ki pou pe fer sa bann tranzaksyon isi, i kapab ganny *license* e regle isi. I avan annan en rezim regilatwar pou fer sir ki zot pe fer sa ki zot devret pe fer.

E dan sa ka Mr Speaker, mon ti a kontan felisit lekip SFA ki'n travay lo sa Lalwa e mon ti a kontan remersye e felisit zot lo lafason ki zot in fer sa; akoz zot pa'n zis fer parey bokou lezot antite kot parey Onorab Gervais Henrie ti dir taler kot nou lezot antite i pas en Lalwa e premye keksoz ki nou vwar se ler i vin devan sa Lasanble.

SFA in travay avek tou sa bann *stakeholders over and over again*, menm ziska pwen kot zot in fer en prezantasyon avek *Leader* Lopozisyon e en prezantasyon avek mwan, pou zot eksplik nou kisisa ki pe arive dan sa Lalwa pou nou

kapab *share* sa avek nou bann *Caucus* respektif e pour sa mon remersye zot akoz in ed nou.

Mon pa kapab koz pou mon koleg Onorab Pillay, me in ed mwan ki pa ti konn tro bokou dan sa sekter *non-fungible token*. Mon pa tro konpran li Mr Speaker, mwan si mon anvi aste en *painting* pou mwan met lo mon miray mon konpran kisisa, akoz i en zoli lapentir e mon met li lo mon miray e kekfw mon aste li pou R20 mil e en zour mon kapab vann li pou R40 mil.

E si mon annan bokou plis larzan, mon aste en *Picasso* e mon a met li dan en mize *somewhere* oubyen dan en *vault* e mon a les li apresye. Mon pa konpran sa konseps kot ou kapab annan ou en *painting* ki *virtual* ki pa egziste dan la realite, ki pa kapab met li lo ou miray me ki i en *asset* ki vo larzan e ki pou evantuelman annan plis valer e ki ou a kapab met li koman en sekirite oubyen *trade* li.

Mon konpran sa konseps valer dan en fason abstre, me mon pa konpran akoz dimoun pou anvi fer li. Me *that's a different matter* nou zenerasyon pa konpran sa me zenerasyon ki pe vini zot, zot konpran parfetman e se zot ki pou al dan sa direksyon e se pour sa rezon

ki nou pou bezwen annan sa Lalwa isi.

Lot rezon ki mon ti anvi pran laparol ozordi, se pour demann avek Minis e avek *FSA* ki zot lide, ki zot annan dan zot lespri pour *regulate* parey in ganny dir avan mwan - bann sirtou *cross border enforcement*, akoz nou annan sa problenm. La sa ki nou pe fer se ki nou pe *licensed* e nou pe *regulate* bann operater ki pou dan sa biznes isi.

Me ler i ariv en derapaz, ler i ariv en problenm, ler sa *virtual asset* i ganny vole, oubyen i ganny *fraudulently* pran oubyen i ganny sezi akoz i pe ganny servi pou *Anti-Money Laundering* oubyen pou *finance terrorism*.

Okenn sa bann rezon, eski nou annan kapasite e legal e kapasite personnel pou sa bann dimoun ki travay dan sa sekter pou kapab *speedily* met en fren avek sa. E nou'n vwar ler taler nou ti pe koz lo bann keksoz ki kapab arive.

Recently nou konnen ki sa *virtual asset trader* Samuel Bankman-Fried ki pe servi detrwa lannen dan prizon ozordi *New York* ler son *crypto exchange* ti *collapse*, enn son bann lakonpanni ti anrezistre isi Sesel. E donk zot antre en pe partou en enn bann keksoz ki

bann avoka ti pe rode, se ki manner zot ti pou kapab servi okenn sa bann *virtual assets* ki dan sa bann lakonpanyen isi Sesel, pou anpes li ganny antisipe.

E sa nou vwar li bokou, bokou ka e enn ban problem ki nou annan isi Sesel se ki akoz ou pa konnen lekel ki'n vole, ou konnen ki sa ki dan ou *wallet* in ganny pran e nou pa konnen lekel ki'n vole.

E alor sa ki pe arive dan bann pei parey Langleter ozordi se ki zot ganny en *freezing order* laba kot *persons unknown*, me ler ou anmenn sa isi Sesel pou ou dir be sa *crypto exchange* in vin *exchange* isi in anrezistre isi Sesel, alor annou *enforce* sa zizman isi Sesel bokou Ziz i dir ou be nou pa pou kapab anfors en zizman lo *persons unknown*.

Alor la osi nou annan kekfwa en travay pou nou fer pou anmenn nou Lalwa *up to speed*, akoz i en pa dan en bon direksyon e se pour sa rezon ki nou pou siport sa Lalwa la apre midi, ki nou annan en rezim regilatwar e *licensing*. Me nou bezwen annan en rezim *enforcement* osi ki swiv deryer li, pour ki ler en keksoz i arive nou kapab imedyatman *enforce* sa keksoz ki pe arive.

Mr Speaker, mon ti anvi zis pran laparol apre midi pou

fer sa detrwa pwen. E avek sa mon remersye Minis mon remersye lekip FSA ki'n travay lo sa *Virtual Asset Providers Bill* e mon asir zot ki zot pou ganny sipor lo sa kote labab sertennman e mon swete ki zot ava ganny sipor Lasanble an antye.

Akoz set ankor en lot *tool* ki nou bezwen dan nou larmri, pou nou fer sir ki koman en pei ki pe *provide financial services* nou *up to date* avek tou bann novote e tou bann fason pou nou kapab perform bokou pli byen ki nou'n fer ziska prezan. Mersi Mr Speaker.

MR SPEAKER

Mersi Onorab. Laparol pou Onorab Pillay.

HON SEBASTIEN PILLAY

Mersi Mr Speaker. Mon pran laparol apre midi, premyerman mon rekonnet bann teknisyen sorti kot FSA i en plezir pou vwar ki tou nou annan teknisyen sorti kot FSA i bann Seselwa bann zenn Seselwa ki'n devlope dan sa domenn.

Pandan plizyer lannen *train* e *acquire* en kantite *skill* anba en former Gouvernman ki ti la ki apel *United Seychelles* e ki'n akonplir bokou pou devlop talan e kapasite plizyer ka dan nou pei Mr Speaker. E sa nou

bezwen rekonnèt e ki ozordi zot pe debout akote bann ki sorti dan bann pei pli avanse pou montre zot kapasite.

I enportan Mr Speaker. Mon'n ekout entervenans avan mwan Mr Speaker e ou a permet mwan pou komans koumsa. Mon'n apresye e konpran son *resentment* si mon kapab servi sa mo, ler serten komantr in ganny fer a son lekar vizavi en *case* ki'n ganny mansyonnen kot son non in ganny mont ladan e ki li in dir nou i annan en *zizman* in *Arabic* me mwan mon pa'n war, ki konsern en *forgery* i enn son bann dokiman ki li in ganny nonmen ladan. E in remontrans 2 Manm lo mon kote latab me ou a permet mwan Mr Speaker, pou resiprok an sa ki konsern 2 manm lo mon kote latab.

Premyerman mon krwar entervenans ki'n dir sa Onorab Georges i devret regard son lekor dan en laglas e osi remontrans son prop lekor par retir serten parol ki'n deza dir dan Lasanble, par egzans kot i rod nou e i rod mwan personelman pou li maltret mwan. Sa i lo rikord Lasanble e in ganny dir dan lepase.

MR SPEAKER

Onorab, eski ou pe dir ki sa in arive? Onorab, annou, *ok* si i

pa'n ariv ozordi mon krwar nou devret prosede avek size ki devan nou kontinyen. E parey mon demande annou evite ki sa deba i vin en lesanz personnel. Mersi.

HON SEBASTIEN PILLAY

Mr Speaker, mon konpran nou e mon ekout ou, me selman mon bezwen met lo rikord ki ler nou pe demann en lot dimoun pou azir en serten fason, nou bezwen osi pare pou nou azir dan menm fason.

E dan sa konteks Onorab e son *Caucus* enkli Onorab Georges ek son *Caucus* osi i devret azir dan lafason ki in demann le 2 Manm lo mon kote latab pou azir. Savedir li osi i retir sa bann komantr ki in fer dan lepase, kot i maltret nou e in rod nou pou maltret nou ki pa neserman naryen e ki montre poudir i pa ti donn respe pou nou e pou swazir sa moman pou li fer, si oule fer en pledwari anver nou lo sa kote latab.

Sa i enportan Mr Speaker, akoz mwan mon en dimoun ki viv dapre pratik dan Lasanble Nasyonal.

MR SPEAKER

Onorab, mon pa an vi antre dan en deba avek ou sa size ki devan nou i bokou tro enportan. Mon

pe dir avek ou asize lo Onorab Georges in fer in zis koriz en keksoz ki'n ganny dir, so nou aksepte li koumsa e annou kontinyen avek deba ki devan nou. Mersi.

HON SEBASTIEN PILLAY

Mon pa'n ganny en konpran ki mwan mon pa ganny drwa fer komantr ki lezot dimoun in fer e sak fwa mwan mon koze mon bezwen ganny enteronpe. Par egzanz Mr Speaker nou pe koz lo sa Lalwa Manm lo sa kote latab in koz lo size zanfan Onorab Loze ki'n fer dan en lentervansyon.

Ok, now problemm avek sa Mr Speaker, se ki ou les sa bann keksoz arive dan Lasanble in menm koz lo en *case* sa *case sub judice* sa *case* 50 milyon Ankour e ou les li fer son entervansyon, *ok?* Me selman koman nou, nou koze lo sa kote latab ou enteronp nou ou pou anpes nou koze, *as if* ki nou, nou pe ofans Lasanble dan sa ki nou dir. Be nou pou kontinyen koze Mr Speaker, malgre ki i depler ou e sa i en keksoz ki normal.

E la mon oule met serten keksoz lo rikord an relasyon avek serten *Statement* ki in fer ek sa Lalwa kot mon'n tann Onorab Woodcock atraver ou koz lo *Solas Beo, Calendular* tou

sa bann keksoz *Irish- ok*, i enportan pou nou met serten keksoz lo rikord, *ok?*

Prezidan Larepublik ki swadizan annan tou sa bann lenformasyon ki i ti *former Chairman FPAC* ki annan tou sa lenformasyon se Mr Ramkalawan, i annan tou sa bann levidans ki Onorab pe koz lo la, be anmenn en *case* kont sa bann boug! Anmenn en *case* kont sa bann boug e fer fini.

Ou pa kapab zis kontinyen vin sant menm zistwar, menm keksoz, kan ou napa naryen vreman pou ou dir e pou sey fer azout keksoz dan sa ki pe ganny arive dan Lasanble e Speaker ou ava dir ek mwan poudir sa size i tro enportan pou mwan pa dir sa bann keksoz.

Eski mon sipoze reste trankil ler en dimoun i vini, i maltret oubyen mal koz mon kote latab? Non! Definitivman non! E mon pa pou zanmen reste trankil lo sa size, akoz i neserer pou mon montre ki manner i annan en pwa demezir dan lafason ki nou fonksyonnen isi dan sa Lasanble.

E sa i kler sa Mr Speaker. Ozordi i kler, bomaten sa ki'n arive i kler, la apre midi Mr Speaker. I enportan Mr Speaker, ki nou fer kler sa bann

keksoz akoz ler nou, nou vin koz lo en Lalwa, nou pa zis regard, nou pa zis vin fer plezir tou dimoun ki konsern sa Lalwa me nou sey prezant tou bann lopinyon, tou bann dimoun bann parti prenan an sa ki konsern en Prozedlwa ki dan Lasanble.

Mon agree e mon admet Mr Speaker, ki mon ti ava prefere pe koz lo Mosyon Onorab Vidot ki pe demande ki Gouvernman i fer plis pou bann dimoun aze pou zot viv an dinyite. Mon agree e sa ti ava en meyer size pou mwan koz lo la. Me ozordi devan Lasanble i annan en size devan nou e i neser ki nou adres li an sa ki konsern bann diferan eleman sa Prozedlwa ki devan nou.

Mr Speaker, i annan plizyer dokiman ki'n sirkile otour sa Prozedlwa e in menm annan bann konsiltasyon ki'n ganny fer par FSA e mon ti ganny en let sorti kot FSA ki mon ti *attend* serten konsiltasyon e ki mon ti eksprim bann konsern ki mwan mon annan personnelman - bann konsern ki ler mon'n koz ek bann dimoun ki potansyel an pou antre dan sa domenn pou kapab annan.

E mon ti a kontan ki ler mon pas dan sa bann diferan konsern, bann teknisyen

oubyen Minis i permet nou pou konpran ki bann armonizasyon ki'n ganny fer ant sa Lalwa ki la e lot Lalwa ki en *Securities Act* ki osi fer provizyon pou annan bann *licenses*; e osi fer provizyon pou bann aksyon disiplinier ki ganny pran en relasyon ek bann lofans ki kapab ganny komet anba sa 2 Lalwa.

Sa ki Lasanble i bezwen konsernen avek Mr Speaker, se pa sa teknikalite sa Lalwa, me son lentansyon me osi son reperkisyon ki i kapab anmennen pou nou pei, an relasyon avek bann lezot lobligasyon ki nou annan enternasyonanman.

Par egzanp Mr Speaker, adopsyon en *licensing framework* pou lotorizasyon i fer sans, an relasyon ek sa Prozedlwa ki devan nou, me kekyon ki nou bezwen demande se eski pou annan en *unit* spesifik dan FSA ki pou dedye pou fer sa provizyon travay?

E an relasyon ek sa *unit* spesifik ki pou fer lotorizasyon e osi pou fer *due diligence* lo sa bann dimoun ki pou prezant zot lekor koman bann dimoun ki pou al fer *virtual assets* dan tou son laform Mr Speaker, eski nou pou annan sa kapasite?

Mon konnen nou annan bann dimoun ki kapab, ki annan sa konpetans pou fer li, me eski nou pou annan ase dimoun pou fer li? Akoz mon demann sa kestyon Mr Speaker? Dan sa Lalwa i fer provizyon pou en term ki apel en dimoun ki annan *significant control*.

Savedir en dimoun ki annan en kontrol lo sa bann konpanyen ki pe fer ki pe sa, me FSA i osi annan en rezis bann sa ki ou apel *beneficial ownership*, ki li i *maintain* an relasyon avek bann IBCs.

So kestyon pou Minis ki mon ti a kontan demann li se, nou pe al dan en laliny kot ou pou annan bann dimoun vertyel, savedir i kapab bann dimoun ki isi akoz nou'n koz lo *resident person* isi, ki pou zis pe *front* pou en lot dimoun aletranze.

So eski a sa moman ki nou koze an sa ki konsern *register of beneficial ownership* ki FSA i bezwen *maintain* an relasyon ek lezot provizyon Lalwa, eski FSA i 100 pousan azour ek son *beneficial ownership register* ki ava permet nou pou krwar ki i ava kapab osi *maintain* en rezis?

Lekel bann dimoun ki pou annan- ki annan kontrol lo sa bann konpanyen?

Akoz? Ler en dimoun pou investir oubyen pou pran son larzan i pou aste okenn servis, okenn komodite ki sa bann konpanyen i *provide* dan *asset virtual*, ariv en keksoz i bezwen annan en dimoun ki kapab tanzibman ganny pourswiv en dimoun fizik.

E sa i *raise* en konsern pou mwan koman en lezislater, pour ki si en Seselwa i decide pou li *venture* dan sa domenn pou li kapab ganny proteze ler son *asset* in ganny mete e lekel sa dimoun ki pou ganny pourswiv anba sa Lalwa.

En lot pwen enportan pou mwan Mr Speaker, an sa ki konsern *registration* ant sa ki zot apel ban ICOs oubyen bann NFTs. *Whilst* ki mon napa gran konsern avek sa, se ki mon ti a kontan konnen se ki dan ki form zot pou gard sa rezis pou sa 2 antite.

Eski sa rezis pou en rezis ki pou ganny *maintain only* par FSA, oubyen eski i pou en rezis ki pou piblik, oubyen eski i pou en rezis ki pou vin piblik zis dan lenstans ki annan en *court order* oubyen en lenvestigasyon par lapolis?

En lot konsern ki mwan annan Mr Speaker se mon ti a kontan konpran ant *Securities Act* ek sa Lalwa, lekel ki pou lezislasyon primer ant sa ki

konsern *license* pou sa 2 kalite antite? Nou ava admet Mr Speaker, an sa ki konsern bann sekirite savedir ki ou kapab aste e fer li fer larzan i pou annan *virtual securities* ki pou ganny *provided*.

So lekel ki pou *main legislation*, eski se pou sa Lalwa ki pou *main* lezislasyon oubyen se pou *Securities Act* si mon pa tronpe 2007 ki pou pran presedans an sa ki konsern regilasyon otour sa?

E si nou pe dir sa, *then it means* ki *FSA* pa pou zis regilater me i pou osi *supervisor*. Se li ki pou *supervise* tou sa ki ganny fer.

Dan son *supervisory capacity*, eski nou pou *break down FSA* dan son striktir pou li *maintain* en konponan separe an sa ki konsern *asset virtual*, oubyen i pou annan *as part of* anba *umbrella FSA* parey i *manage* konpanyen lasirans, parey i *manage* tou lezot, sa pou ganny fer anba en sel antite Mr Speaker?

Sa i ava permet nou pou nou konpran *when it comes to resourcing capacity*, si nou pe donn *FSA* resours e *go back to the point* ki'n ganny *raise* par lezot manm an relasyon ek nou kapasite pou nou *oversee* sa sekter.

Mr Speaker, enn bann eleman enportan sa bann Prozedlwa i osi konsern sa dimoun ki prezant son lekor pou li fer sa aktivite. Me osi mon pa konnen ki mannyer pou dekrir sa term, me si dan bann diskisyon bann ki mon'n gannyen, si i annan sa kapital ki kapab asire ki i kapab fer sa biznes.

So lekel ki pou fer sa travay pou asire ki sa i leka dan sa konteks e *how long* ki sa *process* pou pran - savedir verifye sa kapital, verifye fer sa *fit and proper* lo sa dimoun, pou asire ki le 2 *criteria* i ganny zwenn avan ki nou donn en *license* pou sa dimoun fer sa aktivite?

E si dan sa konteks se *FSA* ki pou fer sa travay, ankor enn fwa *it comes back to* ki regilasyon akoz nou pa ankor konnen ki regilasyon ki pe vini Mr Speaker. Ki regilasyon ki zot anvizaze anmennen pou nou kapab fer sa? Akoz ou'n dir mwan konsantre lo sa Lalwa Mr Speaker, mon pa pou mal petet i ava en pti pe tro bokou pou mon dir.

Sa Lalwa i reprezant zis *one step* dan direksyon ki *FSA* i ale *and it doesn't mean* ki demen apre sa Lalwa i pase, ou pou war en kantite dimoun vin fer *virtual assets provision*, non.

Sa Lalwa i pe zis *tick* en bwat ki *FSA* i bezwen *tick*.

Me dan pou li fer sa e si nou serye avek sa ki Onorab Loze pe dir nou oule *achieve*; savedir donn bann lenvestiser Seselwa potansyel pou investir dan en lot domenn, *then* nou bezwen fer sa travay preliminar ki nou bezwen ganny fer.

E *that is* asire ki lenplimantasyon sa Lalwa i bezwen ganny fer *within* en *timeframe* e se sa keston ki mon ti a kontan demann Minis ki *timeframe* ki nou'n *set* an sa ki konsern depi *assents* ziska lenplimantasyon Lalwa, pou ziska ler ki nou kapab war bann si oule *virtual assets service* konpanyen bann *providers* ki pou anrezistre Sesel? Akoz i annan en eleman risk asosye avek sa kalite aktivite.

E si nou koman en pei nou pa kapab reasir nou bann partner aletranze ki nou pa kapab dil avek sa eleman risk, i pa pou fer sans pou nou ganny *deregulated* pou en keksoz ki nou pa ankor komans fer. So i enportan ki nou sey klarifye sa.

En lot eleman enportan Mr Speaker se letan nou regard lezot pei zot in osi fer en proibisyon serten aktivite ki mon krwar *FSA* osi i anvi fer. Akoz tou sa bann aktivite i konplike e i mars ekstrememan

vit e ou bezwen annan en teknolozi ki ase enportan.

Eski an sa ki konsern sa bann aktivite ki nou pe *prohibit* oubyen nou pe dir ki bann dimoun *ineligible* pou fer sa bann aktivite *ok, how do we establish the energy with ineligibility of sa applicant?*

Do we, eski nou pe tyek avek lezot pei pou nou vwar, eski pou annan en *network* ki nou pou dil avek? Eski nou pou form parti en group par egzant parey pou *FIU* i annan *Egmont Group* ki pou donn zot bann lenformasyon ki pou dir poudir be Naadir Hassan in deza komans en *virtual assets provider* Lenn or dan en lot pei e in *abscond* in vol lamazorite larzan lamazorite son bann kliyan or Mr Samson i ti fer sa *BVI* e in fer menm zafer?

Akoz se sa danze pou nou Mr Speaker. Si ou ganny enn sa dimoun ki antre dan nou ziridiksyon, i kre en problem pou nou e se sa rezon akoz nou bezwen fer sir poudir nou kapab kontrol e *manage* keksoz byen.

Mon dernyen pwen Mr Speaker, i konsern *licensing criteria* ki pou ganny *set* anba sa Lalwa e *Securities Act*. Ki mon ti a kontan konpran, eski sa Lalwa pou *prevail over* serten konponan *Securities Act* an sa

ki konsern bann lofans an relasyon ek sa *licensing criteria*?

Securities Act i fer provizyon pou en *Disciplinary Committee right*, ki dil avek *licenses* ki'n ganny granted anba *Securities Act*, eski sa Lalwa ki la pou *supersede Securities Act*, ki pou fer ki ler en dimoun pou fer en lofans se zis sa Lalwa ki pou *prevail* an relasyon avek en lofans ki pou ganny komet?

Mon ti a kontan klarifye sa pwen Mr Speaker, akoz si ou war en dimoun in fini ganny en *preexisting license* konmela e i deza pe fer aktivite anba *Securities Act* - mon pa konnen *FSA* i ava dir nou e sa Lalwa pou osi annan drwa de regar lo li akoz son bann regilasyon pou fer provizyon pour ki sa i ganny kontrole e i ganny *manage* an relasyon avek sa Lalwa, *then* nou, nou bezwen konnen koman lezislater i kan sa lezislasyon pou vini pou permet nou fer sa.

Mon dernyen pwen Mr Speaker, i konsern *cyber security*, ki Minis pa'n dir nou taler ki petet mon pa konnen si i ava mansyonnen dan son *right of reply*, eski *FSA* pou *subject* son lekor *to* bann mon pa konnen ki mannyer ou apel sa mon, *penetration test* mon krwar zot dir sa ki tanzantan

zot teste si ou sistenm i kapab ganny atake par bann lezot keksoz.

Now, si zot pe fer sa *actually*, eski zot pe fer, oubyen eski zot annan lentansyon fer, pou nou kapab konpran poudir pou ou *manage* sa sistenm e akt koman son regilater, mon krwar Minis i *conversant* avek *banking sector* lafason ki zot travay prenon kont son leksperyans kot Labank Santral.

So mon ti a kontan konnen labank *financial institutions* i annan son striktir eski sa enn osi pou annan son striktir, ki pou permet zot pou nou konnen ki pe arive? Ki i kapab arive Mr Speaker, meton ou Mr Roger Mancienne ou'n aste *bitcoin* parey Onorab Loze in dir e ou annan ou 2 *bitcoin* ou 3 *bitcoin* mon pa konnen mwan.

Eski posibilite ki en dimoun i *hack into* sa sistenm oubyen i atak sa sistenm pour ki i kapab pran ou larzan i la? Eski sa i en keksoz reel e ki bann mezir ki pe ganny pran an plas pou asire ki *as* en ziridiksyon ki oule ofer sa lanvironnman pour ki bann *virtual assets service providers* i egziste, oubyen lezot form *virtual assets* i kapab egziste eski nou, nou pe fer sir poudir

nou annan en *robust system* ki ganny proteze?

So Mr Speaker, parey ou'n vwar i nilman difisil pou mon kapab regard Prozedlwa e fer en lentervansyon lo la. I malere lo komansman ou'n bezwen war li neserer pou restrikte serten komantr ki mon'n fer, me sa bann komantr pa'n ganny fer dan movez fwa; in ganny fer pou montre ki mannyer poudir nou bezwen annan tolerans dan Lasanble Nasyonal ler nou tou nou koze.

Si nou, nou aksepté sa ki ganny dir lot kote pareyman ou e lot kote zot bezwen aksepté sa ki nou, nou annan pou dir.

Alors avek sa mon remerci bann teknisyen FSA, tou bann dimoun ki'n travay lo sa Prozedlwa mon vwar Paul laba ki'n travay avek FSA pandan plizyer lannen, manmzel sorti kot Finans ki in osi *involve* avek sa bann aktivite e nou annan nou 2 zofisye FSA ki la devan.

So mon swete ki zot a kapab reponn serten konsern ki nou annan. E mon konnen zot in koz avek lendistri, me parey nou konnen lendistri i ankor pe zwenn avek lezot dimoun an sa ki konsern ki kalite aktivite zot pou fer.

Pou le moman lendistri i konfortab avek bann keksoz ki zot pe fer, *which is* bann keksoz

ki tanzib e zot deza pe dil avek so nou ti a kontan konpran prezan *where the next step will* be an sa ki konsern bann lezislasyon ki pe vini an relasyon avek *virtual assets*.

Avek sa Mr Speaker, mon pou termin mon lentervansyon. Mersi bokou.

MR SPEAKER

Mersi Onorab. Avek sa, mon ava apel Minis pou donn son repons e konklizyon lo deba.

MINISTER NAADIR HASSAN

Mersi Mr Speaker. Mersi tou bann manm pou zot lentervansyon e zot bann klarifikasyon kestyon ki zot in demande. Mr Speaker, avan mon al lo bann pwen en spesifik mon anvi zis *set the scene context of* sa Lalwa.

Ozordi Sesel i enn bann ziridiksyon kot i annan plis bann *operators of virtual assets*, eski zot fizikman Sesel? Non, me zot *register* bann IBCs Sesel e zot *operate* atraver lemonn.

E *obviously* ler Sesel i vin enn bann *top operators of* bann *virtual assets*, i annan son risk ki vin avek e bokou bann regilater lotorite dan zot pei in lev sa konsern avek Lotorite Sesel, e Sesel ti annan li 2 swa e ler sa 2 swa ti ganny prezante

devan mwan; enn;- se *prohibition* e lot se *regulation*.

E apre bokou deba ek bann teknisyen, nou ti vin lo en konklizyon ki *prohibition* pa pou ed nou akoz kantmenm ou *prohibit* i pa anpes en dimoun fer li ilegalman san en *license, ok?* E sa risk i reste. E konklizyon se anmenn li dan en kad legal e *regulate* li e anmenn en pe plis lord dan en sekter ki kefwaw mon ti a *describe* li koman i ti en *Wild, Wild West, ok?* Sa i *context of* ozordi nou pe prezant sa Lalwa.

E wi, bann konsern ki'n ganny leve *regarding* eski nou'n pare, eski *will we ever be ready?* Larepons se nou bezwen komans *somewhere*. Nou bezwen komans *somewhere* pou nou *build* nou *legal* kapasite, *build* nou *legal framework* pou nou kapab *regulate virtual assets*.

E mon konnen i annan en kantite *capacity building* ki FSA pe fer, pou met li pare me osi i annan en kantite lasistans ki i pe gannyen.

E Gouvernman li menm ki i pe regard plis lasistans pou FSA e bann lezot lotorite, akoz sa i en *issue* ki i pa zis konsern FSA me lezot FIU, FCIU, Labank Santral tousala, i bezwen *build* kapasite pou *properly regulate*. So sa i en keksoz ki pou *ongoing*. E parey

bokou Manm in dir i en sekter ki devlop telman vitman ki ou pe toultan *play catchup*.

Dezyenm pwen zeneral ki mon ti a kontan adrese se ki i annan bokou keksoz pozitiv ki'n ganny dir lo *virtual assets*. Me mwan mon anvi, mon pa pou al repet bann keksoz pozitiv ki in dir, me mon ti anvi zis met a *word of caution* avek piblik. Ler ou pe *engage in trading of virtual assets* ou bezwen konnen ki ou pe fer, e ou bezwen fer en realizasyon poudir *you are doing it at your own risk. Ok?*

Akoz ou pou tann en ta bon keksoz, me i annan en ta move keksoz osi e primerman ou bezwen realize poudir i ki ou pe *speculate* ou, i napa en *underlying asset* ki pe siport en *cryptocurrency*. E ozordi i kapab vo \$5 mil, demen i \$10 mil apredmen i \$3 mil. So wi, ou bann loportinite pou fer gro profi, me ou annan loportinite osi pou fer bann gro pert.

So mon *word of caution* se ler ou al ladan al lizye ouver e ou kapab perdi, ou kapab gannyen. Si prezan mon al lo bann *issue* spesifik ; lo kote *cyber security ok*, i annan enn de Manm ki'n lev sa *issue cyber security*. E dan Lalwa vye VASP li menm li i annan bann regilasyon ki pou liste bann

diferan kriter lo *requirement* pou bann operater.

La nou pe koz *cyber security* pou sa bann operater ki *minimum* standar ki nou *as an operator* ler ou pe demann ou *license* ou pe *set up* ou bezwen met an plas. So sa i pou bann operater. *Leader* Lopozisyon ki mon krwar ou ti pe *refer to*, se li *FSA* ki i annan, *ok?* *FSA* li i bezwen annan son *Cyber Security Policy framework* pou tou laspe son loperasyon - pa zis pou *crypto*, me tou laspe son loperasyon.

E *CEO* in enform mwan poudir par egzantp zot fer *penetration testing* lo zot sistenm. So la i annan 2 eleman; i annan son eleman ki dan son *licensing criteria* pou bann operater, apre i annan son eleman pou *FSA* li menm sa i tonm anba son Polisi entern.

Lo kote reveni - *ok* nou napa bann *forecast* egzakt me i annan bann estimasyon ki'n ganny fer lo kote *license fee*, baze lo sa ki nou pe war an realite nou prezimen ki nou kapab anmas *between \$1 a \$3* milyon lo kote *license fees*.

Lo kote *taxation*, ankor baze lo sa ki nou pe regarde nou kapab kolekte anviron apepre R243 milyon me sa i bann estimasyon baze lo bann statistik ki nou annan. I annan

en lot laspe finansyer e sa i relye avek ler ou kapab pran aksyon kont bann move akter e kot ou kapab konfiske bann *virtual assets* ki *involve*.

Me sa ankor ou pa kapab fer bann estimasyon, akoz i baze lo *compliance* ki ou fer, baze lo *enforcement* ki ou pe fer.

Lot kestyon ki'n monte se lo kote *complaints handling*; *complaints handling* i annan bann Lalwa ki mon mansyonnen ki pou annan bann *consequential amendments*, en e zis pou klarifye sa bann *consequential amendment* i pou ariv otomatik, *ok?*

Me i annan bann regilasyon spesifik ki pou sorti pli tar, par egzantp dan *Financial Consumer Protection Act* dan bann lezot ki pou relye avek *virtual service asset providers*.

Lo kote kestyon *regarding cross border transactions*; *cross border transaction* ki mannyer nou kapab *regulate* li, se *FSA* i annan bann diferan *tools* ki i servi pou kapab *trace* bann tranzaksyon. Me ki pou kle dan son louvraz pou kapab adres bann *cross border transactions*, se bann relasyon bilateral ki nou kapab fer ek bann lotorite ek regilater.

E sa mon konnen i annan loubraz ki *both FSA, FIU* in komans fer, pou etabli sa bann relasyon pou kapab *facilitate* sa bann loubraz.

En lot pwen ki'n ganny releve se lekel Lalwa ant *Securities Act* avek *The Virtual Asset Providers Act* ki pran priyorite. Vi ki sa nouvo Lalwa i en Lalwa spesifik pou *Virtual Asset Service Providers*, so sa Lalwa pou pran pou *supersede The Securities Act*, ok?

Lo kote *beneficial ownership* se pa *FSA*, zis en pti keston Onorab, se pa *FSA* ki annan *the beneficial ownership database* me se *FIU* ki *the custodian of the beneficial ownership database both* pou bann *IBCs* e bann *domestic company*, ok?

So lo sipervizyon li menm, *FSA* i pou *setup* en spesifik *unit* ki pou apel *the Virtual Asset Supervisory Unit* ki li son manda pou spesifikman *regulate* bann lakonpanyen ki tonm anba sa Lalwa. E dan *licensing requirement*, i pou annan tou bann detay lo bann diferan kriter ki pou ganny met an plas e provizyon i ganny fer ki *FSA* i pou an pli en maksimonm 2 mwan pou li *process* en *license application*.

E keston ki'n ganny demande *regarding*

lenplimantasyon Lalwa, se otomatikman koman Lalwa i *assent* lenplimantasyon sa Lalwa pou komanse. Savedir i pou napa en *commencement date* ki pou pli tar, i pou otomatikman apre *assent*. E *FSA* in enformen poudir zot in pare pou lenplimantasyon.

Lo bann *issues* ki'n leve *regarding MNA* Loze, bann *issues* la mon pou vremen lir bann *comment* ki mon'n gannyen *from FSA* akoz i ase teknik. Lo *CASP* mon ganny dir ki sa i parey *VASP* me zis non ki diferan e sa i ganny itilize plizoumwen dan *context IOSCO* e *MICA* Lerop. Ki sa i vedir mon pa tro sir, bann *expert* i ava desifre son *meaning*.

Travel rule i annan en provizyon anba katriyenm *schedule* ki pou *consequential* pou *The AML-CFT Act* kot tou *licenses* pou oblize annan lenformasyon spesifik lo bann transfer *virtual asset*. Sa ki konsern *DeFi* i bon note ki labaz en vye *ASP* i retir bann akter tradisyonnèl parey labank.

DeFi li menm i en nouvo fason linisyativ fer biznes, kot i tir bann akter tradisyonnèl, swa atraver *FIAT Currency* e osi byen vertyel. Alors ek sa nouvo Lalwa i pou annan nouvo regilasyon pou regulariz serten aktivite parey monn - parey in

ganny liste, prensipalman kot i konsern *FIAT* ek *virtual currency*.

E lo kote *analytical tools*, *FSA* in zwenn detrwà founniser bann *blockchains analytical companies* e i pou byento swazir meyer opsyon ki pou aplikab pou son loperasyon sirveyans, deteksyon pou bann aktivite *VASP*.

Lo *NFTs* ek *ICOs* e sa bann ki'n ganny kree Sesel par bann endividi oubyen lakonpanyen i pou bezwen vin anrezistre ek *FSA* e sa i diferan ek *licensing*.

E dernyen pwen lo kote Lalwa pou ganny revwar depandan lo risk ki sa aktivite i anmennen dan pei aköz teknoloji pa ok, sa mon krwar i relye avek *dynamism in the market*, se ler bann evolisyon dan risk lo fonksyonman bann *entities* sa i pou annan bann *risk assessment* ki'n ganny fer e Lalwa i ava ganny amande anliny avek sa.

Avek sa Mr Speaker, mon krwar mon'n adres tou bann pwen ki'n releve. Mersi bokou.

MR SPEAKER

Mersi Minis. Bon avek sa mon apel bann manm pou vot lo merit zeneral sa Lalwa pou *Second Reading*. Manm ki an faver lev lanmen silvouple? Mon

war tou Manm in leve napa okenn Manm ki kont.

Lo *general merit Virtual Asset Service Providers Bill, 2024 - 27* manm in vot pour, 0 kont, 0 *abstain*. Donk, *Bill* in aprouve par Lasanble e Madanm Clerk i a fer *Second Reading*.

MADAM CLERK

Mersi Mr Speaker. *A Bill for an Act to provide for a legislative framework to regulate virtual asset products and virtual assets service providers; -*

To provide for the designation for The Financial Services Authority as a Regulatory Authority;

To provide for their licensing or virtual assets providers;

To provide for the registration of promoters of initial coin offerings and non-fungible tokens;

To address potential financial crime rates associated with the misuse of virtual assets products and virtual assets service providers services and to provide for other connected or incidental matters. Mersi Mr Speaker.

MR SPEAKER

Mersi Madanm Clerk. E avek sa nou'n termin *Second Reading*.

Bon, be nou ava *adjourn* la e mon ava remersye zot pou zot partisipasyon ozordi. Nou annan ankor demen ; demen *matin* 9 er nou a komans avek bann *amendments*. Nou a *adjourn* ziska demen *matin*.

(ADJOURNMENT)

